

SPEAKER : Mi a awmdanin Lalpa a thlawm chuan a hmelma nen lam inremia a awm tir thin.

Thufingte 16:7

Zawhna leh chhanna hun kan hmang ang a. Starred Question No. 161-na zawt turin Member zahawm tak Pu H. Lalsangzuala i lo sawm ang.

QUESTIONS

PU H. LALSANGZUALA : Pu Speaker, ka zawhna chu Agriculture Department Minister zahawm tak chhan a tan - (a) Mautam avanga Sazuin buh leh bal, thlai chi hrang hrang a tihchhiat, a ei zawh avanga Zokhaw lama lo neia eizawng tan thlai chi sem tunna a awm em ? (b) Sazu mei lei nan kan Sorkar hian cheng engzatnge a senral tawh tih ka zawt e.

SPEAKER : Chhang turin Agriculture Department changtu Minister zahawm tak Pu H. Rammawi i sawm ang.

**PU H. RAMMAWI
MINISTER** : Pu Speaker, Member zahawm tak Pu H. Lalsangzuala zawhna (a)-na chhanna kha nei e tih a ni a. Tin, (b)-na, Sazu mei lei nan Sorkar hian cheng engzatnge a senral tawh tih kha, Sazu mei lei nan Sorkarin cheng nuai sawmhnih pakua, singruk, sangnga za sawmruk paruk a seng tawh tih a ni e.

PU H. LALSANGZUALA : Pu Speaker, zawh belhna Mautam avanga Sazuin buh leh bal, thlai chi tam tak a ei chhe vek a, kan Zokhua kuthnathawktuten thlai chi pawh lin tur nei lovin an awm a ni a, sem an tum mek a ni a. Tunah thlai chi lin a hun mai tawh dawn si a, a va thlai duh mai awm ve. Hei hi a rang thei ang bera thlai chi neitote hnenah leh buh chi tuh tur nei lote hnenah an sem tan thei tawh mai lawm ni tih ka zawt duh a.

Tin, pakhat lehah Sazu mei leina atan hian cheng khati zat kha kan seng a, a tam hle a. Tunah Mautam avanga nikhata chaw fun loh chuan hnathawk theilote pawh chaw fun turte pawh an neilo a nih tawh

karah hetah hian Buhfai leina zawk atante Sazu mei a sawtna awm tawh lo leina atana hman ai hi chuan a tha lawm ni. Hei hi tihdan danglam theih dan a awm em tih ka zawt e.

SPEAKER : Pu Hiato hi nichin khan a pharin ka hria a, Pu S. Hiato.

PU S. HIATO : Pu Speaker, ka lawm e. Buh chi pheih chu sem loh chuan kuminah loneituten tuh tur an nei lova, kan sem dawn an ti a. Tunah hian sem turin an inpuahchah tawh em ? Sem theihin a awm em tih ka zawt duh a.

Alu ching turte, lo vat tawh, hal tawh, a chi neilote kha thawn tum a ni em ? tih ka zawt duh a.

Sazu mei lei nan nuai 29 aia tam hman a ni a. Sazu mei an lei leh tura an hrai hlum avang hian khaw engzat lo nge an chhan ? tih ka zawt e.

PU LALHMINGTHANGA : Pu Speaker, a relevant tho turah ka ngai a. Kan Assembly-te hi an lo thlir ve reng thin a. Mautam chhanna atana Aieng chi pek kha tunkum atan hian hralhchuah a, sum leh paia chantir a tul an ti em em a. Kan discussion-te an lo thlir a, ka bial atangin zawhna tam tak ka dawng a, min han zawh nawn sak leh teh an ti a. Aieng hi tunah hralh duh tam tak an awm a ni. Engtingge kan Sorkar hian a leisak dawn, nakum lam nghak thei dinhmunah khan an ding si lova, hei hi Sorkar atangin min rawn zawhfiah sak la, a bik takin Lenglei District-ah hian khawilalah nge kan hralh ang a, tunah hian chawh sate pawh kan nei teuh tawh si a, an ti a. Chulai chu a urgent hlein ka hria a. Kan Minister hianin a chhan nghal theih chuan engzat rate-in nge pek tur ni ang a, khawilai hmunah nge pek ni ang a, a lo dawngsawngtute kha khawiah nge ni ang tih kha kan hre duh a ni e.

PU H. LIANSILOVA : Pu Speaker, thlai chi lam chungchang zawhna a nih avangin a relevant thovin ka hria a. Kan Minister zahawm tak hianin thlai chi leina chungchangah hian nimin

khan Zozam Weekly-ah Chiang deuha rawn chhuah a awm a. RTI atanga an tarchhuah niin a lang a. Season kaltaah khan thlai chi leina chi hrang hrang atan hian vaibelchhe 8 chuang zet hman a ni tih a ni a. Tin, tunat hian tun thal laia thlai chi lo chin tur atan thlai chi tam tham tak mai sum senga lei niin an rwn tarlang a, kan Minister khan a hre thei maiin ka ring a. Chung chu Agriculture emporium-ah leh Agriculture Godown-ah khan lo thleng lo rih niin sawi a ni bayk a, kha kha han sawifiah, min hrihfiah sela a tha hlein ka hria a. A hnuhauung zawk kha a man pawh a tam tham khawp tho mai a, khatiang kha a awm reng em? Chanchinbua lo chhuak hi a dik em? A dik a nih chuan engatinge thlai chi kha thleng lova khati zat zat pawisa hman anga tarlan a lo nih tak mai kha? tih ka zawt duh a.

Tin, thlai chi lei nana kan hman vaibelchhe 8 lai mai kum kalta khan buh chite kha chu an rawn tarlang nual a, chutih rual chuanin kan thlai chi lei hi a realistic assesment anga lei a ni lo deuh em ni? A thar chhuah lam hi khang thlai chi hrang hrang an han tarchhuahah khanin a tharchhuah hi kan nei tha mang bar lo nia sawite hi a ni a, helai hi engnge ni han sawifiah chiam deuh a tha awm mange, Chanchinbua khan a lo lang chhuak vek mai a, chu chu ka zawt duh a ni e.

SPEAKER : Le, a pawimawh kan ti tlang a niang, kan phar sup sup mai a, kan ti leh ngheng mai ang chu. Dinglam hi kan sawm ve ang e, Pu K. Vanlalauva.

PU K. VANLALAUVA : Pu Speaker, a relevant lo tih ka hre sa a, amaherawhchu. ka question-ah a chhuak hman dawn lovin ka hre si a, telephone tukinah ka dawng tam angreng a, bial lam atangin, kan Minister zahawm tak hian a chhan theih tho ka rin avangin. Bungzung atanga Thlikua Lind Road KM 1 kumtin buh tin 3500 thar theihna link road leh Bungzung atanga tuipui Biate kai buh, kumtin tin 10.000 chuang thar theihna link road hi tun kumthar atan hianin ruahmanna min neif sak thei hram em? tih zawhbelhna a ni e.

PU LALDUHOMA : Pu Speaker, thlai chi zinga pawimawh ber maia lang rih chu Sawhthing hi a ni a. Sawhthing chi lei nana hmankuma loan pek Sorkarin a rulh sak tak kha ala rulh sak zo lo deuh a nih pawhin an dahkham inhmun pass leh khatiang ang kha a vaiin Sorkarin a pechhuak thei tawh lawm ni? A hren sak rei tawh em mai a. Chu chu

harsatna engnge la awm ? ZIDCO chauh a ni lova, Pu Speaker, MCBA te a ni a, MKVI ahte a ni a, MIFCO ahte pawh a ni a.

Tin, Pu Speaker, Minister min chhan atan a ni ka zawh ni. Pahnihnaah chuan, nikum lampanga Aieng leisak an nih khan a chotute khan an han cho a, a leina tur khu Collection Centre-ah an phurh tir a, chutah chuan an lo buk sak a, an lei zawhah an khuaa ching turin an phurh hawn tir leh a, anrawn phurh thlenna leh an phurh let lehnaah ringawt pawh khan tha tam tak an seng a. Chu nena chhut chuan a leina rate kha chu a hniam viau lo thei lova. Tun tumah hian an lei theih leh ang ang hi chu an lei zo dawn lo a ni tih hi chu kan Session chhung khan Pu Speaker, a lang tawh khan ka hria a, an lei theih ang ang hi chu. anmahni khuaah leisakin anmahni khuaah chin turin pe nghal sela. Ramhnuai ami ina phurh kher pawh ngai lovin, ramhnuaihte buk sak sela, pe nghal sela, tha tam tak seng thlawn lo zawnga ruahmanna siam sak hi an tum thei angem tih ka'n zawt a ni.

SPEAKER : Pu Lalrinliana Sailo kha a phar senior zawkin ka hria.

PU LALRINLIANA SAILO : Pu Speaker, ka lawm e. Kuthnathawktute tan a nih avangin a relevant-in ka hria a. Hei question ka zawhna Starred Question 150-na min chhannaah hian, Optimous Service kha hei, pawisa hman diklohna kan hriat chhuah hnua cancel chawp ni khan ka hria a. Cheng vaibelchhe 59, kha kha min chhannaah hian DPR siam nan Rs. 10,00,000/- pek a ni a ti a. Kan hriat dan nen a inmil lo, amaherawhchu, min chhanna hi kan ring a, cancel a nih chuan, kha kha pek let leh tur nge ni ang ? tih kha ka'n zawt a. A chhan chu, hemi State Web Area, Network-a awm a, chu chu kan sawi tawh a, E-Governance-ah. Tin, Community Information Centre siam a ni tawh a. Tin, Agriculture Net a awm tawh a, tunah pawh hian hei hi crore 1 vel chu hman mek a ni a, crore 5 approved tawh a ni a. Chutianga Agriculture kuthnathawktute tana information tha tak duan tawh nisi a, optimous mai hi, a anglo lutuk a, tunhnuah reng reng Member tena kan hriat chhuah avanga cancel chawp ni lova, sum siam tumna ang liau liau hi awm tawh lo se kan ti a.

Tin, ka zawhna chu hemiah pawh hian hei..... service charge for fund generation, vaibelchhe 1 tawpte han dah ang chite hi a nilo lutuk a. Phai rama Delhi-a zuk tlawna tur leh percentage zuk pekna tur em ni ? Tah hianin an ziaq kuau mai si a, tiang chiah hi engnge a awmzia ka'n zawt a. Nuai 10 pek tawh kha laklet leh tur em ni ? Kuthnathawktuten minrawn be nasa mai.

PU H. ROHLUNA : Pu Speaker, ka lawm e. Zawh belhna, Thlai chi chungchang a ni a, Alu chi hi kuminah pawh an pe a, kum dangah pawh hianin an pe thin a, Agriculture-te pawhin an pe thin a, Horticulture lam atangte pawhin pek thin a ni a. Hemi an sem dan phungah hianin ruling party unit-te hian an ta emaw hi an ti mai thin ni hian a hriat a. Kan bialah ngei ngei pawh khian V/C ten a hmun vat ngei, rualkhai taka sem tura an han tih pawhin a hmun vat manglote hian an chang tam zawk mah thin a ni a. Chuvang chuan, hetah hian harsatna kan nei a, tunah hian tam tuar chhungkuate tan buh chi hi sem tura tih a ni a.

Chumi atan chuan Sorkar pawhin a lei khawm nasa tih kan hria a, hemi kawngah hian rualkhai takin party nihna sawi lovin a mamawh dik takte hnenah hian he buh chi an leikhawm hi sem a ni angem ? tih ka'n zawh belh duh a. Tin, chumi anga ti tur chuan he House-ah Minister-in min tiam thei em ? tih ka'n zawh belh a ni.

PU SAILOTHANGA SAILO : Pu Speaker, ka lawm e. Heng Society pathumte hnenah hian pawisa engzat nge pek a nih ? tih ka'n zawt ve duh a. Pakhatnaah chuan, MIFMA, pahnihna, MIFAS, MNF Farmerless leh AMFU-te hnenah hian Sorkarin pawisa engzatnge a pek ? tih ka'n zawt belh e.

SPEAKER : Zawhbelhna a tam hle mai a, a then chu a zawtute pawhin relevant lo an ti a, a thenin relevant hrama an hriatte a ni a. Chhang turin Minister i lo sawm ang.

PU H. RAMMAWI MINISTER : Pu Speaker, a tawp lam atang khan chhang ta ila. Agriculture Department a ni a, Horticulture kha kan cover ta teuh mai a, thil dang pawh kha. Kan zawhna original question nena inpersan deuh deuh inralrin kha a awm a, kan lo inrin zawh loh deuh a awm a, kha kha chu min hriatthiam ka ngen a. A tawpna bera MIFMA, MIFAS, AMFU hnenah pawisa pek a nei em ? tihlaia kha heng MIFAS an tih hi chu Pu Speaker, ka hriatah chuan pawisa kan pek ka hre lova, MIFMA hi engzat chiah nge, hemi Hmunphiah buaipute hi a tirah khan a bul tanna pawh hi meeting atangin kan sawi phurpui hlawm a, hmunphiah hi a market a tha a ni tih hi kan sawi phurpui hlawm a. Keimahnin bul kan tan ti ila,

ka sawi sual lovang, chutianga bul kan tan chu a ni a. Amaherawhchu, pawisa hi chuti takin a market-ah hian kan pui lova, incentive siam nan a tirah tlem azawng puihna kan nei em aw! ka chiang chiah lova, nakinah Pu Speaker, Member-te ka sem thei ang a, tlem incentive siamna atana kan tih a awm em? chu chu ka lo en ang a. Tin, AMFU hi a pawng a puiin AMFU tih hi kan pui hran lo a. Amaherawhchu, Sorkar programme engemaw tih tir kan duh hian kan tang mal a, engemaw incentive siamna tur hian Farmer incentive siamna tur atana Sorkarin tih kan duh hian anni hi agency angah kan hmang a. khatiang khan kan kal thin a. Chu chu engemaw ti zawng chuan puihna a ang thin a. Mahse, tak takah chuan Sorkarin kan thil tih duh agency anga kan hmanna hi a tam zawk a ni tih kha ka'n sawi duh a.

Tin, Pu Rohluna, Member zahawm tak Ngopa biala mi zawhna kha, alu chi sem dan kha a buaithlak khawp mai. Alu chi sem hi khawtinah a remedy hi chi hrang hrangin kan zawng a, a har khawp mai a. ka bial lamah pawh uluk taka kan hrilh pawh hianin duh ang thlapa thil kaltir hi a har khawp mai a. Thuneitu bik an lo awm lo thei lo a, tangruah deuh hlekin NGO te nen ti rawh u aw kan intih pawh hianin a kal fuh har khawp mai a, 100% hi a kal dik thei lo tih hi ka admit a. Theihtawp chuan instruction pawh kan pe ve, mahse, khawchhung mi kha kan Officer-te pawhin an hre vek seng si lova, lehlamah V/C te hmanruah kan hmang lo thei si lova, a lehlamah hmun thenkhatah a grower-te, hmun thenkhatah chuan AMFU-te nena tang tlanga tihte a lo awm a, a chang tam deuh leh a chang tlem deuh tih hi chu a awm lo thei lova. Ka bialah khaw pakhtah chuan ka instruction ang thlapin an kal a, a lian leh a te awm lovin, a vat zau deuh pawh a chi hmu tam chuang lovin, rual takin an sem thin a. Hmun tam takah hian a har khawp mai tih kha ka'n sawi duh a.

Tin, a zawhna, buh chi sem dan chungchangah khan a mamawhte hnenah dik taka sem tumna a awm em? tih kha. Pu Speaker, hei hi kan ngaih pawimawh ber a ni a. A tir atangin kan committee a, lo vat lote hian a chi hi an dawng palh angem? a chi harsat nen hian tih ngaihtuahna kan hmang a. Lo vat lote leh a chinna neilo ten an dawn lohna tur hian engtinngge kan tih ang? kan ti a. Committee-in kan ngaihtuah a, ngun taka kan ngaihtuah hnuah Mizoramah hian Disaster Management, kan tam tawrh vangin District tinah District Level Committee an awm a, D.C. tirah kan entrust a, anni khan Village Level-a Disaster Committee hmang sela, lo vat lo hi chuan buh chi hi dawng lo hrim hrim sela, a vat erawh chi chuan an dawn ngei ngei theihna turin uluk takin ti rawh u, tiin. District tinah D.C. chairman-na hnuajah Disaster Management kutah kan hlan a, an nin an monitor vek seng lo ang a, Village Level-a Disaster Management Committee an entrust lo theilo ang a, kan ngaih pawimawh ber chu Pu H. Rohluna rawn sawi chiah hi a mamawhte ngeiin buh chi sem hi an dawn theihna tur kha kan target a ni tih hi Pu Speaker, ka chhanna ni sela.

Tin, Pu Speaker, Pu Lalrinlana zawhna Optimous chungchang kha chu hmannah kan sawi tawh a. Amaherawhchu, hetah Community Information Centre-te pawh a awm vek tawh a, block tinah. Keimahni Mizoram ngei pawh hian BSNL pawhin Broadband an nei a, tin, airtel pawh hian

V-SAT an nei a. Engatinge a dang, a hrang a hraia hreuh leh kher tum tih lai kha a valid khawpin ka hria a. Amaherawhchu, Pu Speaker, Mizoram hi BSNL te, Airtel te ngaihdanah chuan, Nagaland-ah Kohima-ah I.T. Meeting a awm a, NEC-ah DONER Minister hovin NEC Meeting a awm a, IT subject liau liau sawina meeting-ah hian kan Chief Minister a tel theih loh avangin ka tel a. Chutah chuan, anni chuan Airtel-in V-SAT Shillong ami, (Mizoram hian Shillong ami kan ring a ni.) Tichuan, Broadband pakhat chiah kan nei a, BSNL ta hi, chu pawh chu over-loaded a ni a. Aizawl khawpuiah hian, hemi pahnih chiah hi Internet kan zawm theihna tur line awmchhun a ni a. An han sawiah chuan, Mizoram hi tha thluam angah an ngai a. Aizawl-ah pawh Internet kan hman theih loh dan chu hei hi a ni ta a ni. BSNL pawh Lungleiah Broadband pakhat tal chu in dah belh thei lawm ni kan ti a, kan dah ange an ti a. Aizawlah hian Broadband 3/4 chu awm se a zia deuh tur, an che hleitheh bik lo a ni. Chuvangin, tunlai I.T. hmasawna, thangtharte mamawh hi tunah hian kan harsa tlat a ni.....interruption.....

PU LALRINLIANA SAILO : Pu Speaker, SWAN hi ZENICS in a la mek bawk a, AGRINET 5 crore, ama hnuaiyah ngei 1 crore vel sanction tawh a ni bawk a. Engatinge 59 crore kha a lo pian lehna ringawt kha ? Meter-ah 3 hi ? thleng thak thak a awm a ni.

PU H. RAMMAWI MINISTER : Pu Speaker, kan Minister-te, MLA rual pawh hian kan duh hunah kan hmang thei tlat lo.....(interruption)
Pu Speaker, a thu hi chuan a dik a, a tak hi chuan a thleng lo a ni. Block tin ami bak hi District-ah hman a har khawp mai, D.C. tinah pawh zawt ila, kan khamkhawp loh zia, tunah takngial pawh kan kham khawp lo a ni. Company lian ho hi an tan ve a ngai a, tang tur pawhin kan innawr a ngai a, tuna mi hi chu DPR siam tura kan tihna a ni a, he House-ah hian ka sawi tawh. DPR hi tumahin a thlawnin siam tir a ni lova, DPR an rawn siam ang a, chu chu uluk takin kan scrutinise ang a, chumi hnuah chuan kha DPR kha a that chuan Govt. of India forward a, pawisa dil tur a ni a. Govt. of India hian IT ah hian lian taka kaltir an tum avangin, vaibelchhe sang tel an dah reng a ni. An rawn dah thar a ni lehghal a. Khalai avail dan tur kha kawng hrang hrang i dap ang tia kan hmalakna a ni tih kha ka'n sawi duh a.

Pu Lalduhoma zawhna, ramhnuai em ema Aieng lei kha chu kan tlin hauh lo ang. Khuaah pawh V/C te, AMFU te, YMA te, NGO te min pui rawh u kan ti a, tlawm an ngai a, a hmasa pawh khan min pui, kuminah pawh hian tlawmngai turin kan in ti a, hma kan la mek a. Khaw chhunga leiah pawh khanin lei phawt a, lei zawh huna khara, chumi hmaa sem chhuah, leia

sem chhuah nghal kha chuan lei sa kha lei nawn a awl lutuk dawn a. Khami kha a ngai si a. Chuvang chuan, a stock-na nen lam pawh hian khaw chhunga committee ten kan NGO team-te nen tang tlangin hma i la ang kan ti a, an ni pawh tlawm an ngai a, a bik takin Mizoram Upa Pawl chungah hian an ni hi hetia ngaih ai hian an lo tangkai a, thingtlangah min an lo zah bawk a, tlawm an ngai a, kan hman tangkai khawp mai. Farmer thilah hian min pui tha khawp mai tih kha Pu Speaker, ka sawi duh a.

Tin, sawhthing loan chungchangah hian Pu Speaker, kan sawi nawn leh duh chu, he House zahawm takah hian kan sawi tawh em ka hrelo. India Sorkar Ministry hmasaah khan Pu Vajpayee Prime Minister a nih lai khan Finance Minister-in hemi chungchang hi a sawi tawh a, India mipui hriatah ngaihdamna turin. Sorkar a inthlak a, a inthlak hnuah pawh tuna kan Prime Minister ngei hi farmer hovin an hmu ve leh a, khatiang bawk khan wave tur khan kan national level farmer ho henah khan a sawi a, national news zawng zawngah kan hnu a. Amaherawhchu, kan duh ang khan vavii thleng hian thil a kal lova, chutiang chuan Pu Speaker, loan hi tunah hian an dahkhamte a lo tang ve bawk nen khan ngaihdam tawp an ni lova, mahse, Sorkarin a rulh sak a, March 2007 khanin Sorkarin a rulh sak tan chho ta a. ZIDCO, Mizoram Cooperative Apex Bank, Mizoram KVI Board, MUCO te, a hrang hrang kha a awm ta. An ni tih chin kha a inang rih lova, mahse, Pu Speaker, Sorkarin theitawp a chhuah a, tunah hian Mizoram Cooperative Apex Bank hi chuanin rulh kim a nih hnuah an dahkhamte hi chu kan pekir ange an ti a. A interest-te a lo awm ve si a, chutihlai chuan ZIDCO chuan mahni pawisa a rul zote hnenah kha chuan Sorkar puihna nen, an dahkhamte kha an pekir leh tawh a. Tin, Mizoram KVI Board pawh hian an dahkhamte kha an pekir ve leh mek a, MUCO Bank atanga latute erawh chu MUCO Bank-in Sorkar min hrilh dan chuan an dahkham lalet tur hian MUCO Bank hi min dawr lo a ni an ti a, loan latute kha dahkham kha an nei a, an dahkham an rawn claim lo a ni tih hi MUCO Bank-in Sorkar min hrilh dan a ni a.

Khawthlang bialtu zahawm tak Pu K. Vanlalauva zawhna, Bungzung Thlikva, Bungzung Tuipui tih kha Pu Speaker, zep lovin ka tlawh loh area a ni a, Link Road kan neih kha khawilai nge ka chiang ta lova, Pu Speaker, hei hi chu nakina kan pahniha kan sawi dun turah dah ila, a area hi ka kal lohna a ni hlauh mai, ka chiang chiah lo tih kha ka'n sawi duh a.

Tin, Member zahawm tak Pu Liansailova zawhna, vaibelchhe 8 lai kum hmasaah seng tih kha Pu Speaker, thlai chi hrang hrang hi Agriculture Department hian kan lei thin a, tin, kan lei zel pawh a ngai bawk a. Thlai chi la thleng lo tih pawh kha, order kan placed sa la thleng lo hi a awm nual a, a then thleng tawh pawh a awm a, entirnan, Vaimim chite hi a then a thleng a, a then a thleng lova, a mamawh area-ah a tam thei ang bera chin tir a, Vaimim an seng zawh velleh Bekang kan ti lehngal a, tichuan, Vaimim chingte leh Bekang a hmun ngaia chingte kha chu grower card kan siamsak ang a, khamite leh Tanhrila ran chaw siamnaah hian an ni khan an hralh ang a, tichuan, card hmangin farmer-te khan an hralh zel ang a, kha card-ah khan marking a awm ang a, inbum

theih lohin, chutah chuan Sorkar pawhin a tul chuan support a pek theihna turin, tiin tunah hian ruahmanna fel tak an siam tawh a. Vaimim chingtute, Bekang chingtute bik pheih hi chu contract farming-a kal tur kan nih avangin bul tan nan tiin farmer tinte grower card nen thum vek kan tum a ni tih ka sawi duh a. Chu chu bul tan nan, nakin zelah incentive siam nan, hetah khawl kan nei a, kan ram hi a chin nan a tha bawk a, heti zawng hian i kal ang kan ti a.

Hetah hian ka sawi duh chu.....

PU H. LIANSILOVA : Pu Speaker, kha, Minister khan a han sawi chiang a, a lawmawm. Chanchinbuah a lo chhuak si a, a department leh Sorkar lam pawh kha engtizia nge ni han tih ngaihna tur a awm a. Tuna kan ngaihthlak tak ang khan a chi lo la thleng lote a ni a, tih kha ka ngaihthlak dan a ni a, a lawmawm a. Mahse, a chi thlen hmaa pawisa lo pek mai kha thidat thlen reng em ni lo ni chu le? khalai kha sawifiah leh theih nise. A man hi chu a supply lo thlen hnuah, a dawngtuten an certified hnuah account lamah a lut ang a, pek tur hi awm a ni a, khalai kha sawifiah leh hlek nise, a dang kha chu a tha e.

PU LALTHLEGLIANA : Pu Speaker, tawi te ka han sawi lawk teh ang. Hei darkar chanve zawhna pakhatat kan thleng a, ngaihtuah tam theih deuh hlek zawhnate en tam nise. A zawttu lam pawh hi tunhmaa min kalpui ang deuh hlek khan kalpui ila, tin, a chhangtu lam pawhin vet kual thui lutuk lo sela a tha lawm ni tih ka rawt duh a ni.

PU D. THANGLIANA : Pu Speaker, kan Minister zahawm takin a rawn chhan ngal atana ka sawi duh chu, Sazu mei lei nena in relate tak pakhat a ni a. Tukinah ka bial lamin min rawn phone a. Alu chi, khi ka bial Vanlaiphai leh Lungkawhthe khi Alu that duhna hmun a ni a, kumtinin Department-in a chi min pe thin a, kuminah khian an vat teuh tawh a, a chi min la pe lova, hei chin a hun tawh a ni si a. Hei Alu chi hi min pek an tum ve em? Min pe dawn ta sela, engtikahnge min pek theih ang? tih kha min hrilhiah tel nghal atan ka zawh belh duh a ni. Tin, Vaimim leh Buh chi pawh kha. Buh chi pawh khilalah chuan kan mamawh hle a, Vanlaiphai hovin min rawn phone dan chuan tin 700 bawr vel keini bawr pawhin kan mamawh dawn a, an ti a. Khang kha min pe ve thei dawn em? tih ka zawt nghal a ni.

PU H. RAMMAWI : Pu Speaker, ni e, buh chi bik hi a harsa

MINISTER

khawp mai a. Rin aiin a bauithlak khawp a, Lawngtlai area-ah pheih chuan an buai khawp a, Champhai, Ngopa lam amite an va zawng a, khatiangte khan tih an tum a.

PU R. LALZIRLIANA : Pu Speaker, buh chi kha Maite amite kha in la lei zo lo, min rawn phone a, in harsat chuan in lei leh thei mai lawm ni ?

**PU H. RAMMAWI
MINISTER** : Pu Speaker, an zawng an zawng a, Maite kha chu Aizawl District a ni a, an lei zo turah kan ngai a. Serchhip pawh hian an mamawh belhin kan ring a, Saiha leh Lawngtlai District pawhin kan mamawh belh in kan ring. An zawng mek a ni Pu Speaker, an neih phawt chuan District kan hrilh ang a, a la awm chuan kha kha chu kan lei zo vek ang.

PU SAIKAPTHIANGA : Pu Speaker, Tai ching area kha an hmanhmawh theih bik angem ? Buhpui ching area ni lovin, Tai ching chu tunah hian tuh a hun tawh a ni a.

**PU H. RAMMAWI
MINISTER** : Pu Speaker, District Disaster Management Committee tinte kaihhruaina hnuaiah hma an la mek a tih kha ka chhanna ni sela. Member zahawm tak Pu Lalhmingthanga zawhna kha, a hralhna kha, kuminah Mizoramah chuan a theih chin chin hi chu ching nawn ila tih kan duh a, chin tir leh ila tih kan duh a.

PU LALHMINGTHANGA : Pu Speaker, Sorkarin a duhthusamna chi kha a ni tawh lova, a original plan-ah khan Mautam tam hemi atana chin kha a ni a, tam nasat zual ber lai chu tun hi a ni ta a ni. September thla atang chuan Buh an seng ang a, vur kum a ni dawn a, khati em ema an mamawhna kha a awm tawh dawn lova. Chuvangin lo ching puitlinga hralh nghakhlel tawhte chu rate siam sak a,

zaninah emaw naktukah emaw hian lei sak a, a leina tur hmun pawh kha siam sak ila, tichuan, an riltamna kha a chhawk dawn a ni. La ching nawn leh se tih kha chuan a original purposed kha engmahloah a siam vek dawn a, Pu Speaker, decision hi siam vat se.

**PU H. RAMMAWI
MINISTER** : Pu Speaker, decision hi siam a ni tawh a, kum leha ching nawn tur hian ching suh u pawh ti ila, Aieng hi chu an la ching nawn tho tho dawn, a that zia mipuiin an hre tawh a, vawiinah hian lei theih mai a nilo, a field-ah va kal a, kan Officer-te tunah kan intir darh vek a.

PU LALHMINGTHANGA : Pu Speaker, chu tak chu kan tih dikloh chu a ni, tun Sorkarin. Tam chhanna atan Aieng chin tir a, lei thei leh si lo kha engnge ni a awmzia ? Hetia sawikuala ...interruption... tunah an duh tawh a, tunah an cho tawh a.

Hetah hian sawifel a ngai a lawm, kan sawifel lo a nih kha. Kan sawifel lo a lawm Pu Speaker. Hetah hian a felna reng reng a awm lo. Anih loh leh min chhang rawh, cheng engzatin nge in lei sak dawn ? khawi hmunah nge ni a, chu chu a vaiin in lei dawn em tunah hian ? An mamawh a, khawiah nge in lei dawn ? Rs. 6/- in tih ringawt khan chu chu a ni kan duh. Sawikual mai mai a nilo, Pu Speaker, a zahthlak deuh a ni, hetianga rorelna hi.

**PU H. RAMMAWI
MINISTER** : Pu Speaker, kan department Officer rual a hmunah collection centre tur remchang zawngin tunah hian an kual mek a, Mizoram hmun hrang hrangah a awmna area a zirin a ching lehtu turte pawh. Tin, back-up plan pawh kan nei a, tih kha hmanniah ka sawi tawh a. Tin, a area-ah Rs. 6/- a va lei sak tur kan ni e, tih kha.....interruption..... Tichuan, Pu Speaker, ni 4-ah hian kan thukhawm leh ang a. Pu Speaker, Sawthing quintal 2/1 lek ching hi an pawr em em ve thin bawk a lawm le. Chuvang chu a ni tel em ka ti a. Tichuan, Pu Speaker, Aieng hrim hrim hi

PU LALDUHOMA : Pu Speaker, hlaithawanna an neih lehzualna chu tuntum Session-a kan Sorkar thuchhuak avang hian an hlaithawng thar a ni.

Certified leh certified loh a sawi leh tawh si a, chin tir lain chutiang sawi a awm si lova, a chi pawh an certified sak bawh si lo. Tunah hian kan Sorkarin certified e certified loh e tih hi sawi tawh suh se, a ching kha chu lei mai rawh se.

PU R. LALZIRLIANA : Pu Speaker, hlauhthawn thar pawh a dik ang a, an Officer, Horticulture Officer-te kal kual khan Mamit Division-ah chuan in khatah quintal 1 bak kan lei thei dawn lo an tih avangin an mangang em em a ni.

PU H. RAMMAWI MINISTER : Pu Speaker, lei kan tum e. Reservation kan neih chauh erawh chu Pu Speaker, confuse lohah a thain ka hria. Organic certification nen kan kal tawh a, organic certification nena kan kalna area chauh kha, a area chauh kha certification kan nei tep tawh a, engkim peihfel vek a ni tawh a. Certification pawhinterruption..... Pu Speaker,

SPEAKER : A chiang chin a awmin ka hria. Aieng hi Sorkarin a lei dawn. Amaherawhchu, an lei tur zat tak hi an sawi thei lova, a rate an sawi thei a, sawi thei phei se chu a lei tur zat awm vel hi a vaiin nge chungkhatah quintal 10/20 zelin kan hrutual rih mai ang kumin chuan, te han ti thei se chu a collection centre a chu an zawng mek tih an sawi a. An identify thuai ang a. Tin, a reng reng thuah hralh tum rilruk neih chuan lo cho lawk theih a ni a. Amaherawhchu, Sorkar khan a lei tur zat kha a sawi theih si loh chuan a buaithlak ve bawh a. Chhungkaw khatah 10 quintals a tam berah kan la thei ang, 20 kan la thei ang tihte tal chu tithei se chuan a ziaawm ang.

PU ANDREW LALHERLIANA : Pu Speaker, hami mai kha a ni lova, organic certify-te a sawi leh ta, hei organic farming Amendment Bill-te kan pass dawn chauh mai a, Rules la siamte kan la nghak ang a, in ti dawn nge ni pawh a tikhawtlaina hi kan ngaihtuah nge ni ? a tih theih lek lekin ka hria.

SPEAKER : Organic chungchang kha chu a ni hi a pioneer deuh kha a ni a, a ngaipawimawh em em a ni tih kha hriat sak phawt ila a tha awm e.

PU H. RAMMAWI MINISTER : Pu Speaker, a grower-in kha kha anmahniin organic area kha chu an inhre vek a, Grower Association an awm a, khalam kha chu a buai lutuk lovang. Engpawh nise, tuna kan Aieng hi chu chin belh tir turin tihpun kan tum tih laia kha chu a hmunah kan lei ang, a area-ah kan lei ang cheng rukin kan ti kha a ni a. A tam thei ang ber hi kan tum tih kha hmannah ka sawi tawh a. Amaherawhchu, nichina ka sawi ang khan lei sa lei nawn lohna turin collection centre kha va ruahman a, NGO te va form-a, chumi tur chuan tunah hian kan kual mek tih kha Pu Speaker, ka chhanna ni sela.

Tin, Sazu mei lei vanga khua engzatnge chhanhim an nih tih Pu S. Hiato zawhna kha chu Member zahawm tak Saiha bial ami zawhna kha chu a har khawp mai a. Saitualah hian Pu Hmingthanga thlawhhma kha chu an hung a, an seng tha khawp mai a, a hunga hung a nih avang khan. Hmun thenkhat chuan Serchhipah chuan ka hriat chinah chuan Zau khat chu damdawi nen an tan avangin ka mit ngeiin ka hmu a, Serchhipah hian Zau khat chu an seng tih ka hria. A vai kha chuan a har khawp mai a, Sazu mei lei hrim hrim hi Pu Speaker, lei loh khan a dik tlat lova, tun hmaa lei a nih avang khan kan lei hma khan public atangin pressure a awm a. Mautam kumah tunhma Thingtamah pawh sazu mei lei thin engahnge in lei loh tih kha public pressure kha a awm a, a dikin kan hria. Chuvang chuan, incentive siam nan tiin a theih chin chin hi chua khawi aw, Sazu hi that ve ang tiin, Sazu mei lei kha kan rawt ve a ni tih kha Pu Speaker, ka'n sawi duh a.

Thil har deuh mai pakhat chu Pu Speaker, Alu chi tih hi a ni a. Alu chi chauh pawh a ni lova, thlai dang pawh hi certified seed-ah kan lo kal thui lutuk a, traditional seed kha kan face-out a, a buaithlak khawp mai, kan tawng a. Alu chi hi a buaithlak khawp mai, National Seed Corporation through lova tih hi kan duh si lova, certified loh hi kan duh si lova, certified kha rinaiin a tam thei si lova. Tin, kan lei chhun pawh hi a phurhna hi khulam atanga rawn phurh chhoh, ni sa zawng zawng, khawlum zawng zawng tawrh tawh hnuah Band-te a lo awm a, kawng block a lo awm a, a chhe duh em em lehngal a. Alu chi phurh hi kan sawi ai hian a phurh leh sem hi a harsa a ni. A chhia a tam duh em em a. Chuvang chuan, kan duh ang hianin kan ti hlei thei lova. Tin, a chi tha hi heelding variety hi a tha e, research hoin an tih pawhin a nih chuan kan lei ang min ngaihtuah sak rawh u kan ti a. Kan ngaihtuah sak ang che u an ti a, kan duh ang chu an ngaihtuah thei bik lova. Kan duh anga tha hi kan hmu thei bik si lova, helai hi chu a buaithlak khawp mai tih Pu Speaker, ka chhanna a ni.

Tin, zawhna neitu ber zawhna kha, thlai chi hi a then chu a dinhmun a rual lova, tunah hian Lo kan hal chauh a ni a. A bik takin kan main cash crop hi chu theihtawp kan chhuah a, hma kan la e tih kha Pu Speaker. ka chhanna a ni e.

SPEAKER : Awle, Starred question 162-na zawt turin Pu R. Lalzirliana sawm ang.

PU R. LALZIRLIANA : Pu Speaker, ka lawm e. Starred question 162, ka zawhna. Engvang chiahin nge Mizoram State pumpui hi Mautam disaster effected area anga puan a nih chhan ?

(b) Engtik hun kum leh thla atang khan nge Mizoram pumpui hi Mautam vanga disaster effected chhiatna nia Sorkarin a ngaih ? (c) Engvang berin nge he Mizoram State pumpui hi chu chhiatna khawih disaster effected a nihna chhan ? (d) Hetianga chhiatna hian a hlutna sum a tehin engzatnge ni a Mizoram Sorkar hian a chhut chhuah tih Disaster Management and Rehabilitation Department changtu Minister zahawm tak ka zawt e.

SPEAKER : Awle, chhang turin Disaster Management & Rehabilitation changtu Minister zahawm tak Pu K. Sangthuama i lo sawm ang.

**PU K. SANGTHUAMA
MINISTER** : Pu Speaker, Pu R. Lalzirliana, Saitual bialtu zahawm tak zawhna 162-na (a)-na Engvang chiahin nge Mizoram State pumpui hi Mautam Disaster effected anga puan a nih chhan tih chhanna chu Mizorama Mautam hi

a nasat em avangin Sorkarin Mautam disaster effected area-ah puan a ni. (b) Engtik hun kum leh thla atang khan nge Mizoram pumpui hi Mautam vanga disaster effected chhiatna nia Sorkarin a ngaih ? chhanna - Mizoram pumpui hi Mautam vanga disaster effected area nia Sorkarin a ngaih tan ni, thla, leh kum bithliah a awm chiah lo nain, kum 2006 atang khan Sazu leh rannungin buh leh thlai nasa takin a bei a, disaster effected arera-ah a puan ni chu 10.10.2007-ah chhuah a ni. (c) Engvang berin nge Mizoram State pumpui chu chhiatnaa khawih, disaster effected area-a tih chhan ? chhanna - Mizoram pumpui hi Mautam hian a nghawng vang a ni.

(d) Hetianga chhiatna hian a hlutna sum a tehin engzatnge nia Mizoram Sorkar hian a chhutchhuah ? chhanna - Hetiang chhiatna hi sum a tehin a hlut zawng chu cheng nuai 67.201.98 lakhs a chhutchhuah a ni. Kha kha kan chhanna a ni e.

PU R. LALZIRLIANA : Pu Speaker, Mautam nasat avanga disaster affected area-a puan tih kha Mautam nasat em avang lo khan kan tam nasat avang zawk hian ni ta se a awm hlein ka hria a. Ka zawh belh leh duh chu BAFFACOS a lo pian chhan tak chu kum 2007-a Mau a tam dawn a, 2008-a kan tam dawn avang a ni a. Tichuan, BAFFACOS sum budget-a dah ta miah lo mai hi a mak ka ti a. A hma kum 3 vel atanga BAFFACOS sum Sorkarin a dah atang khan kumin 2008 tam do nan hian a tuartu disaster affected area chhunga kuthnawktute khan hlawkpuina emaw, kumina tam tanpuina pek ngai ta lo an awm em ? tih kha Minister hian a hrethiam em aw ? ka hre lova. 2004 atanga BAFFACOS Fund tam tak department tam taka kan sem nuai 9000 chuang daih kha, khamite kha, hetah a tuartu tak tak kuthnawktute khan an hlawpui em ? Kumin Mautam tam avanga tanpuina sem dawn ve ngai ta lo kha an awm em ? tih ka zawt duh a.

Tin, pahnihna atan chuan, nikum Zokhuua buhfai tlem tlema vai buh dona atana thingtlang miten an neih lai khan kan budget-ah chuan, hei Foods & Civil Supply Department-te leh hengah hianin 70.25 crore kan nei a. Mahse, a tana kan hman chu 178 crore daih a ni a. Chutiang a nih lai chuan kuminah Sorkar berin disaster affected area-ah Zoram pumpui chu a lo puang ta a. Chutih lai chuan buhfai leina tur chu a pangngai te 70.25 crore chauh dah a ni leh ta hi engtizia nge ? Hei, kan tam dawn tih kan hria a, tam area-ah kan inpuang chu a ni ber a. Chulai chu engnge a chhan ? Zokhua amite tamna hi kan hrefiah tak tak zo lo deuh em ni aw tih kha ka zawhna a ni e.

PU LALHMINGTHANGA : Pu Speaker, kan Minister chhannaah khan Disaster affected area-a puan ni 10.10.2007 atang khan a ti a. A pawimawh zawka lang chu, tam, famine area-a puan zawm hi a ni a. Hei hi kan Sorkarin puanna a nei em ? chu chu ka hre duh pawt a.

Tin, disaster affected area-a puan a nih chuan a rodent damage a tihchhiat a rawn chhannaah khan nuai 6,07.201 a tihchhiat a ti a, hei hi disaster management leh central leh state-a kan dante kan en chuan, beta a chhiatna tuartute hi compensate tur an ni. Hetah hian compensation hi nuai engzatnge central leh kan state matching-ah hian Sorkarin a pekchhuah tawh ? tih ka hre duh bawk a.

Tin, buhfai chungchang thu hi, tam area-a puan a nih si khan engatinge kan quota kha min tihhniam sak a, helaijah hian kan Minister-in a sawi thinnaah pawh a to a, vaibelchhe engemaw zata lei belh a ngai flat hi. Tin, Food Corporation of India policy chu kan hre theuh a, Trading-in Food grain on no lost on profit basis-a hlep siam lo tur leh hloh lo tur chauha ti an ni. Chu chuanin an target lian ber chu India ram khawi hmun pawh Public Distribution Centre-ah reng reng chuan Delhi-ah a ni emaw, Tawngkawlawngah a ni emaw, kha buhfai rate kha uniform-a ni tur a ni a. Chutiang ang policy neia FCI in hna a thawh lai hian Tam area kan ni bawk si a, disaster affected area kan nih bawk si khan engatinge Central Sorkar hi an tih tur ang ti thei a kan Sorkarte hian an ben harh zawh loh, chulai taka chu min chhang se ka ti a. Tam area-ah chuan Public Distribution Centre-ah khan uniform-in an sem ngei ngei tur a ni a. Sorkarin a quota a zawnga a lak pawh kha a ngai lo. Tam lo area-ah short fold awmin khang kha tih chauh a ni thin. Chuvang chuan kan Sorkar hianin tihdik loh in nei a ni lo maw? Tam area-ah khan inpuangin kan requirement chiah hi in project Central Sorkarah leh FCI-ah hian in project lo a nilo maw? tih kha ka zawt duh a ni.

PU ANDREW LALHERLIANA : Pu Speaker, ka lawm e. Mautam Disaster area-a puan nihna chhanah khan Mau a tam nasat em em vang a ni a. Tin, a sum leh pai hlutna hloh zawnga han chhut khan helai hi ka lo note dik em aw ka hre lo a, nuai singruk sanghnih zasarh leh khatiing khan a chhut a ni. Engpawh nise, a figure-a chu thudang ni ta se, Mautam hian a lo thlen apiangin chiang taka kan hriat chu Serthlumte a rawn titam thin a tih kha chiang takin Upa ho pawhin an chhut a ni a. Tah chuanin, Mamit area, Mamit District huamchhung leh keima bial chung Kawlkulh area-te ngeiah hian he tam lo thleng, Mautam avanga Serthlum nasa lutuka tam, a chhiat avang khian chhungkaw tam tak za telin kan buaipui a ni. Kha kha engatinge ni he Mautam disaster-ah hian chhut ve a nih loh? Khawngaih takin a la chhut ve theih lawm ni? An hloh zat pawh kha fel takin chhut chhuah a ni a, kha Mautam avanga pawisa hlutna, a chhiatna kha, khangah khan a telh ve theih lawm ni, chuti chuan nakinahte pawh Sorkar atangin tanpuinate, pawisate a hmuh ve theih dawnin ka hria a, khawngaihtakin a telh ve theih lawm ni ka ti a ni.

SPEAKER : Pu Lalduhoma hi sawm leh ila, tichuan, hmana GPC-in kan remtih tlan angin supplementary hi zawhna neitu bak mi pathum, tih kha kan hun neih nen hian a intawk vel ang a.

PU LALDUHOMA : Pu Speaker, ka lawm e. Kan Minister zahawm tak leh department-a thawktute hian ka bial chhung harsatna ka thlente hi rang deuh maiin min bawhzui sak thin a, lawmthu ka'n sawi hmasa duh a. Hei tunah hian Sawleng khuaah Sazuin a seh vanga tanpuina an han semah khan in 70 an hmaih tawp mai a, chumi list chu a tira an report angin kan Minister hnenah hian kan thelut tawh nghe nghe a. Khang in 70-te kha hmaih hlen an nih lohna turin hma min laksak thei angem tih ka zawt a.

Tin, Sazu seh tih vela in report lo hi an tam lo a ni lova, Mautam avangin thlawhhma an lo la ngam lo a, report tur an neilo a ni-zawk, rethei hlei hlei an ni a, chung chu hmaih a rih loh nan hma lak an tum thei angem tih ka zawt duh bawk a.

Tin, a tawpna berah chuan. Tuirini Lei hi full-load-a zawh ngam a nih loh avangin tunah Sakawrdaiiah te pawh kan buhfai stock hi a chhe em em a ni. Motor lian an kal thei lova, a hlawk lo si a, a Lei khi dawh that mai theih a ni thuai dawn si lova, tichuan, crossing charge min siam sak thei sela, tichuan, an phur duh ang a, a hlawk lo tawh bik lo ang a. Tichuan, khilai bial khi fur chhia kan thlen hmain harsa lovin kan awm ve theih kan beisei a. Crossing charge min ngaihtuah sak thei angem tih ka zawt bawk a ni.

SPEAKER : Khi minute 4 pawh a awm tawh lova, tlema kan pelh hret pawhin kan hrethiam mai dawn em ni ? A nih aw, tunah chhang turin Minister i lo sawm ang.

**PU K. SANGTHUAMA
MINISTER** : Pu Speaker, a pawimawh bawk a, hun kan heh deuh pawhin khawngaihin lo dawh hram hram nise, tih ka han ngen nghal duh a. Pu R. Lalzirliana zawhna, zawhbelhna kha, Mautam a nasat vang ni lovin kan tam avangin Disaster Management hian hetah hian tamah puan ni sela tih ang deuh khan a rawn sawi a. Hei hi Mautam avanga tam kan nih avangin hei hi chu chhuanlam loh theih a ni lova. Chuvangin a danglamna a awm chuang lova, Central Sorkarin hemi Sazuin

PU LALHMINGTHANGA : Pu Speaker, Famine effected-a puan leh Disaster effected-a puan leh Tama puan hi chu a dang daih. Chuvangin, a thuhmun lo reng reng. Engtirnan, disaster-ah chuan tuilian engemaw pawh khan a area bik kha a effect thei a, kha kha puan theih a ni.

Amaherawhchu, kha khan tam a siam kher lo thei a. Chuvang chuan, Mizorama kan harsatna hi Sazuin buh a seh a. Mautamin a hruai niah kan ngai a, Sazu hi awmlo pawh nise. Mau kha a tam hrim hrim mai a, thildang pawh a tam hrim hrim a, a nature hi pahnih a ni a, chu chuan tam a siam ta a, tama puan kha chu a tul tlat a ni. Khami puan leh puan loh lai tak kha a inang reng tih chi a nilo a ni. Kan puang em, puang lo em tih kha hriat a pawimawh a, min chhang thei em ?

**PU K. SANGTHUAMA
MINISTER** : Pu Speaker, hei hi chu disaster affected state-ah kan puang tawp mai a. Chuvangin chu chu a danglamna tehchiam a awm ka hrelo a. Chuvangin hei hi tul kan ti a State-in, tin, Central-in a pawm theih a ni bawk a. Central hian pawm theih leh theih loh a nei vek a. Chuvangin Central-in a pawm theih quideline zinga tel a ni a, Sazuin buh a seh hi. Chuvangin disaster effected state-ah Mizoram hi puan a ni. Kha kha chu danglamna tehchiam a awmlo.

PU LALHMINGTHANGA : Pu Speaker, Tam area-ah chuan puan loh a ni tihna a ni maw ? A inthuhmun lo hei hi. Disaster hian tam a kengtel kher lo, a dan pawh kha en sela, a inang lo daih a ni. Tichuan, tam a ken chuan buhfai a lo ngai a, khami kha ngei ngeia Central-in a chhan ngai a ni a, chumi in tihhmayh vang chu a ni ang buhfai a toa lei tih leh kan seng tih pawh hi.

**PU K. SANGTHUAMA
MINISTER** : Pu Speaker, kha kha chu kan rawn hrilhfhah ang a, chu chu a dik tawh lova inngaih leh in la rawn zawt lehzel dawn nia.

PU R. LALZIRLIANA : Pu Speaker, BAFFACOS dah tak loh 2004 atanga BAFFACOS department tam taka dah, tuna a tam kum veleha dah tak loh tih hi.

**PU K. SANGTHUAMA
MINISTER** : Hei hi chu kum 4 chhung kum 5 chhung, kum 4 chhung kha lo dah tawh a ni a, kuminah hian kan Chief Minister zahawm takin a sawi thin ang khan, hetah hian dah a

ni ta lova. hei ai hian thildanga a hmanna tur kan ruahman tho a awm avang khan hei hi dah loh tak a ni tih hmannah a sawi tawh kha. Kha kha kan pawm thei em ka hre lova.

Tin, kha deuh zawng kha Pu Zira rawn zawh belh chu ni maiin ka hria a. Engnge ni zawh belhna dang chhan loh ka nei em ?

PU R. LALZIRLIANA : Pu Speaker, min han zawt bawk a, ka'n lo chhang vethung ang e. Nia, kum 4 lai BAFFACOS sum kha kan lo hmu tawh a, khami avanga, khami kha a chhan chu tam tur lo ven lawk nana tih a ni a. Kha ven lawk nana tih ang khanin tute hi nge kumina tam tanpuina dawng ve lo tur, a dawng tur anga in ngaih, kuthnathawktute ni si kha ? An awm em tih kha, khawi khuah emaw tal pakhat han sawi tur an awm em ? Bamboo venus vaipa tihloh kha, an awm em tih kha ka'n zawt a nih kha.

PU K. SANGTHUAMA MINISTER : Pu Speaker, hei hi nia, BAFFACOS chungchang hi sawi a tam hle mai a. Nia, 2004 – 2005-ah khan infrastructure leh tam laia lo inruahmanna turin kan Sorkarin cheng tam tak a seng a. Chumi cheng tam tak a sen 2004 – 2005 ami kha, vawiinah pawh hian mi tam tak chuan Mizoramah hian kan tangkaipui em em a. Nimin lawkah a bu, bu thum an siam a, ka rawn keng ta lova, in hmu vek ang a. A chhanna khami bu 3-ah khan Mizoramah chungkaw tam takin tangkai nan an hmang a ni tih chu kan MLA zahawm tak takte pawn in kawl vek a. Engpawh ni sela, buhfai leina chungchangah chuan..... kan sawi zo ang a, dik in tih loh lai chu min zawt leh dawn nia. Tichuan, 2004-2005 a khatiang lampanga kan hmalakna bakah 2006 – 2007 ah hian inhlawh nan cheng vaibelch, he 10 aia tam ve ve mipui hnenah an inhlawh nan pek a ni bawk a. Chuvangin, kan BAFFACOS chungchangah hi chuan kumina budget-a a awm loh chungchang chu Finance Minister, kan Chief Minister zahawm takin a rawn chhanna kha chhannaah ngai mai ila. Helaia a aia fiah zawka chhang thei dinhmunah pawh kan ding lova. Chuvangin, nimin lamahte fiahfai takin sawi a ni tawh a, kha kha kan hre theuh a, a chhannaah ngai mai ila, a tawkin ka ring.

Tin, kan MLA zahawm tak Pu Lalhmingthanga'n a rawn sawi disaster ni 10.10.2007 atana disaster aiin tama puan ni sela. Nichina kan han chhanna kha kan chhanna ni mai sela a thain ka ring a.

PU LALHMINGTHANGA : Pu Speaker, tama puan a ni em ? Tama puan a nih hi chuan midang tanpuina turte pawh Sorkar dang atangte pawhin buhfai leh thil dang dang kha pek luh theih a ni thin a ni. Chu chu tam area-a puan a nih loh avang khan pek loh theih loh niin a lang a. Disaster effected a nih hi chuan a tuartute hnenah khan Sorkarin kha fund provision awm, danin a phal ang kha an compensate leh a, an pe leh a, a lost a kha an hmuh theih nan.

Amaherawhchu, tam chungchang thuah chuan, riltam tena an ei tur hian charity thilin Sorkar dang atangin nation dang atangte pawh hian a rawn kal thei a ni. Pu Speaker, i awm in ka hria a, kan Minister zahawm tak Pu Thangtea'n Asean engeni.....? Body pakhat i office-a min kohkhawm a, kan sawi dan pawh khan Food Emergency Supply chungchang chu an rawn sawichhuak a, hei hi kan mamawh ber a ni tia ka sawi khan, an ni khan famine area-a Central-in a declare loh chuan heng hi chu Sorkar dang va inrawlh theih chi pawh a ni lova, a ti nghe nghe a min chhannaah khan. Chuvang chuan tam area-a puan hi kan Sorkar hian in hrehin Central Sorkar pawhin a hreh niin a lang a, Central Sorkarin a hreh nachhan tur a kha chu tunah meterial tha tawh lo pek a nih vangin a lang a. Chuvang chuan tam area-ah hian tunah pawh puan hi a la tlai lova. Khawngaih takin kan Sorkar hian a puang thei angem tih kha ka'n zawt nghal.

PU K. SANGTHUAMA MINISTER : Pu Speaker, hei hi kan tihdan a ni a, lo ngaithla phawt thei se a thain ka ring a. Whereas the whole state of Mizoram has been ruling under severe crisis since 2006 because of gregarious bamboo flowering followed by rapid increase of rodents and pests resulting in destruction of crops and paddy and severe shortage of food grains. Now, therefore, the Governor of Mizoram is pleased to declare the whole state of Mizoram as 'Mautam disaster effected Area' tih a ni a, hetilaia kan tihdanah hian. Chuvangin, Central hian a hre em em a, Mautam avanga kan tam chungchang hei hi kan puanna a ni a. Chuvangin Buhfai chungchangah pawh hian kan report hi an hrechiang a. Tin, Mautam hma April, 2006 atang khan kan Buhfai dawn hi min rawn tihtlem sa. tawh a ni a, April, 2006 atang khan 24460 quintals min pe a.

(Pu Lalhmingthanga : Pu Speaker, puar hleah min ngai a nih chu mawle) Puar hleah min ngai tilna a ni lova, India ram hian norms a nei a, a norms chu hei hi a ni a, kan sawi fo a, chu chu in lo ngaithla chiang lo niin ka ring a. India ram hian chhungkaw pakhat tan Kg. 35 per family per month (Pu Lalhmingthanga : Pu Speaker, khami norms tho khan alawm a hma pawn min pek a, khami norms tho kha a ni an hman ni.) A norms aia tam khan min pe alawm. (Pu Lalhmingthanga : Heta tanga harvest in report tam lutuk avang khan tihhniam a ni ta a, kan tam an hre bawh si lova, puar hleah min ngai a nih kha mawle.)

(Pu R. Lalziriana : A norms aia tama kan tam hma pawha min pek theih chuan kan tam lai chuan engahnge min pek theih loh, chu chu engahnge in dil theih loh.) A petuin a pek tlat loh chuan, nang pawn min rawn dil la ka pek tlat loh chuan i nei chuang lovang. Pu Speaker, Central thu a ni a, lo ngaithla ula, ngaihtlak loh chuan a fiah thei lova, mi thusawi laia in lo tihbuai zel chuan in hre thei chuang nang.

Pu Speaker, a hma khan 68,100 quintals min pe a, chu chu kan norms aia tam a ni, kan norms chuan 24,460 quintal chiah a ni APL ah hian, chu chu 43,000 quintal velin min rawn tihhniam sak a, April, 2006 ah khan. May thlaah ni 15 ka zu chamchilh a, Minister pawimawh zawng zawng leh Official ka hmu vek a, hei hi chu a theih loh a ni. Chuvangin a OMSS hian kan pe mai ang che u an ti a, quintal-ah Rs. 950/- in min pe a, kan leina dik tak hi quintal-ah Rs. 830/- a ni a. Tichuan, OMSS hian 2006 April atang khan quintal 30,000 kan lakbelh a, tichuan, a hnu hretah khan tlem min tihbelh a, tichuan, quintal 42,000 vel min pe ta a, APL-ah khan. Tichuan, hun a kal zela, kha kha OMSS hian kan pe thei tawh lo che u, chuang chuan economic cause-in kan pe ang che u an ti a, Rs. 1,500/- chuangin quintal-ah min han pe leh a, khami quintal-a 1,500/- chuanga min peka hetiang em em chu kan zo love, kan ti a, quintal-ah Rs. 1,444.89 in kan tihhniam sak leh ang che u an ti a. Tichuan, tuna kan quota bak, min pek bak, quintal 50,000 thla tinin quintal-ah Rs. 1,444.89 in tunah hian kan lei ta a, chutah pawh chuan, thlatinin vaibelchhe 2 leh a chanve, nuai 250 vel hi subsidy-in mipui hnenah kan pe ta a ni.

Chuvangin, Central Sorkar hian norms fel tak a nei a, India ram pumpuiah Mizoram kan ni emaw, State dang kan ni emaw, kan zavaain rualkhat vekin an ti a. Chuvangin a State pakhata pek tam teuh a kha a theih bik loh. Chuvangin, hei hi a kalphung a ni a, in nawr tam loh avangin emaw, in hrilhfiah thiam loh avang emaw tih lam kha chu a ni lova, kan hrilhfiah a, kan kal a, kan dil a, kan sawi a, kan Chief Minister-te nen nasa takin kan bei a, tichuan, hei hi min han pek tawh a ni a, hei pawh hi kan la duhtawh lova, quintal 50,000 bakah hian quintal 30,000 kan la dil belh leh a ni. Chuvangin APL min pek bakah hian quintal 80,000 a manto hian lei belh kan tum a ni. Central Sorkar pawn min phal kan beisei a. Chuvangin hemi kawngah hian Central lamin min rawn pek bak tithei kan ni lova, chuvangin kan zavaia Central-ah pawh hian a dik chiah chuan kan opposition lamte pawh hian hei Congress-te pawh kan Pu te hnenah pawh sawi tlang ila a tha khawp mai, hemi chungchangah hi chuan. Chuvangin, hetiang an nawr tawh lo emaw, an nawr theilo emaw, an ngaihtuah lo emaw tih hi chu a ni lova, theihtawp kan chhuah a, Mizoram kan tam ang tih kan hlau a, ei neiloin mi an awm ang tih kan hlau a. Chutihlai kara enge nge, engemaw zawnga hei hi kan kalpui chuan Mizoram tan a thalo ang a. Chuvang chuan, kan zavaia kan theihtawp chhuah hi a pawimawh a ni tih kha vawiinah ka'n sawi duh a ni.

Tin, Mautam avanga Serthlum lo tam ve chungchang Pu Andrew Lalheriana, kan MLA zahawm takin a sawi kha, hei hi enge ni. Central Sorkara an norms-ah leh an quideline-ah hianin a tel ve thei tlat lo mai a, tihte kan han tum a. Chuvangin, he report-naah hian a tel thei ta lova, a pawh

kan ti khawp mai. Engemaw atanga kalpui leh dan Agriculture-te leh Horticulture lam atanga kalpuia tih theih dan kawng hi a awm chuan zawn zel ni sela a tha khawp mai tih kha ka'n chhanna ni sela.

Tin, Pu Lalduhoma, kan MLA zahawm takin Sawleng khuaah in 70 hmaih a tih kha a dik chiah. In 70 kha report-naah a lo tel lo a, tunah hian, hei hi Agriculture-ten khawtinah an kal a, chuta tanga Sazu-in buh a seh a kha an han report a, an tihkhawm a kha hetah D.C-tinte hnenah an rawn thekhawm leh a, tichuan, an lo sawi khawm leh a, khata tang khan kan han report thla ta a ni, Delhi-ah.

Chuvangin, hemi chhungkaw 70 hi engvanga lo hmaih nge ni? Anmahni an V/C te leh khilaia Disaster Management khan an lo buaipui tawk lo nge ni chu ka hre hauh lova, hei hi chu nakin miñ rawn pek huna ngaihtuah chhawm leh dan a awm tho ka ring a.....interruption.....

PU LALDUHOMA : Pu Speaker, bawhzui an awlsam phah nan khilam atang chuan leimin rawn report vek tawh a ni, anpuina a lo chhuah khan 70 te khan an dawng ve lo tih lam zawk a ni.

**PU K. SANGTHUAMA
MINISTER** : Tuirini leilawn chungchang hi chu ni a, P.W.D. ten hei hi ngaihtuahna hmang zel turah kan ngai a. Nichina kan MLA zahawm tak Pu Duhoma'n a sawi kha, khilaia a intransit-na tur pawh kha kan ngaihtuah mek a, quintal-ah engzatnge ni ang tiin. Quintal 100 chauh a phur thei si a. Quintal 200 te lo phur an ni a, quintal 100 bak a paltlang thei si lova, chuvangin, a transit-na atan hian pawisa Quintal-ah engemaw zat pe mai ila, tichuan, a tih theih ang e, kan ti a. Tunah hian kan buaipui mek a ni tih kha min lo hriat sak se tiin ka'n ring a.

Tin, nikum lama leimin leh ruahsur nasa takin Mizoram a tihchhiatah khan kan report thla a, tichuan, kan report kha ngai pawimawhin, endiktu an rawn tir vek tawh a. Chumi endiktu an tirh vek chu, tunah hian, naktuk hian a ngaihtuahu committee-in engzatnge kan hmuh theih dawn ? engzatnge ni ang tihte an ngaihtuah dawn a. Chuta tan pawh chuan cheng vaibelchhe 124 leh nuai 11 leh sing 5 leh sang 4 kan thehthla a. Hei hi naktukah committee-in a ngaihtuahu pawhin an ngaihtuah dawn a. Chuvangin, kan chhiat tawh, nikum lama ruahsur nasat avanga kan chhiat tawh pawh kha engemaw chen chu min rawn pe turah kan ngai a, Mautam Sazu seh kha a rang thei ang berin endiktu an lo kal dawn e tih kha ka'n sawi duh bawk a ni. Awle, kha kha ka chhan theih ni mai sela a tha awm e. Ka lawm e, Pu Speaker.

SPEAKER : Awle, nichina kan Member zahawm tak Pu Lalhmingthanga'n a hming danglam disaster tih leh famine tih kha, famine tih kha famine affected area tia puan a. Mizoram mipui ten kan chhawr zawk thei dawn a nih chuan ngaihtuah zui tlak tak niin ka hria. Vawiin kan rorelnaah hian nichin question hour-ah khan Member zawng zawng kan kalkim a, a lawmawm hle a ni.

LEGISLATIVE BUSINESS

Tunah chuan List of Business angin kan kal zel ang a, Legislative Business kan chai ang a. Pu B. Lalthlengliana, Minister zahawm tak 'The Mizoram Industrial Area Management Regulation & Control Bill, 2008' House-ah a introduce tawh a, a copy kan nei vek tawh a. House-ah ngaihtuah phalna han dil sela a tha ang e.

**PU B. LALTHLENGLIANA
MINISTER** : Pu Speaker, vawiina ka Bill 'The Mizoram Industrial Area Management Regulation & Control Bill, 2008' hi he House zahawm takin min ngaihtuah sak turin ka han ngen e.

SPEAKER : Minister zahawm takin a bill 'The Mizoram Industrial Area Management Regulation & Control Bill, 2008' House ngaihtuah arawn dil a, kan remti tlang em ?

Le, kan remti tlanga, tunah a bill hi move turin ka sawm e.

**PU B. LALTHLENGLIANA
MINISTER** : Pu Speaker, vawiina Bill ngaihtuah tura ka rawn putluh hi 'The Mizoram Industrial Area (Management Regulation & Control) Bill, 2008' tih a ni a. Thui tak sawi tur awmin ka hre lova, tawitein kan sawi ang a.

Kan hriat theuh angin Industry hmasawwna tur thil pawimawh leh tul mipui hna chhungchhuak turin kawng hrang hranga hmalak a nih mek lain, Industry neitute hamthat nan hmun hma tha leh remchang

Sorkarin buatsaih tul a ti a. Hemi atan hian ramte leiin Industry dintute hmunkhata dah hona tur, entirnan, Zuangtui Industrial Estate tihte, Industrial Growth Centre, Tanhrilte siamin facilities hrang hrang entirnan, power-te, tuite, inkalpawhna kawng thate, sum, Industry neituten an thawhchhuah atanga an dahna tur Bank-te leh inbiak pawh zung zungna tur (communication) te siama, chumi bakah chuan Industrial Wastes-te, kan hriselna khawihbuai lo thei ang bera tihralna tur buatsaih hi ram leh mipui tan tul tak a ni a. Industrial Area siam tur hian kaihhnawih department tam tak a awm a. Entirnan, mahni department maia thil tihfel theih a nih loh avangin Local Admiistration Department-te, Environment & Forests Department-te, Polution Control-te, P.W.D. te, P.H.E. te leh Power Department-te nena thawhho ngai a ni a.

Hetianga Industry neitute hnathawh hona tur din a lo nih hian enkawlna dan mumal tak siam a lo tul a, Industrial Estate leh Area-te felfai taka enkawl tur chuan Industrial Estate a ni emaw, Growth Centre a ni emaw te kha plot siam vek a ngai a. Tin, chu plot han siam dawn khan hnathawh inang Industrial Unit, entirnan, power hman tam deuh ho kha thler khata dahte a lo ngai a. Tin, a then chu waste product nei, hriselna atana tha vak lo chite an lo awm a. Khangte hmunkhata a hlawm deuha dahte a lo ngai a. Tin, unit-te deuh, power hman tlem deuh, hlawm khata dahte a lo ngai a. Chutiang chuan remkhawm vek a ngai a ni. Tichuan, Industrial Estate-te, Industrial Growth Centre tihte, Integrated Infrastructure Development Centre tihte, Export promotion – Industrial Park leh Industrial area-te enkawlna tur leh nakinah phei chuan Special Economic Zone-te pawh la hman turah ngai ila. Chung enkawlna tur chuan heng dante hi siam a lo ngai ta a ni. Chu dan chu kan sawi tawh ang khan 'The Mizoram Industrial Act (Management, Regulation & Control) Bill, 2008' tih hi a ni a.

Pu Speaker, tuna Bill kan rawn putluhah hian thil thui tak a awm lova, chapter 5 a then a ni a. Chapter pakhatnaah chuan, short title leh definition tih kha a ni tlangpui a. Chapter 2-ah chuan Industrial Area, Advisory Committee leh Area Management Committee leh an function dan turte tih a ni a. Tin, chapter 3-ah chuan Industrial Area thlan leh puan chungchang tih a ni a. Nichina kan sawi Industrial Estate a ni emaw, Growth Centre a ni emaw, khang zawng zawng area thlan dan leh puan dan chungchang chapter 3 hian a khawih a. Chapter 4 hian Regulation of Allotment in Industrial Area tih leh Cancellation of Allotment of Industrial Plot & Shed tihte leh Payment of Allotment Fee and Least Rent tihte a khawih a. Chapter 5-ah hian dan tesep, heng – phalna neilo a awm khapna te, endik theihna te, dan siam theihna te, dan dinglai hnawl lohna tihte leh Repeal and Saving tihte a ni a.

**PU B. LALTHLENGLIANA
MINISTER**

: A chhungah hian fel hlel deuh leh typing mistake emaw a awm a ni thei, a dan rem danah pawh heti zawk nise tihte pawh a awm a ni maithei a. Mahse, vawiinah hian a nihna ang angin rawn putluh a ni a, Amendment-te pawh a tul a nih chuan la tih theih zel a ni.

He dan hi Department-in hmanhmawhna kan nei a. Dan a lo nih hnuah Rule-te kan han siam leh ang a, tunah hian Zuangtui Industrial Estate tihte. Tanhrilah te hma lak mek a ni a. Chungah chuan a bikin Zuangtui phei chu allotment-ah te, a luahtute a tira Industrial Unit an luhpui ang a Industrial nei tawh si lo, mahse, mahni in leh lo anga nei engemaw zat an awm a. LSC neih tuma hma lo late pawh an awm niin a lang a. Chung bakah plot-te pawh Department-ah dilna pangngaia dil lem lova, ram ruak an hmuh a. Industry din leh ngawt te. Proper Allotment pawh awm lova, khatiangte kha tam tak an awm avangin khang ho kha han thunun dawn ila, Dan kan lo neih si loh avangin, a nihna ang angin a kal rih a. Heng Dante hi min pass sak a nih chuan chung Industry hnuahna harsatna kan neih zawng zawng chu kan chingfel thei ang a. Kan Member thenkhatten nimpiniah lama in ngaimawh, traffic tawt em em kan ngaimawh tlan, kawngdungah Workshop chi hrang hrang, Steel Fabrication-te, Furniture Workshop te, Motor Workshop, khang chi hrang hrang kha a tam tawh em em a. Dan kan neih hunah chuan traffic atana harsatna siam thin te pawh heng hmunah hian kan senglut turah kan ngai. He Dan hian a takecare thuk ngei beisei a ni. Member-ten ngun taka min ngaihtuahpuia min pass-pui ngei turin he Dan hi vawinah hian ka rawn pulut a ni e. Ka lawm e.

SPEAKER : Tikhan, Minister zahawm takin a Bill a rawn move ta a, kan sawiho ang a, sawiho dan turah hian kan tihdan phung pangngaiin kan kal ang nge ni engtin nge ni kan intih rem deuh dante.

PU R. LALZIRLIANA : Pu Speaker, a dan lo a ni nge ka hrelo a. Bill pahnih hi vawinah kan chai dawn a. Hei hi demand kan sawi ang deuh khan Minister pakhat hian rawn ti ve leh sela, tikhan, sawiho mai ila a tha mai lo emaw ni le? Hunte hi a uiawm zawk lo maw?

SPEAKER : Kan dan ang hian kan inkaihruai a, mahse, kan dan piahlah hian keini ho lungrualna hi a lal a nia. Tha kan tihtlan chuan a tih theih mai a.

PU LALHMINGTHANGA : Pu Speaker, amendment hi chu a khirkhan lemin a lang lova, dan han tih chhoh hian a pass danah te pawh nangmahin min

kaihhruai dan hian chuan awm takin min kaihruai a, preamble-te kan han pass a, clause-te leh khatiang kha. A hranga lak hi a tha tho maiin ka ngai ka ti, kha khan House-a tizahawmin ka hria, min kaihhruai thin danah hian. Tin, a rei vak chuangin a rinawm lova, i rawtna kha kan chhang nghal ang a. Legislature party tin atanga sawi tur representative insiama, Good Friday dawn ang vela han tih, tihlai kha nimin pawh khan sawilan a ni a, tunah pawh hian khami kha i rawn sawi leh niin ka hria.

Keini Legislature Party tlem tham te hi chu 50% han tih pawh khan pakhat rawn hi kan ni mai a, chuang chuanin inzir tlang zel te pawh hi kan ni a, kan House hrim hrimah hian Member 40 emaw awm kan ni mai a, Parliamwnt-ah hi chuan a loh theih loh a, 500 chuang an ni a. Tin, State Upper House neiah te hian 300-400 te an ni a, mahse, keinih hi chuan member tinina han in express chance kan nei hi a thatna lai riau hi a awm ve a. Chuang chuan kan deal dan pangngai khan kal ila, min kaihruai ta mai la a tha mange tih kha ka'n sawi duh a ni.

SPEAKER

: Sawi duh vaklo pawh kan awm thei tho a, a lakkawp chungchang kha chu rawtna a han awm naa, 100% a ni silo deuh a. Chuang chuan lakawp lo deuh hian kal

dawn ta ila. A sawi dan turah pawh khan nidanga kan tih ang thin khan kan ti mai ang maw? A rei leh kan rei deuh ang a, insum thei kan tam deuh leh a rei lo dawn a ni mai a. Chutiang chuan a nih leh kal i tum mai ang aw. Member tinin minute 10, tin, kan Group Leader-te chu kan petam leh deuh ang a, a tha mai em? A nih aw. Tunge kan bill chai tur chu han sawi ang le?

**PU H. RAMMAWI
MINISTER**

: Pu Speaker, midang din hma lawkin, i ngaihtuahna rilru kha keini lamah chuan tihtuitlin tha kan ti a, nichinah khan i han hawng tho nain, kan sawi tam lovang.

PU LIANSUAMA

: Pu Speaker, minute 15 pawh a ngai lo maithei e. He Dan tha deuh mai kan Industry Minister-in a rawn pulut hi a tihzia hle a, a phak hnung lama mi, Statements of Objection and Reasons para 2-naah Subordinate Legislation Committee-in Industrial Estate Rule hi a lo en tawh a, tichuan, Department hnenah he Rules hi eng dan tlawhchhanin nge in siam, hei chhiahte in la dawn a ni si a, kan ti a. Tlawhchhan an lo nei lova, chuang chuan, he Bill hi a nghawr chhuak a ni pakhat a, a tha khawpin ka hria. Tin, Dan hi a mamawh hrim hrim a, nichina kan Minister-in a tarlan tawh angin Industrial Estate, Zuangtuiah sawn Residential Area ang maiin a compound chhung ti tihachte sawnin

Biak Inte a awm a, a la awm ta cheu nge ni, a inchawhpawlh nasa em em a. Biak In a awm kha a tha lo lam ni lovin. a tirta atanga ruahmanna fumfe tawk lo avanga hengte hi lo piang a ni. Mahse, he dan hian a rawn siamrem chho vek dawn a. Dan tha tak mai kan Minister-in a rawn pulut hi a lawmawm hlein ka hria a ni.

Mi State kan en chuan hetiang Industrial Estate hi tam takah chuan an Sate Industrial Development Corporation-in a enkawlin engkim management a ti tlangpui nghe nghe a. Chungte pawh chu hun lo kal zelah chuan an tih tur pawh a nih hmel a. Industrial Estate hi 1984/1985 chhova bul tan a ni a, a bikin Zuangtui Industrial Estate-te tah chuan a hungna fel tak awma Gate-te neia Chowkidar neia mi nazawng luh remchang lo leh phalna neia mi state-a an tih ang pawh a tih tur a nih laiin, sawtiang saw kan ni zo ta a. Engpawh nise, he dan hian a rawn ruahman fel vek dawnin a lang a, a lawmawm khawp a ni.

He danah hian a lang deuh nual tho nain a management leh control chungchang mai bakah hian Industrial Estate chhunga Industrial Plot pek mai hi a thalo hlein a hriat a. Chuvangin Loan Sorkarin lain ZIDCO-te hmang tangkaiin chu chuan Industrial Shed nichina kan Minister-in a sawi anga a nature of Industries a zira a shed danglam ve hret hret a ni a. Chutianga siama sak zawh vek a nih hnuah Industrial Unit ten lease-in kumtin man chawiin pekchhuah nise a fel theih ber a rinawm a. Plot kan inpek mai chuan Industrial Unit nei plot an allot khan duh duh hawiin an sa ta mai thin a. Chu tak chu residential ni lek leka a lo pianchhuahna chhan pawh niin a hriat theih a. Chuvangin, he dan kan pass ruala a rules an siam hnua tih makmawha ka ngaih chu kan Minister hian min lo chhinchhiah sak selangin. sak sa ni thei hram sela. Industrial Unit hi a nature a dang khawp a, Motor Workshop-a hman tur thler te, Furniture Workshop-a hman tur thler te, Electronics-a hman tur thler te leh Puantah leh Handloom-a hman tur thler te a hrana siam theih ni phei sela chuan a tha leh zual ang a. A chhan chu an raw-material mamawh a inang lo ang bawkin an customer-te an inang lo a ni.

Duhthusam phei chuan agency-ah hian Director of Industries tih hi chu a dik mai a, hemi baka board leh management board-a din turah hian ZIDCO hi an bang theilo turah ka ngai a. ZIDCO hian an activities an tihzauna atan a tha hle dawn a, Industrial Unit ten an raw material mamawh turte an lo stock ve ang a, tunah harsatna an tawh pawh hi thui tak an sutkian phah thei ang tih hi a rinawm a ni. Chu chu kan dan hian a rawn keng chiah lo nain, chumi hawi zawng chuan a la siam leh theih turah ngai ta ila a thain ka ring a.

Tin, Pu Speaker, approach road leh electrification chungchang thua hian he dana han chuang chi phei chu a ni lova, kan Power Department te hian duhsak bik an remchanna tur atan Transformer leh Electric line hi a hran hlaka an neih a ngai hrim hrim a ni. A hrana an neih loh chuan chhun leh zana hna an thawh a, a SHIFT ten hna an thawk a, chung hunah chuan electric line a hranpaa pek an ngai dawn a. Chung atan te pawh chuan he dan hi a tangkai hle dawn a ni.

Chutihruah chuan, Tui supply mamawh tak tak Industries-te an awm dawn a, chutiang zel chuan mamawh chi hrang hrang an awm dawn avangin an infrastructure-ah hian Industries Department mai nilo, PHE te, Power Department te leh P.W.D. te loh theih lohin an tel ve vek a ngai a ni. Chutihruah chuan hungna hi a pawimawh hle a, a section khawi lai lai emawah hi chuan chutiang tihna tur chu a lo lang a, a tha hle a ni. Allotment tihdan tur hi a chipchiar tha khawp a, Form-a awm ang a, chu Form chu Industrial Unit neitu tur ten an thehluh ang a, an thlifim ang a, a tul chuan a hmunah pawh an endik ang a, chuta tang chuan he management committee hian an recommend ang a, Director of Industries-in allotment a pe thin ang tih a ni. Helai takah hian tih tak taka ti manglo, mahse, a plot lo nei mai si te hianin mi an dal thei em em a ni. He dan a lo pian hunah hi chuan chutiang awmlo tur chuan a rawn inchhungkhung vek a, a dan tha tak kan nei dawn niin a lang a, a lawmawm khawp mai.

Tin, Pu Speaker, Declaration of Industrial Area tihah hian hei tunhma khan Pukpuiah te kan nei a, tin, Kolasib-ah te kan nei tawh thin bawk a. Chung chu thar thawh leh a ngai hle mai a, khung Kolasib Industrial Estate angre khu a nihna tur ang hi a ni chhuak zo lo em em a, he dan hi kan neih sawk sawk a, declaration sorkarin a siam vat a, chutah a nih ang tura han puitlin chhoh hi a chakawm khawp a. Kolasib Industrial Estate-te phei khu chu Stone Quarry hmunah khuanin an hmang emaw ni ta chu aw tih turin a inchiahpiah ta deuh vek mai a. Han kal chang pawh khuan Industrial Estate nia mawi lo a ni ta a. Silchar lam kawtchhuah, ram pawn lam atanga kan kawtchhuah pawimawh takte an nih avangin khu khuanin enkawl a mamawh hlein a hriat bawk a ni. Engpawh nise, heng dan a lo awm hnuah hi chuan a rang thei ang berin he dan a tak taka a channa tur atan chuan Rules siam a ngai a, chu Rules pawh chu an neih sa kha a awm a, tlem tlemin han timam deuh sela, rang taka notify a nih chuan kan ram hianin a thatpui hle ang tih a rin theih a ni.

Nichina ka sawi tawh ang khan, Mau lam sawngbawlna thler te, a hrang hranga siam a nih chuan raw-material supplier tan a lo remchang ang a, Industrial Unit tan a lo remchang ang a, eizawna kan thalai leh Industry lama mi tuite tan remchang tak helaiyah hian a lo inhawng dawn niin a lang a ni. Chuvang chuan, he dan hi kan kawlna a rei tawh bawk a, ka phak ang tawkin kan zir uluk viau a, dan tha tak kan nei dawn niin ka hria a, pass ngei turin ka rawn rawt ve a ni e. Ka lawm e.

PU LALHMINGTHANGA : Pu Speaker, hei, vawiina kan dan ngaihtuah tur hi Aizawl khawpui hian a bik deuha kan mamawh a ni a. Tin, State thang lai mek kan ni a, hmun hrang hrangah kan District Headquarter hrang hrangahte pawh hian mamawh chhoh zel a ni ang a. Heti laia Statement of Objects & Reasons tih kha kan han chhiar chuan, tahkhan, an rawn ziak lang a. Kha ka hmaa Member zahawm tak, Phuldungsei bialtuin a rawn sawi kha.

amah Chairman a ni a, a sawi famkim lo deuh a, a ho hian Subordinate Legislation-ah khan kan han awm tlang a, a ni kan Chairman a ni a. Tichuan, Industrial Estate Rules hi kan item-ah kan han la a, kan han zir kan han zir a, khami Rules-ah khan entirnan, Industrial Estate chhunga engemaw list-fees pek ngaite leh fee dang dang pek ngai i ti mai ang, khatiangte kha a lo awm deuh nuaih a. Tah chuan Ruloes atang maia khatiang ang lo awm a nih khan hemi a authority dik tak delegated legislature ni lova, helaia House of the Representative of the people ngeiin kut an thlakna leh khatiang ang financial lavy-te siam theihna kawng kha a awm em ? tiin fimkhur thil zawkah kan zuk en thuk deuh hlek a, tahchuan, kan han hmuh chhuah taka kha chu a act a lo awm lova, a rules ringawt kha Sorkarin a lo siam a, chumi dungzui chuanin thil tih tum a lo ni tih kan han hmuhin Sorkar pawh dinhmun him zawkah a din theihna turin tunah a Act hi awm si lo hian khatiang ang a area chhunga, a unit luah mante leh a building luah manah te emaw leh, approach of lavy allotment manahte khan department-te pawn thil lo la ta se, kha kha a hnu lamah illegal payment authorise loh anga court-ah te emaw min an putluh kha chuan thil fello deuh a chhuak thei dawn a kan hriat tak avangin observation kha kan siam ta a. Subordinate Legislation khan. Tichuanin, hei sorkar lam pawn an rawn ngaipawimawh a, hemi dan hi an rawn siamchhuak ta hi a lawmawm hle a ni.

Tin, he dan hi a tuah tawhin a tul tawh hle niin kei chuan ka ngai a. Hemi Industrial Estate, Zuargtui area-te saw 1982 chho vel atanga han ngaihtuah chhoha thil han tih kha a ni a. Khatih lai khan keipawh Revenue lamah ka la awm ve a, tichuan, a Industries Department lamte pawh khanin engemaw co-ordination an duh avangin kan han sawi tlang nial nual a, chutiang chuanin sawng lai sawi a hmasa deuha han hman a ni a. Tichuan, Sorkar kal chho zelah inrochun chhawng chhovin, hmun hrang hrangah hetah Luangmual lamate Puipui lamah, sawtah Lunglei lamah te leh hmun hrang hrangah a lo awm ta thliah thluah a, Industrial area kan han tih ang a hi. A hming kan koh dan te chu a inthuhmun vek lo pawh a ni thei a, hemi hi hetianga Legislative Assembly ngeiin dan kan siam tlawhchhana mumal taka kan siam hma zawh poh leh hian kan khawpui chhung enkawlina leh heng Traffic Jam problem tam takte, tin, pollution chi hrang hrang, tuna kan tuar mek atangte hianin hei hianin nasa takin min chhawk zang dawn a.

Hetianga ang dan mumal kan neih loh avang hian tun Aizawl khawpui dinhmunahte pawh hian Noise pollution hi a nasa em em a. Miin remchanna lai apiangah Small Scale Unit Cottage Industries ang thilte leh a dang dangah pawh tlema lian deuhthe pawh an vuah mai a. Khawl lian tak takte, khami khan hna a thawh tawh chuan current awmlai remchanga lain zan mut hunah pawha thawk burte burte pawh an tam a. Khang khan noise pollution a siam a. Tin, thenawmkhawveng a hre phate tan damlo neih pheih chuan inhmuhchhiatnate pawh hmun tam takah chuan a siam thei a ni.

Tin, a dang leha chuan, Industries tam takah hian mei hman ngai chi a ni a. Chuta tang chuan meikhu a lo chhuak a, chu chuan air pollution a siam leh a, noise pollution piahlah, chu chu khawpuih hian kan tuar nasa em em a.

Tin, Industries reng rengah hian tui hman tam tak tak a ngaihna laite khami atanga luang chhuak leh tawh hmantlak tawh si loh, tui chhia a thenahte pheih chuan, chemical tel, mihringin a ei tel palh chuan health hazard siam thei tu a awm thei a. Water pollution-te a siam a, tin, residential-ah pawh hian inconvenient a siam nasa em em mai a. Tin, khami bakah khan State thanglai kan ni a, Aizawl khawpuite plan mumal lohvin over grown village kan tih ang deuhin Aizawl khawpui hi a rawn thang lian a, tumah inmawh lutuk pheih chu thil tha a nilo. Motor a lo tam a, tin, mihring pawh kan lo tam ta a, hei hian consession a siam nasa em em a. Chutah chuan Industries nei hmun hrang hrangah hian entirnan, thingzai khawl lian deuh a nih chuan kawngsirah an raw material kha an lo dah lo thei lova, depot-te an neih that loh avangin, kudamte an neih loh avangin. Tin, Iron Fabrication lam a nih pawhin chutiang deuh chu a ni a. Kha khan kawngte a tichep zualin traffic jam-te leh human jam hrim hrim hi pedestrian jam-te a siam nasa a. Hemi kan khawpui chhung danglama improvement siam tur pawh hian Industrial area mumal tak kan siam a, chumi chuanin dan leh hrai tha tak neia enkawla chumi tlawhchhana hmalak a tul ta em em tih kan city situation-te kan town situation-te hianin a quarantee a rawn tarlang chiang em em a ni tih kha ka sawi duh a. Chumi context atanga kan zuk en chuanin tuna kan Minister zahawm takin The Mizoram Industrial Area Management Regulation and Control Bill, 2008 a rawn putluh hi ram tana tha ngawih ngawih a ni. Heta a ken ang hianin he bill hian management a keng ang a, a regularised ang a, a control dawn bawk a. Chumi chithuma hma kan lak chuanin hmasawna nasa tak, a mihring citidualers leh towndualers tante hian min siam sak dawn tih a lang thei a. Chuvang chuan, he dan hi tha ka ti a, a tuah tawh hlein ka hria a ni.

Chapter-I-ah khan Industrial Area Advisory Committee siamna tur leh Management Committee siamna tur chungchang thu kha a rawn lang a. Section 3-ah hianin Industrial Area Advisory Committee Formation tur bik leh a function tur a kha rawn tihlan chhoh a ni a, a tha vek mai a. Heta Advisory Committee-a a components tur (a)-ah hian The nodal department for establishment of such Industrial area a tih hi chu a tha mai a. Tin, State whole the department a ti leh a, tin, Industrial Associations honours of Industrial unit established inside Industrial areas ti khan dah leh a ni a. (b)-naah such other class of persons as in the opinion to the Govt. or to be represented in the State Advisory Committee an tihah hian heng bak hi tunah chuan belh mai theih a ni lova. Mahse, dan han siam hian amendment emaw kha lo kal chho zel tur a ni ang a. Heti laia a Advisory Committee Member nih theihna laiah hian ka hma ami sawi tawh ang khanin State whole the department a tih hi an ni nghal nge ka hre lova, khalajah khan Power & Electricity Department te. A chhan chu Power supply regular tak an duh dawn a, khan khan, PHE tui supply regular tak kan duh dawn a, chung ang lampang representative te. tin, heti lama kal Industry hnuiaia Public Undertakings kan ti mai ang a, Govt. Undertaking, Public Sector Representative hote pawh hi awm tel thei sela chuan a changtlung leh zual awm mange tiin ngaihtuahna ka'n siam a. Kan Minister-in min lo note sak theih chuan a lawmawm hle ang. A chhan chu khatiang ang Advisory Body emaw, Management Committee tih angah emaw hian self contain deuh hlek a kan kal a, requirement thil hrang hrang, Industries a function that theihna tur

atana mamawh a hrang a hraia va approach leh ngai lova a representative an awm a, khamite an hriat nghal theih khan hna a chak thei thin a. Chulai duhthawhra-chu riluah a awm a, ka sawilang duh a.

Tin, Management Committee-ah pawh hian hei hi chu kan sawina eng atang tho khan government-in emaw a la prescribe tur a kha a ni dawn a, a Rules lamahte. Chuvangin hetah pawh hian khati zawng khan Advisory Committee Provision ang deuh khan thil kha kal thei mai sela a tha awm mange tiin ngaihdan ka han siam a.

Tin, a dang lehah chuan, a area chhungah khan raw-material depot hi tuna Industry department hian a siam ta meuh lova, mahse, a that dan chuan hemi Industrial area chhungah hian raw-material depot hi chu awm thei se, Sorkarin kha kha a run theilo a nih pawhin private lam atanga khalai titheitu Farm kha dah theihna siam a nih chuan, market-ah harsa taka a raw-material zawn kual ai khan hei hian awlsamna a siam ve thei thin a, chulai chua ka sawilang duh a. A chhung management chungchang thua kha a ni leh ta a ni.

A tlangpuia an rawn siam dan hi a tha thawkhatin a sei lem lova, a fel mawi tawk hle a. Heng a dawng ho kha chu Section of Declaration of Industrial Area han tihte pawh kha thil harsa tur a ni lova, ram a thang zel a, Power supply infrastructure te pawh kan nei tam chho zel ang a, raw-material-ah pawh agro-base leh fores-base industry-te hi kan neih tam theih dawn avangin a selection-ah pawh hian khatilaia accessibility kan neih theihna area kha zawn theih ni sela a thain ka ring a.

Tin, regulations of allotment in Industrial Area-te pawh kha sawisel tur hranpa a awm lova, a tha tlangpui e, tiin ka han sawi a ni. Tichuan, hei hi lungrual taka kan pass theih pawh tha hlein ka ring. Ka lawm e.

PU H. LIANSILOVA : Pu Speaker, tukina kan Bill sawi tur hi a lawmawm hlein ka hria a. Hei, min semna a rei tawh a, chhiarte pawh kan chhiar chhuak tawh hlawm a, ka hmaa sawitute sawi kha ka rawn support vek mai a. Tin, thil tul lai lai leh pawimawh lai han ngaihpawimawh tur emaw, Sorkar lam leh department changtu Minister-in a lo chhinchhiah tur pawh kha an rawn sawi tawh kha pawimawh vekin ka hria a, keipawhin ka support a. Khang kha sawi nawn pawh a tulin ka hre tawh lova, a Chiang tawk a. Hemi a bill hi a clause tin leh a section tin en hianin a tha tawk hlein ka hria a.

Tin, a bill pianhmang hrim hrim pawh, a chhut thleng pawh hian chhut sual pawh a awmlo in ka hria. Vawi 2/3 ka chhiar chhuak a, a department rawn buatsaitute an fafawm hlein ka hria a. Engemaw chang

khan bill kan han ngaihtuah hi chhut sual chang a awm a, a hnu lawka correction tih zauh ngaite kha a awm deuh zauh thin a, hei hi chu a lawmawm khawpin ka hria a.

Industrial Estate-te, tin, hmasawna kal zelah heng growth centre-te, tin, export promotion/industrial park tihte hi kan la neih leh zel tur, kan hmasawnnain a ken chhoh tur a ni. Vision nei taka hetiang ruahmanna lo awm hi a tha hlein ka hria a. Chuvangin a bill chung thuah hi chuan heti zawk ni sela tia han sawi tur pawh awmin ka hre lova.

Tin, a statement of object and reasons-ah engkim sawi chian a ni a. Tin, bill hi a lo chhuah tlai chhan pawh, hei, a sawi chiang a, a pawmawm vekin ka hria. Tin, tuna hetiang kan han nei thei tur pawh hi engemaw Zuangtui Estate, Industrial Estate kan enkawl chungchangahte pawh kan tlai lam tawh a ni e han tih theih chu a ni na a. Amaherawhchu, tuna hetiang kan han nei hian a lo fel tawk lo deuh a awm a nih pawhin a chingfel thei dawn a ni.

Tin, chutihruah erawh chuanin tuna ka hmaa sawitute pawhin an han sawi leh nidangah pawh hun kal tawha kan discussion kal tawhahte sawilan tawh Aizawl khawpui chhunga heng Industries, Small Scale Unit, kawngpui kam leh mipui bitna laia awm ho sawnchhuah a ngaihpawimawh awm zia thu an han sawite pawh kha hemi Industrial Estate dan hmanga kan kalpui hunah chuan sawnga an hmun han pek tur thuah pawh khangte kha an rawn dil a nih chuan duhsak bik pawh awmin ka hria a, a thar lak ai mahin. Tin, a insawn tur ngeite chu hmun pek ngei ngei leh an remchanna siam sak, tin, an insawn a nih chuan midang lolut leh thei tawh lo tura a department hianin mawhphurhna ni lo mahselangin department dang permit lo pe leh tu emaw Pollution Control Board emaw. LAD, tunah chuanin Urban Development-te pawh an ni tawh zawk mah ang a, chungte pawh chuan heng thilah hian kan ram thang zelah mipui leh khawpui mamawh hria a, chungte pawh chu ngaihtuahna lo hman sa a thain ka hria a. Chu chuan kaihnhawih a neih avangin khalai te kha chu ka'n sawilang duh a ni. Chulovah chuan, hei Good Governance-te kan sawi a, vawiin nia kan bill hian a tarlang khawpin ka hria a. Kan Industrial Estate Zuangtui amite saw diktak chuan a then chu mimal ram emaw kei ka lo ti a. An in sak hmang reng reng pawh saw, residential a ni deuh thluah hlawm mai a. Tunah hian hemi hmang hian hma kan han la leh dawn a. Keimahni Mizo leh Mizo inkarah chuanin dan han hrut kak hi har tak a ni a, chuvang chuan Good Governance kan sawi hi, dan kan neih phawt zel leh chumi hmanga kan kal a pawimawh ber mai thin a. Zuangtuite kha kan han tarlang bik a, la kal zel turah pawh dan neih phawt a, chumi dan anga inkaihruai hi Good Governance kan sawinaah pawh hian chu chu a ni ber a ni.

Tunhma kha chuanin Mizoram kan nih ho anga tlawmngaih thilte a tha kan tih tlan ten thui tak kan inkaihruai a, a YMA rilruin tlawmngaihna kan ti a, mahse, kan society-a complex tawh tawh a, sum leh pai ngaihtuahna a na tawh tawh a, chumi avang chuan that tlanna dan kan hman kan noral low hian min khuap zo tawh lova. Chuvang chuan Good Governance kan sawi hian dan hi a pawimawh a, engkimah a hmasa tur a ni tih hi a chiang hle a.

Hetah hian kan sawi duham leh hlek duh chu. kumin kan budget-ah hian health insurance scheme lianpui mai kuthnathawktute leh sorkara MR bill theilo zawng zawng cover-na tur kan han dah ta hi a lawmawm a. lawmthu kan sawi theuh a. Mahse, a hmanna tur tak tak hi hei hi kumin atana tih zawk a nih ka ring lova, kan kalpui zel tur niin ka ring a. Tin, duh pawh ka duh a, tha pawh ka ti a. Amaherawhchu, dan nei hmasa lova hetiangka kan kalpui chuan April thla atanga kalpui tur kan ti si a, engtingge tih kan inzawt sup sup tawh mai a ni. hetah hian Good governance nei tur leh a fund pawh hi tha tak leh tangkai taka sawisel kailo thei bera rualkhaia kan hman theihna tur chuan Dan a pawimawh a ni, dan hnuaiyah rule pawh kan hman a pawimawhin ka hria a. Transparent taka kan tih loh chuan kan thatpui tur hi a chhiatpui theih a ni tih tuna kan discussion atang pawh hian a hriat theih maiin ka hria a. Zuangtui te pawh saw kan tichhe hman lek lek tawh em ? Industrial Estate tak tak han din lehna tur atan khanin hmalak tur a ko viau tawh a ni.

Chuvang chuan vawiinah hian hemi Bill kan sawi rual hian ka thinlung taka mi thu ka sawi a ni. Hetiang nuai 5000 chuang hmanna tur kan Budget-a kan dah hi a lawmawm a, kan hman dan turte, a dawngtu turte, a dawn dan turte kha dan fel tak Assembly-ah ngei hian legislate a nih loh a, department atangin emaw rules siam emaw, khawilai emawa executive order-a kan tih leh mai mai chuan kan lawm viau rual hian, kan chhiat viau loh chuanin emaw, a thalo hle ang tih ka ring a, khalai kha ka'n sawi uar duh a. Good governance kan neih theihna tur chuan dan a pawimawh a, dan pawh a nihna anga kan hman zel a pawimawh a, helaiyah hian kan inpuhmawh a, kan han inau deuh thin a, a pawimawh be chu dan hi tha tak nei zel ila, development programme lian pui puiyah pawh hian chumi dan chu langtlang takin mipuiyah puangchhuak ila. Tin, kan puanchhuah ang tak leh a dan ang tak chuan kalpui ila, langtlang hianin kal vek ila chuan a thain ka ring a. Chumi atan chuan hei hi example tha tak niin ka hria a. Chuvang chuan, a bill hi a tha ka ti a, ka support-a, pass tur pawhin ka rawn pawmpui a ni, ka lawm e.

SPEAKER : Pu Thlenga saw a phar hmasa na a, ZNP legislature atang hian sawi an la awm ve lova, han sawi tir leh phawt ila a tha awm e. Pu Andrew Lalherliana.

PU ANDREW LALHERLIANA : Pu Speaker, ka lawm e. Hriat angin objects and reasons-ah khanin hemi a tih nachhan, a siam nachhan kha a huna a Industrial Estate Rules lo hmai; urgent mai kha parent act awm lovin an lo ti ve kha a ni a. Subordinate Legislation-a kan Chairman hoa kan en khan "e khai, parent act a ngai a ni e, hetiang chu a valid law" tih avang khan kha

kha cancel tura tih a ni a. Chutah chuan, hemi parent act hi an rawn siam chhuak ta hi a tha hlein ka hria a ni. Pu Speaker, kan en vang vanga, hei hi tihdanglam ngai ka hre thluah a, ka hriat nachhan hi eng dang a ni lova, Sorkar hi check-tu awm lova an kal hian a bawnra thei em em mai avang hianin, chuvang chuan, hei hi sawi ka duh a ni. Kan hria a, tunhnaiah he Sorkar chhungah hian, Zonuamah te anmahni Village Council-in ram an lo inpek tawh, an pek a ten mahni ta anga an lo neih thlap Sorkarina a recognise titih tawhte kha, tuna Sorkar thar chuanin (khung Berampu mualte kha) "e khai a mumal love" tiin a cancel vek mai a, tahchuanin an duh duh mihring an dah leh mai a. tin, power check lova a kala thil a pawl theih dan chu, hmanni lawkah kan hmu a, khulai industry rama industry department-ina an ta anga an lo neih leh building an lo neih vek tawh kha an lo ngaih hai a, anmahni rilru thlamuan avanga pass-te siam ngai lova an lo ngaih kha kan hmuchhuak a, e. pass rawn siam ula kan pe mai ang che u, kan formalise ang a, in ta a nihna hi kan recognise mai ang tilo khan, e khai, an ta a lo ni hleinem mawle, building-te lo neiin department pawhin lo nei vek mahse, an ta a lo ni hleinem, khawng duhsak zawngin pe teh ang aw, an ti a, an pe tawp tawp mai a ni. Chutah chuan MNF Secretary-te in tha tak nei leh, khatiang khawpa bungrua nei leh Bulldozer thleng nei tawh kha kan pe duh mai a ni. Chuvangin power hi check loh chuanin a buai vek thei tlat a ni.

Hetah hian kan en vang vang a, a hmasa berah management chungchang thuah hian han kal ta ila. A chapter 2-na atang hianin kal teh ang. Establishment and Constitution of Industrial Area Management Committee tihah hian, a lai laklawh atangin ka chhiar zel mai ang. 'Area Management Committee which consist of Chairman and other Members who in the opinion of the government are to be included to discharge such function as may be prescribed' tihah hian ka ngaihndan chuan Sorkarin a duh ang anga dah ngawt lo hian, a safety value atana ka duh chu, recognize NGO te an tel vena tur hi Provision-ah hian ka duh a ni. Y.M.A. hotute leh hetiang recognized body-te an tel ve hian duh angin kan ti bawrh bawrh ngam lo deuh. General Headquarter YMA te, MHIP hruaitute emaw, khang kha an tel ve a ngai a. Tin, chu mai a nilo, Industry Association member-te pawh an tel ve a ngai a ni helaiah hian. Chuvang? Committee consist of Chairman and other members who are chosen from members of Industry Association tihte, tin, member of recognized NGOs tihte, the Govt. may appoint who in the opinion of the Govt. ought be included tih kha awm ve ta chauh zawk se ka duh a ni. Tichuan, arbitrary takin kha committee khan hna a thawk theilo phawt ang a, ka duh tlat.

Tin, a dang lehah hian, tah hian ka'n keu leh a, hei, ka duh loh leh dang chu, cancellation of allotment tihah hian appropriate Authority khan a hmasa bera a sawi hi chu thil tam tak proviso awmin, "with The recommendation of Management Committee" hian a cancel thei ang tih a awm a. Kha kha chu tha ka ti a ni. Amaherawhchu, hemi clause 7-a sub-section (2)-na hi incase of the Management Committee could not meet in time and if in the opinion of the apelette authority. Appropriate Authority it is experioenced to cancel such allotment made in favour of any Industrial unit, it may cancel such allotment before

seeking the recommendation of the Management Committee tih hi. Engeni the management committee tih hi a tul miah lo, a arbitrary lutuk. Chuvangin, ama thua committee an thu hman love tih vanga appropriate authority, Sorkar mi leh sain a cancel ngai a tih, mi plot neih tawh sa leh mi in establish tawh cancel theih bawrh bawrh ang chite hi kei chu ka duh lo reng reng a ni. With the recommendation of the management committee tiha a awm crawh hi chu a tha e. Management Committee-ah khan, ka sawi ang khan, representative of Industrial Association tihte NGO te an tel ngei ngei tur a ni.

Khatianga an tel kha chuan, helaia arbitrary taka ama thua a opimon-a cancel a ngai tih avanga a lo cancel thei a ni tihte hi a hlauhawm em em a ni. Tuna kan Sorkar, a bik takin kan Minister zahawm tak, tuna he bill rawn puluttu pheih hi chuan, a chhungte a dah tlar leh thut mai ang tih ka hlau em em a ni. Chumia a dah theihna tur kawng inhawna lai chu hemi cancellation of plot or shed tih section 7 sub-section 2-na hi a ni. He arbitrary sub-section hi paihbo chi a ni tlat mai a ni.

Chumi a nih loh chuan, tu Sorkar pawh lo ding se, powerful lutuk a nih hian a buaithlak ziah. 'Power corrupts, absolute power corrupts, absolutely' tih hi a dik em em a ni. He Sorkarah hian a langchiang lutuk. Kha vang khanin, dan kan siam hian 'Principle of natural Justice' in ro a rel theina tur leh mi tumahin arbitrary lak leh dictator taka ro an rel theihna tur ang chi dalna tur 'safety valve' hi chu kan mamawh ngawih ngawih a ni.

Chuvangin, he danah hian, a pumpui thuin a tha e, kan han tihual rual khan, khatiang zawng deuha 'wider section of representation' a awm theihna turte leh 'democratic' taka a kal theihna tur ang zawng ang chi kha, ka sawi piahlam pawh kha a awm maithe'. Chung ang chu kan belh loh chuan Zoramah hian kan kal sual fo a ni.

Tupawh an lo Sorkar ang a, a Sorkar hmasateina an nawm an mak an tih ang chi hi a dawt hian an copy awl em em mai a ni. Mizoramah chuan. Chuvang chuan, mihring hi kan tha tawh lo, danah hian 'safety valve' leh 'check and balance' kan mamawh a ni. Chu check and balance kan mamawhna tur chuan hei pawh hi tlema revise a ngai tlat, kei chu kati tlat. Representative awmdanahte leh arbitrary lutuk point angte kha paih a ngai a ni.

Chuvang chuan, Pu Speaker, khawngaih takin hei hi min pass-pui mai lovin, khatiang deuh hleka a kal theihna tur khan siamthat hi kei chu ka rawt a ni. Ka lawm e.

PU LALTHLENGLIANA

: Pu Speaker, ka lawm e. Hei vawiina kan Bill ngaihtuah hi a pawimawh khawp mai. Engemaw ti tia han sawi a, khawimaw laia

han chuk nana hman chiah pawh ka ngai lova, i vei lama mi leh i dinglama mite hian ngaihtuahna tak tak kan hman a pawimawh khawpin ka hria. Pu Speaker, thildanga inchhahna hun boruak hi chu a awm a, mahse, he thil hi ka ngaihtuahin lawmawm ka ti tak tak a. Mizoram vawiin thlenga bill pawh nei lova kan la awm hi a rei ta hle a, Sorkar lo inthlahthlam tawh, District Council atangin U.T. ah tiang ang hian vawiin thlengin bill nei lovin kan kal a. Hetiang hian kan ram hi thang chi ziazang kan ni lo tih hi a lang chiang em em a ni.

Pakhatnaah chuan, hei Zuantui Industrial Estate kan ti a, Lengte Epic-te kan ti a, hemi Industrial Growth Centre kan han tihah hian a Minister changtu zahawm tak pawh hian a huatthu chenglo sela, a chang ve chauh a ni a. Industry a main body hi vawiin thleng hian a fail-in ka hria a. A chhan chu Government Undertaking ho hi min pha lo em em mai a ni. Heta tang zawk hian zirni sela thain ka hria a. Term hmasaah term khat zet MIFCO ka lo chang a, Sairanga kan theitui sawngbawlina khu zuk en ta ula, a hmun hma zawng zawng, a chhung pawh, a building pawh a thianghlim en em a, leirawhchana hung chhuah vek a ni a. Chutah pawh chuan a chungah barbed wire hung a ni. Gate mawi tak siam a ni a, a chungah mawi takin sign board tar a ni. Chutiangin Chhingchhip Food Processing hmunpui in en chuan, a zavai maia hung chhuah a ni a, a ram a zau em em. Pu Speaker, chu chu leirawhchana hung a nih bakah mawi takin sign board lianpui mai mitin hmuh theihin a awm a ni.

A chhungah theitui sawngbawlina, Cold Storage-ah te, tin, a processing unit, a room zawng zawngah zuk lut dawn la, kawngkhar bulah tui an lo dah ang a, chu chu i pheikhawk i zu chiah zet ang a, a chhuatah i lut thei chauh. Khatiang kha a kalhmang tur a ni. Miin ar a vulh chuan ar vulh mi nazawngin ka hmu duh e, a tih vangin a chhunga luh an phal ngailo. Hri an kai awlsam em em a ni. Chutiang deuh chuan Food Processing a nih chuan Industry lamah, khalaiah pawh khan kan sawngbawlinaa thawktute zawng zawng kutkawr nen an che vek a ni. Dik tak chuan Chhingchhipa kan theitui sawna hmun chhung khi tunah Pu D. Thangliana, kan MLA zahawm takin a enkawl mek a, a chhungah zuk lut ula, kan Hospital ai hian a thianghlim daih a ni. Tak tak a ni, kan MLA tam tak pawhin min hmuh puiin ka hria. Thil hi a tak taka tih tur a ni a, khi khi tin 6 hmun chuang zet, tin 10 hmun lai a ni ang. Chutah chuan Public Sector, nakina an lo luh theihna tur pawhin plot siam ruk vek a ni tawh a, mahse, mipuite zirtir hi a la harsa deuh rih a. Tiang chuan tunah hian ZIDCO-ah hotuten min han hung ve leh a. Chutah chuan, LIDC (Integrated Infrastructure Development Centre) project kan siam a, Lunglei Pukpua Pu Laldenga te khuua kan dah saw Lunglei mipuite chuan film chan nan leh engkim tih nan kan Hall-te sawn an hmang tawh a, a building-te saw a thlalak tlak vek, mawi em em vek mai a ni. Tin, chulaiah chuan, Private Sector tur heta allotment of plot a rawn tihte hetiang chiah hian kan fimkhur a ni. An rawn awm hunah pawh khan tuichhia reng reng kha khawlaiah pakhatmah a luang tur a nilo. Hei hi central duhdan a ni a, chutianga tih a nih chuan Drainage System fel tak a kal a, pipeline, lei hnuaiah, khutah a inhmukhkhawmna a lo awm leh ta a, chumi drainage system chuan a thlifim vek a, a lo chhuak leh chu tui chhe lemlo, kawr tui thianghlim pangngai angin a lo chhuak vek a ni. Chutiang chuan a rawn awm apiangin an thli a kalna turte siam a ngai.

Tunah Zuangtuite pawh mimal hmun hma nge. enge tih pawh a lang chuang lo, khawl hmunpui bikah Pukpuiah pawh Drilling Machine-te, Tonner-te chi hrang hrang Mistiri buangrua kan dah ang a, khawl 3 phase, electric a lo luh a, an inhmantawm sung sung theih tur thingzai khawlte, chutiang chuan dah a ni. Champhai Zoteah kan ti kha, keini Govt. Undertaking-ina hma a lakna mai mai pawh a ram khi bigha 75 a ni. In tam tak a khawl hmun hnaivai si lovah an ram inhlanna tur plot kan siam vek a ni. Tuizem liante kan dah a. hla tak atangin tui kan la a, electric chu kan vuah tawh pawh Champhai atangin Zote chu awmze nei takin Tube Light mawi em emin a eng sung a ni. Chu chu reiloteah kan hmang dawn a, i vei lama thute pawhin a takin min han hmuhpui sela ka duh a ni. Thil hi a tak taka tih tur a ni a, helaia Committee siam dante hi bill tha engang pawh nise, kan MLA Pu Andrew an a rawn sawite kha helaia calculation of allotment a rawn tihte pawh hi he dan hi a tha lutuk zawk a ni. Hetiang thil tiha kan hmun pawimawh lai luah si, titha leh peih miah lo, a kil lehlamah chuan vir viau, hlawn tur zawng vut vut chite pawh a awm theih a ni. Khatiang kha chu cancel daih theihna tur provision hi kan siam ngei ngei a ngai a ni.

Tunah hian fimkhur takin kal sela, Economic Service-te kan nei em ? Industry hi Department-in ka tawng haw suh sela, heta tang hian an kaichho mai mai a, hei hian kan ram Industry hi an enkawl dawn a nih chuan kei chu ka beidawng khawp mai. A tak takin hmuchiangan ka inhria a ni. IES ten an enkawl a ngai, Indian Economic Service-te emaw an ngai. MIFCO-ah pawh hian a dik tak chuan, food pack ? chungchang foreign atangin engemaw zat kan nei a ni. MBA, chutiang mithiam te lo luhna tur hi Industry Department-te pawh hian ngaihtuah sela, hmasawn kan tum tak tak dawn a nih chuan vawinah hian hmasawn a ngaihna hre miah lovin Handloom Industry velah kan tal liam mai mai a, India ram atanga miropui deuh lokal turte hi Industry hmun entir tur kan neilo reng reng. A tawp a tawpah chuan hla mahsela, ZIDCO-ina kan tihte, MIFCO tihte lo chu en tur a awmlo. Tunah hian VENUS Bamboo Industry lian tak kan han nei tan a, khungte khu entir tur awmchhun a ni ta mai a ni. Handloom Industry tih velte hi chu Manipur kawthler velah khuan a tam lutuk. Meitei nu chhe te te hian an hung fur mai. Khatiang mai maia tal kha a hun tawh hlei nem mawle.

Industry tello chuan ram hi a thang dawn lo. Khawiah mah Industry awm lohnaah chuan pawisa a lokal a. kan eizo a, a ral leh mai. Industry awm lohna ramah khawilaiah mah hian ram thang hmuh tur a awmlo a ni. Chuvangin kan than theihna tur bul intanah keini pawh kan ni tho, kan harh tlai deuhthe pawhin ka hria a ni. A dik takin Sorkar lokal tawh zawng zawngah pawh muthlu chungin kan ngaihtuahna kan hmang a, lehlamah helaiah hian, helai para hi a diklo deuh e, tih mai maiah hian inhnial pawh a hun lo. Kan ngaihtuahna tak tak hi kan ram tan kan hman a hun tak tak tawhin ka hria. Nakinah a chhungte a dah leh thut ang a, tih vel ang chiah inbei lo ila, kan ram tana thil tha tur tak takah hian tunah hian entir tur kan nei a. Engtin nge in tuizemte hi connection engtinngin in kal tir a, hmun pawimawh zawng zawngah stocking house-te Pu Lalhmingthanga, kan MLA zahawm takin a rawn sawite lha, material stock-na tur te, kudam lian pui pui kan sa vek a ni. Vaibelchhe 4 lekin khiti khawpa ropui leihnuai

zawng zawngah pipeline lian pui pui, tuichhe kalna tur kan dah vek te, tuizem lian kan dah te, a building dah te, keini Govt. Undertaking mai mai pawhin kan ti thei a nih chuan a main body hian tan la sela, an fate hi min entawn mai rawh se. Chuvangin kar 2/1 lek a ni chuan a la chang a, ka zuk demna pawh a ni lova, kan Minister zahawm hian heti zawng hian ngaihtuahna hmang sela, a dik takin a department pawh hi enchian a ngai a ni. Hnathawk thei kan indah dawn em ? tih hi kan ngaihtuah a ngai a ni. Tuna kan in sak hi vawiin hian ka rawn theihngilh hlauh a. a tak takin ka nei a ni, a thlalak kha entir che u ka chak viau a ni.

Tuna Champhaia kan dah ngat pawh hi ka bial Lengtea Epic tih velte khu a building-te khu Fasuar ban emaw ka ti a, a zahthlak lam deuh a ni. Chuvangin rawn keng teh u, in tih chuan he House chhungah kher lo pawh helai Recess Room-ah hmuh theihin ka rawn keng ang. Tin, kan building phei chu Conference Room leh Executive Building hi a bikin a thla rawn la teh u, kan ti a. Aizawlah pawh hung ila, a mawi pawl tak a ni ang. Chutiang chuan kan kalpui thei a nih chuan tunah hiar Brick-in kan hung chhuak vek a, 75 Bhigas-a zau kha a chungah Barbed wire a kal vek a, a chhungah chuan line fel takin thing kan phun chhuak vek a, Sign Board lian tak a awm bakah a kawtchhuah lamah gate ropui tak a awm, Tala-in an kalh thlap a. Chutiang ni lova, Zuangtui te saw chu sawi tur a awm lo hrim hrim a ni, Drained System awm lo. Chuvangin vawiinniah hian Industry kan tihual hian kan ngaihtuahna hian mi ram khawvel thleng rawh se. Luangmual pawh building-te a awm ve a, an hmanraw dahkhawmna turte ruahmanna puitling a awm em ? Khang ang kha ruahmanna fel tak a awm em ? An lo tam hnuah drainage system-te fel takin a awm em ? Polution chungchangah nakinah harsatna kan nei thei angem ? tihte ngaihtuah viau a ngai ani. Chuvangin, heti zawnga ngaihtuahna kan kal theihna tura he bill tha tak mai rawn siamchhuah a ni ta hi, Mizoram kan harh tan niin ka hria a, a lawmawm ka ti a, hlim takin i pass sak ang u. Ka lawm e.

SPEAKER

: Minute 5 vel a la awm a, Pu Lalduhoma a phar a, kan sawm leh law law ang nge ? kan chawl ang ? (Member ben chawlh phawt an rawt a) Awle, hei minute 5 chauh a awm tawh a, kan chawl rih ang a.

Chawhnu dar 2:00 PM ah kan thukhawm leh dawn nia.

2:00 PM

SPEAKER : Kan rorel kan chhunzawm ang a. Pu Lalduhoma i lo sawm hmasa ang.

PU LALDUHOMA : Pu Speaker, kan hriat tlan theuh angin Rules reng reng hi sian a nih dawnin Acts-a inziak dung zuiin Acts-a la kimchang lote tihkim nan Rules sian a ni thin a. A Acts-a pawh awm hauh lova Rules kan nei hmasa mai kha kan fel lutuk mah mah a ni. Committee on Subordinate Legislation-ah kan hotute senior tak tak, experienced tak tak an awm avangin hei hi hmuhchhuah a lo ni ta a, a lawmawm hlein ka hria a. Rules kha kept in abeyance tih a ni a, tuna kan bill section hnunhng berah hian a repeal-na provision a awm a, repeal chi em maw ni le! Khatiang Rules invalid kha repeal tur a awm em ni? tih hi ka ngaihdan a ni a, ka hriatthiam loh vang ne ni, ngawih san tawp a, tawp mai tur a ni mai lawm ni? Chu chu technical thil deuh, legal thil deuh a ni a, kan hotuten a awmzia an hrethiam zawk turah ka'n ngai a. Hetiang dan hi kan ramin a mamawh tih kan chiang theuh a, an rawn pulut ta hi a lawmawmah ka ngai a, a chhung thu a that emaw, that loh emaw ka zuk hre em em lova, tha famkim chuan tuman dan reng reng hi kan sian thei lova, a tul ang zela lo thuam chhoh a, sian that ngaite leh sian belh ngaite la tihbelh zel turah ka ngai mai a.

Ka sawi duh zawk chu. Dan hi enganga tha pawh nei mahsela, a implementation lam hi a pawimawh thin a, kan rama thil lo thleng tawhte, he bill kan han ngaihtuah lai hian rilruah a awm a, tunhnuah kan fimkhur tlan zel nan chungte chu han sawi zel tha kati a. Shell Line Stone Factory hawn a ni a, kum 2005 March thla khan kan Chief Minister-in phur takin a hawng a nih kha. Tun thleng hian production chu nil a la ni. A approach road pawh a awm lova, Motor pawh a kal thei lova, tin, khi factory khi tuin nge enkawl ang? Privatise tur nge joint venture tur nge, department-in an enkawl tur nge tih pawh sawi a awm lova. A hawng tawp mai a ni. Tin, staff pawh pek a nilo hrim hrim a, fund pawh pek a ni lova, MR-in Chowkidar pakhatin a enkawl a ni a. Chu pawh chu tunah hian a la enkawl zel em tih ka hre lova. Tunah chuan, kan hlamchhiah fel tawh a ni. A bardon a ni tawh a, a pawl viauna chu audit lamah te a lo lang a, C & AG Report-ah te lo langin helaiyah keimahni state chhunga PAC-ah pawh kan Agenda-ah a lout hial a ni, he thil hi. Chutiang chu a nih avangin Industry-te hi ka din dawn a nih chuan a potentiality-te khang zawng zawng kha en a, uluk taka a validity-te hria a tihawm tak a ni a. Khatiang a thamral leh mai mai turte, tuten emaw pawh nilova, kan Chief Minister berin a hawng mai thin angte kha tunhnuah hian fimkhur nan kan hman a tha tawh takzetin ka hria a.

Tin, hei kan bill-ah hian privatisation lam hi a lang lo hle a. A len pawh a ngai chiah lo pawh a ni maithei a. ka hrethiam lova. Khatiangan tuna limestone factory kan tih angte khi private hnenah chuan lo pe zui nghal ta ni ila, Sorkarin tanpui ta bawk ilangin, hlawhtling takin production-te chu tunah hian kalin chhungkua engemaw zatte pawh eizawn nan hmang theiin kan siam tawh ka ring a.

Chutiangan chuan Pork & Meat Processing Unit, Zemabawka kan han neihte pawh hi 1994 atanga bul tan tawh a ni a, a rei tawh hle mai. Tunah hian Trial Production an tan dawn tih a ni chauh a ni. Kan sum senso tawh chu a building-ah leh a equipment, a machinery velah hian nuai 330 a ni a, a staff leh a workers ho, Manager-te leh khatiangan atana a security thlenga kan expenditure kha sawitel hauh lo pawhin. Mahse, a muang em em a, Production tak tak pawh a la awm lova, tuten emaw contract-a thawh a, bill an lak hi chuan kan duhtawk mai deuh ni te hian a lang a. Ram tana a thatna tak tak tur ngaihtuah lem lova sum tam tak tak hetiang kan khawhral thin hi a uiawm hlein ka hria a. Sawngte pawh saw mimal kutah hian han pe phal ta ila, nuai 300/400 te tanpui nan pe ngat ila, a survive ngei ngei ang tih ka ring a. Aizawl khawpui hi min chawm tawhin ka ring a ni. Chuvangan chuan, management lampang hi heng bill kan ngaihtuah lai hian kan rilruah hian awm se tha ka ti a.

Tin, thil reng reng hi a market hi a pawimawh ber a. Mizoramah hian sahbawnte pawh an lo siam tawh thin a, chalk-te pawh an lo siam tawh thin a. Mahse, market a awmlah avangin Sorkar pawhin a dawr chuan loh avangin mahni chuan vai company liante han compete rual a ni hek lo, an tawp zel a ni. Tunhma deuh khan Pu Speaker, tuna i bial Buhchangphai luh hma zawl laiah khuan Hume-pipe factory a awm thir a, an siam ve a, mahse, Sorkarin a dawr si loh avangin khawiah nge a hralh tak ang? Market kha a awm lova, a tlawh leh ta a, tunah chuan khu ngawpuiyah factory hetah hian vawikhat a lo ding tawh a ni tih pawh awihawm loh, thawnthu awihawm loh ni mai tawh turin hnuhma pawh hmuh tur awm lovin a lo awm ta a.

Helam Sialsuk kawngahte midangten an han siam ve leh a, Sorkarin a duhsak zawng mite an ni ta bawk a, a market-ah harsatna an nei ta lova, an hlawhtling ta hle a ni tih kan hria a, a lawmawm a. Khatiangan khan tute pawhin an lo ti duh a, phalnate kan pe dawn a nih chuan a market kan ensak zel hi a thain ka hria a. Dik tak chuan kan ramah hian Zu te K.S. te hi engatinge kan khap theih loh kan tih chuan, a market a that vang a ni mai a. Chuvangan chuan, tunah hian Aieng chinte pawh hi min khap ta se kan Sorkar hian Kg-ah Rs. 100 nise, min khap hneh teuh lo, kan ching ru em em ringawt ang. Chutiangan chu a ni a, a market lam hi kan ngaihtuah chiang tawh lo fo thin hi pawh ka ti a ni.

Tin, preferential purchase rules-te pawh kha kan nei a, khangte pawh kha kan leklam lo em em mai a, kan hmang lo em em mai a. Helai tualchhunga kan thil siamchhuaktute leh company hlun, ram pawn amite,

rate inang titihin kan incompetent tir a, an compete pha si lo a. India ram state zawng zawngah mahni mi leh sate chu rate sang zawkin an lo laksak a, interpreneur-te promote nan an lo ti thin a ni a, chu chu a pawimawhin ka hria a. Hei kan rama thil thar vete a awm chho zel a, entirnan, Matply-te pawh kan han siamchhuak a, tile-te lei lei lo hian kan P.W.D. te pawh hian Sorkar building-ah chuan kan ram chhunga Bambooply ngei maite hi han hmang ve ta sengin, chutah ringawt pawh chuan mi an dingchhuak dawn a ni, open market chu sawi loh, kan Sorkar market-ah ringawt pawh hian, chu chu entirna pakhat mai a ni.

Tin, nichinah khan kan Minister zahawm takin a sawi zauh, ka beng verh deuh mai, mahselangin he kan bill-a ka hmuh hauh siloh hi a awm a. Chu chu Special Economic Zone tih hi a ni. Tunlajah kan kal dan ngai tleng tlanga kan kal a hun tawh lova, khawvel boruak hip ve a thain hmundanga an tih dante entawn a, chumi mila kan kal ve chu a ngai ta a. Special Economic Zone pakhat pawh kan la nei lova, a dil pawh kan la dil chhin lova, dil chi a ni, dil theih a ni tih pawh hi hre awm hmel pawh hi kan pu bawk hek lo, chu chu a ni, paw katih em emna chu. Section 2-ah chuan, duty zawng zawng, import-te, export-te sale tax-te an free vek a, kan state Sorkar hian Commerce Ministry-ah a zuk dil ve tur a ni a, heta tan hian a area bik siam a ngai a, chutah chuan, foreign-a direct investment FDI kan tihte a lo awm theiin India rama company liante mai bakah multi-national company-te pawh kan ram ngeiah kan lakluh theihna tur a ni a, chuta tanga keini pawh inzirchho tur kan ni a. Chutiang hmunte chu he kan bill atang hian kan ngaihtuah kai a, chutiang lam hawi zawnga heng bill-te pawh hi kan tangkaipui hi a tha hlein ka hria a. A guideline-te pawh hi zir chiang ila.

Tin, SAARC nations ho hian 2001 atanga an ngaihpawimawh em em chu South Asia-ah hian free trade area siam a ni a. Chutiang chu a tam thei ang ber i siam teh ang an ti a. Chumi advantage la chuan Tripura-te pawhin heng Special Economic Zone, Tax Free Location kan han tih ang chite pawh rawn neiin tunah khuan an trade volume a sang em em tawh tih kan hria a. Kan thenawm mai amite an ni a, kan thlang Silchar lam ringawt ngaihtuah lo hian khawehhak te nena kan Look East Policy-te nena kan market turte ngaihtuah hian Industrial policy hi kan siam tur niin ka hria a.

Tichuan, New Industrial Policy for North East Region-te pawh a lo awm a, chumi hnuah chuan additional incentive tam tak a lo awm leh ta a. Chungah chuan, Growth Centre tam tak Special Economic Zone-ah rinluh tum a ni a, kum 10 chhungin Tax Free Location hi a tam thei ang ber siam turin North East-ah te pawh hian Industrial Policy a awm mek a, chungte pawh chu kan hman tangkai thiam ka duh khawp mai a. He bill hi chung atana kan bul tanna tur leh hma min hruai saktu tur chu a ni ve tho mai a, a tha kati a, kan pass tlan pawh thain ka hria a. Amaherawhchu, heng bill-te kan chai rual rual hian kan rilruah kan kalpui dan tur leh ram kan enkawl dan turah hian kan mit timeng zautu ni thei se a tha hlein ka hria a. Chungte hmang chuan he bill hi pass tlan tha ka tih thu ka'n sawi ve a ni. Ka lawm e.

SPEAKER : A tlangpuiin Bill hi tha kan titlang viau niin a lang mai a. Kan la sawi zel dawn em ni ? Han inpalzut ngawt chi a ni si lova. Chuvangin kan la phar nual mai a, Pu Lalchhandama Ralte saw nichin atangin a phar tawh a, Pu K. Lalrinliana a phar bawk a, Pu Zira a phar bawk. Anih i ko leh diat diat ang aw.

PU LALCHHANDAMA RALTE : Pu Speaker, ka lawm e. Vawiinah The Mizoram Industrial Area Management Regulation and Control Bill ngaihtuah hova kan awmho hi lawmawm hlin ka hria a. Ka rilrua lian deuh lo awm chu, hmanni deuha kan House-a tun tuma kan ngaihtuah tur i sawiah khan Bill puitling tur 4 leh amendment tur 4 a awm thute i sawi a. Ka rilruah ngaihtuahna thui tak min neih tir a. Legislator kan nih anga kan mawhphurhna dan siam tur mumal taka vawiinnia phawrh chhuah a lo ni leh kan ram kal zel tur atana thil pawimawh vawiinah kan chai a. Financial Business leh thildang kan tih piahlahmah Legislator anga kan duty kan tih theihna hun remchang leh chutiang anga department-ten bill an buatsaiha an chhawpchhuak hi a changtu Minister leh thawktute chungah lawmthu ka sawi duh a.

Nichin khan kan han sawi a, tumah indem tul awmin ka hre lova. A tak takah chuan Industrial Estate han bultan te pawh kum 20 zet hmalam tawha tih a ni a, a hun lain bul tantute pawhin thil tha tak tiin an tichho a. Amaherawhchu, ram lo thang leh kal zelah hian demand a lo awm zel a, chumi avang chuan vawin ni hi kan lo thleng ta a ni a, chu chu thuhmaah ka nei duh a.

Kan bill han en hianin a statement of object and the reason han chhiar khanin min hneh viau. Proper Mechanism for Managing Industrial Areas declared and developed a ti a. Helaiiah hian proper mechanism tihte, Industrial area develop-na turte hei hian a keng a ni tiin a rawn tarlang a, a lawmawm hlein ka hria a. Hei chen kan lo kalchho tawh a, nichinah thahnemngaih thuah kan hotute pawhin an sawi tawh kha. Duhthusamin industry-ah hma kan lakna turah hmasawn chak a har viau a, Sorkar anga kan kalpuinaah pawh hian Industry Department chu department lian, department puitling, Food & Civil Supply-te nen IAS Cadre post awm, Director pawh senior Officer-te awmna bik a ni a, kan department lian a ni a. Mahse, department lian an nihna ang leh mi bik pawh dahna tur anga dah a nih ang aiin Industry huangchhungah rualawhna a na viau a. India ram hmundang nen han thlirin, thangthar zingah phei chuan Industry-ah mumal taka sawi tur set-up lian tham kan neih lohte pawh an sawi thin a. Mahse, kan hriat tlan angin remote area-a awm kan nih avangin thil tam takah hmundang kan pha lova, mahse, he Bill kan sawiho leh kan pass hnuah chuan tan chhan tur mumal awm a, awmze neia systematic-a kan kalna tur niin ka hria a, a lawmawm kati a.

Tin, he Bill han en hian chapter-II, 3 & 4-ah khan a lang a. Hemi a kal chho tura kan administration turah khan Industrial area Advisory Committee turte, tin, Term of Office-te a rawn sawi a. Tin, Management Committee-te pawh Term of Office a ti a. Amaherawhchu, Term of Office tak kha chu a kum bithliah nei lovin, Rules duan huna ken tur angin a ziak a. A Power & Function tur pawh tlem a ziak a, ka rilrua awm mai maiah chuan committee chi hnih. Advisory Committee, a lian leh Management Committee a awm a, an power and function-ah kha chuan thil hrang tiin leh an nihna pawh a dang a. Pakhatin Rules siamte, tin, a policy matter siam te, pakhatin allotment-te, tin, a hmun enkawlte pawh a ni a. Mahse, kal chho turah hian committee chi hnih awmchho turah hian a management-ah hian, engemaw chenah harsatna leh thuneihna inchuhna turte pawh a awm ve thei tho angem tihte pawh ka nei a. Mahse, danah a tih tur mumal taka duan a nih avangin vawiinah hian fel takin ruahmanna a kal turah ka ngai a.

Tin, tukina kan hotu thenkhat sawi, hetiang industry mumala enkawltu kan siamah hian khawpui chhunga kan industry tenaute, small scale industry kan tih, motor workshop, steel fabrication leh furniture workshop-te pawh mumal zawka senghawi ang te pawh he kan estat-ah hian tih beisei a nih thute. Chutiang ang te chu hemi huangchhunga leng tura ngaih a ni, mahse, lu tihaitu a awm ta.

Tuna Industrial Estate kan tih leh kan Bill-in a enkawl tur chhungah hian Zuangtui Industrial Estate-te, helaia kan bill-a a tarlanah hian, Industrial Growth Centre tihte, Integrated Infrastructure Development Centre-te, Export Promotion Industrial Park tihte leh a dang dang an nih hmel a. Hemi huangchhunga kan enkawl turah hian, tuna a lang dan leh kan awmdanah hian ndustry unit hrang hrangre lo inbun nghet tawh leh a then phe chu lo pamtul tawh, amaherawhchu, hmun lo ram nghet tak mai, a retain mumal taka hung fello awm mekte. tin, bungrua eng engemaw han dah a, hluhlawn tawh si tam tak a awm chho a. Chutiangin ram a chhungah pawh enkawl na dan mumal awm loh vangte pawh a ni ang a. Duh ang angin private-te pawhin an duh ang chen chen lo invalh a, permanent anga thil lo indahte pawh a awm chho tan tawh a ni a. Hemi han sut chhoh tur kawng chhoah hian buaina lian tak chu kan nei ngeiin ka ring a.

Amaherawhchu, vawiinah dan kan pass dawn a ni a, chumi tanchhana department-in hma a lak chhohna turah hian ram tana tha tur leh policy liantham zawk kan kalpui turah hian thahnemngaih thil thu hlaah, huaisen zawka engkim mai kan kal chhoh tulin ka hria a.

Tin, kan dan tuna miah hian, chapter-4-ah cancellation chungchangah te pawh tuna industry lama rari allotment kan lo pek tawh cancellation chungchangte pawh a awm a. Tukin zingah khan kan Member pakhat khan a cancel dan huangchhungah pawh khan hlauhthawn a neih thute, tin, a committee, management committee-ah thut remchan loh a nih tuma higher authority atanga cancel theihna power han pek chungchangte pawh han sawiselna a awm a. Amaherawhchu, khami thil kha han chhiar chian chuan, a second para-ah khan ti hian a inziak leh a.

Provided that if any allotment of industrial plot or set is cancel as per section 2 above. The approval of the Management Committee shall be obtained in the 1st meeting of the management committee after sub-cancellation' a inti tho a. Tukin zinga kan han sawihoa kan member-in thahnem ngaih thil thua an han sawi pawh kha a hnuaiiah khanin a committee-in management committee-in a cancellation a kha a approve sak tho tho a ngaih dawn avangin nakinah management committee-in a member tel turte uluk taka siam a, industrial unit hrang hrang aiawh ang chi a ni emaw NGO atang ten a ni emaw, tin, department, a related department hoten, khami committee khan hemi hun hmasa lama a management committee thuneituten action an lo lak. tul bik thila an lo tih pawh a approval ngai tho a nih dawn avang khan khalai kan han hlauhthawna pawh kha, a hlauhthawn awm loh vanga tihte min neih tir a. Khalai a invenna lo awm leh zel pawh kha a tha hlein ka hria a.

Chutih rual chuan hemi kan ken fel chhoh a. Rules-te duan a lo nih chhoh hunah ka ngaihtuahna lo awmah chuan tunah hian industrial unit hi engzatnge kan neih tawh ? Registration nei mek engzatnge awm ? A taka industry, small scale emaw, a kalpui Mizoramah engzatnge kan neih ang aw kati a. Tunah hian mitam zawk hi chuan industry tak tak nei lem lova CTS lakna vel atan Central Transport Subsidy la a, a lema industry siamtu kan tam viauin ka hria. Chung angte pawh chu heng ang huang atang pawhin industrial estate mumal zawka management a kal theihna tura kan pawmpui theih chuanin khalai huang chhungah khan trade chi hrang hrangte mumal zawka hmun hrang hranga kan dah a, kan tih theih chuan corruption nasa tak lo awm thin angte pawh a hrang hranga chulai hmuna chuan chutiang ang chu kati a, tih a CTS rawn claim-na thin ang thil tam tak pawh kha helaiiah hian a fair zawk pawha kan kalpui theihna tur a awm thei turah kan ngai a. Chu chu ka'n sawi tel duh a ni a.

Chuvang chuan I'u Speaker, he kan bill kan parh hi a tha a, han sawi chian dawn pawhin a felfaiin ka hria. Tin, financial memorandum han thlir pawh khan sum sen belh hranpa engmah ngai lovin a tak takah chuan he bill hi kan pass a nih pheih chuan Sorkar tanah revenue kan hmuhna tur kan ram zau tak tak mai industrial unit hrang hrangin an luah nise, a taka lak tak tak theih siloh angte mumal zawka enkawlina tur a nih avangin pass pawh a phurawmin ka hria. Chumi atan chuan he bill hi pass ngei turin ka thlawp tih ka sawi duh a ni a, ka lawm e.

PU R. LALZIRLIANA : Pu Speaker, ka lawm e. Vawiina kan bill sawiho 'The Mizoram Industrial Area Management Regulation and Control Bill, 2008' hi kei tehluh hian a chhiat a that sawi ka tum lova, he kan House committee peng pakhatina an lo en tawh a ni a, a tha turah ka ngai mai a. He bill nakin lawka dan lo chang tur hian thil tam tak khawpui thianghlimnate leh kan industrial estate-te felfai zawka a rawn kenna tura rules kha lo awmsa kha a dang siam a tul dawnin ka ring a. Khatiing siam huna

kan hriat tlakte a awm leh lo hriat chhunzawm zel tur atan tlem a zawng han sawi mai ka duh a.

Lawmna tak mai ka neih hi chu Aizawla in hmun neilote tan Industry din ve duh si, mithiam, mithahnem ngai leh Aizawla khawpui chhunga Industry han bun ve, amaherawhchu, man to tak taka in te tak te te luah a, chep taka duh ang pawha awm ve thei silo, an in luah mana inseng zo mai thin ho tan hian a tha turah kan beisei em em mai a.

Tuna Zuangtui Industrial Estate-te leh hmundanga mite hi a bikin sawlai saw han sawi ta ila. Tuna dan kan han neih takah hi chuan tanchhan hian huaisen takin kan kal theih chuan a thain ka ring a. Chutianga han kal pawh chu ka huphurh khawp tawh mai a. A tira allotment kan lo siam dante, in, an mahni in an sa a, vawiiinah concreet in lian pui pui an sa tawh a, sawtiang ang saw industry an chhunzawm zel theih loh chhung pawh khan/hnu pawh khan chhuhsak leh kha a huphurhawm hlein ka hria a. Kan chhuhsak theih loh chuan, kan chhuhsak loh chuan emaw a ti duh awm ta se, an mahni pawh kha chhuak ta sela, saw in saw kan acquire, Sorkarin a acquire a nih si loh chuan mihausa sumdawna kha kan siam sak hi a ni leh ringawt tawh mai ni hian a langin ka hria a. Chuvangin sawlai hmun in leh a la sak loh laiahte hmun thar kan zawng a nih pawhin Sorkarin a building entirnan, motor siamna tur a nih chuan, workshop tur a nih chuan, building sawnthum vel khatiang ang siamna tur, an lo inruahmanna turte, puantahna tur leh engkim mai a kha kan siam a, khami a kha Sorkar building anmahniin an luah a kha a fuh zawng em em in ka hria a. Chutiang ang a nih loh chuan buaina hi kan nei leh dawn a ni. Chuvang chuan, Aizawla awm ve lo thingtlangah te ngaihtuahna thui tak nei kan thalai tam tak an awm a, chung tan chuan vawiin nia he dan kan han pass hnuah hi chuan tha zawka kan kalpui chuan midang tam tak ei leh bar dinhmun an siamna turte pawh a lo awm vein ka hria a.

Tichuan, hei Industrial Estate-te hi chu khawpui dangah reng reng pawh daifemah a awm tlangpui a. Tuna daifem emaw kan tihte pawh hi nakin lawkah chuan khawpui laili a la ni leh vat dawn reng reng a. Chuvangin Sorkar pawhin hawi zau deuh zawka Sairang lamah nge, khawilaiah nge, khilai Tuirial kan lamah nge ni, khatiang angte pawh kha a hmun hmate pawh kha kan ngaihtuah zelte pawh thain ka hria a.

Nichinah khan kan Member thenkhat khanin Handloom tih vel kha Manipur kawthlerah pawh a tam a, sawtiang mai mai kan han ti deuh te kha chu a dik lovin ka hria a. A chhan chu Handloom tamah te hian tan kan la ngai nasa em em mai a, Biak In tinah te Sorkar Office tinah te khawiah pawh puan zar tur, Biak In puanzar tur takngial pawh hi, keini kumin khan Biak In kan sa thar ve a, kan vengah khuan Biak In puanzar tur kan zawng a. Kolkata te, Guwahati-ah te kan zu en a, a vang khawp mai a, kan duh ang kha. Khatiang angte chu kan ti ve phak lo a nih pawhin kan la intodelh lo em em in ka hria a. Hengah te hian tan kan lak nasat zual a ngai khawpin ka ring a.

Tuna kan ngaihthlak tak ang khan Industrial Estate-te hi nei tak takin vawiina Central Transport Subsidy la tam tak te hi kha hmunah khan tlar ta ila, transparent government kan nei kan ti a, vawiinah chuan kan la nei tak tak hlei thei lova, a hmunhmate compact-in kan la siam thei lova, khatiang kan siam hnuah kha chuan a chiang hle mai dawn a, hei hian engzatnge a lak a, a thawktute nena intiamruala ti mang hlei lova an lo tih thin ang kha khuavang pawh an zah deuhin ka ring a, heng ho hian. Chuvang chuan Pu Speaker, heng atan pawh hian dik taka a ti tak takte chu lo hlawkin central transport subsidy-te pawh hi lo la deuh tawk tawk rawh se, ti mang silo, registration neih vang ringawta hlawkpui nana kan hmang hi kan dik lohna lian tak niin ka hria a, helai thu hi ka'n sawi duh mai a ni a.

Tin, khawpui chhunga Workshop tenau te te leh kan thil siamna zawng zawng hi khawpui chhungah hian a awm a, a bengchhengin boruak thalo a siam a, hman deuh khan Chanmari atanga Power House inkara Steel Furniture an siamna hmun pakhatatah phei chuan Missionery a lo kal a, leave lain, sawlaja Town Bus-a an kal lai sawn kawng chhak lam an hawi kha thir nawi khan a mitah a per a, vawiinah hian mit neiloin aa awm phah ringawt a ni. Durtlangah a mit an paih phah a, chutiang ang chu tawn tawhna a ni a. Chuvangin he dan kan lo siam hnu hi chuan a rang a ranga khawpui tibawlhhlawhtute, bengchheng siamtute, heng ho zawng zawng hi kan sawnchhuah chuan an tan pawh a hrehawm bik chuang lova, hmumkhatah an awm ang a, tiang khan a dawrtute kan va kal chauh dawn a ni a. Heng sumdawng tan hian a hrehawm reng reng lo a ni tih hi ka han sawi nawn ve leh duh a ni.

Chuvangin Pu Speaker, helai dan hi a tha kati a, lungrual taka kan pass mai pawh ka beisei a ni, ka lawm e.

PU K. LALRINLIANA : Pu Speaker, a dan hi tha kati a, pass mai ila tih kha han rawt ka tum mai a ni a. Nichin khan sawi thui vak pawh ka tum lova, kan bill ngaihtuah lai mekah hian Industrial Area chhunga Industrial Unit-te hamthatna tur tam tak a awm a, chuvang chuan, industry-a tui mite, unit hrang hrang ten industrial area chhunga dan lova an luah te pawh ennawn theihna te bill-ah hian a awm a. Chutiang ang chite helajiah a fun kim vek avang hian vawiina 'The Mizoram Industrial Area Management Regulation & Control Bill, 2008' hi pass ila tih kha ka'n sawi duh mai a ni e, ka lawm e.

PU SAILOTHANGA SAILO : Pu Speaker, ka lawm e. Hei sawi ve duhna pawh kan bill pass tur hi rahbi thar a ni a, a lawmawm em mai a, han sawi ve hi a

chakawm kati a. tin, kan official lamte, hei ngaihtuahna tha tak hmanga an rawn siamehhuak hi lawmthu ka sawi duh bawk a. Pu speaker, Industry-ah hian a scope hi a zau khawp mai a, he bill a rawn putluh, kan pass tur hi a phurawm takzetin ka hria a. Ka hmaa sawituten an sawi ang khan India ram hian new Industrial Policy 1991 khan an rawn duang chhuak a, chutah chuan sumdawngtute mimal zalenna zau tak a rawn hawng a, leh tuna kan bill han putluh turah hian a inzawm riau hian ka hria a. lawmawm kati a.

Tin, Pu Speaker, special economic zone hi a pawimawh khawp mai a, a pawimawh dan hi kan hre vek lova, kei pawn ka hre vek lo nanging hei Sorkar hianin a pawimawh zia hriain nei tura hmang zui turin ka han ngen a. tin, Pu Speaker, thil tih reng reng dawn hian a marketing hi a pawimawh ber foin ka ring a, tuna hei kan bill pass tur hmang hian Rules-te leh engemaw tulte hotuten an han ti ang a, Industrial Growth Centre-ah kan awm emaw, Zuangtui Industrial Centre-ah kan awm emaw, a pawimawh ber chu a marketing kha a ni a. Mimalin duhthlanna kan nei a, zalenna kan neih rual rual hian Sorkar hianin tlemin restriction hi nei ta deuh selangin, ram tana pawimawh tur leh engemaw ang zawng khanin tlemin kaihhruaina nei ta se a tha angem ? te ka han ti a.

Tichuan, Pu Speaker, Industry bikah hian hemi Private Sector kan han tih ang chi hi sawi thawi hi kan la nei lo khawp mai a. Ram changkang zawkte tehkhin pheh chuan sawi tur kan nei tam lo khawp a. Amaherawhchu, a bul tan tir kan ni a, kan hotuten tan an la chho zel ang a, ram dang changkang tawhte atanga rawn thlir chuan Mizoram chu engmah a ni lova. Amaherawhchu, he ram zimte hi Pathian leh kan ram tan theihtawp kan chhuah tur a ni a, a hmusit zawng emaw, a deusawh zawng emaw, industry-ah a changkan loh zawng emawa han sawi hi Pu Speaker, ka phal lova. Chuvangin, a physical-ah kan awm mek a, physical kan chai mek a. Lo kan vat mek a ni a. Chuvangin, he kan bill pass tur hmang hian khumi Tanhrilah Industrial Course Centre kan han din tur pawh khu he ram tan, Mizoram tan a nih hre reengin, a implementation laiah pawh hian Sorkar thuneitute leh, a awm tur a te pawh hi rilru nei taka awm turin ka han ngen duh a.

Tin, chubakah chuan, Mizoram atanga kan siam ve ang chi, hemi kan produce leh kan product chi hrang hrangte, a theih hram hi chuan Sorkar hianin leisak thei ta sela, a tha khawpin ka hria. Tuna kan hotuten an han sawi, ka hmaa Member zahawm tak ten an han sawi Zonun MATPLY te pawh hi Pu Speaker, kan chhawr dawn chauh a ni a. Hei, a hmingin sumte kan dawng ve a, India ram hmun pawimawh zawng zawng hi chu Industry Centre hi ka tlawh chhuak deuh vek tawh a, ka thlawhna chanchin ringawt pawh hi engemaw chen experienced sawi tur kan nei ve nial nual a. Chung atanga kan belhkhawmin wawiina ka sawi ang khan Pu Speaker, rahbi thar kan kai hi a lawmawm hi ka ti em a, han din chhuah loh kha vuiawm ka ti a, chu chu ka rawn ding chhuak a ni tih kha ka'n repeat leh duh a.

Tichuan, Pu Speaker, Power lamah kan idaih lohna chungchangte pawh hi Sorkar hian heng zawng zawng hi vantlang tan a hnaw

em em a, tin, pollution atangte pawhin a hrisel lo tih kan hotute pawhin an sawi a, ka pawm a. Tichuan, he Bill kan pass a, khu Industrial Growth Centre-ah kan hotuten min seng thlak sak deuh duak dawn a ni a, a lawmawm khawp dawnin ka hria a. kan Minister zahawm tak pawh hi ka fak duh a ni.

Tichuanin, India ram hmun hrang hrangah Industry-a hma an sawn dante, India ram phe chu kan hria a, khawvelah in terms of purchasing power phe chu kan khawvelah palina a han ni a, a sang em em a. Khata tanga kan teh chuan, engmah la nilo mahse, awmlo atanga awma siam tur kan ni a, he kan bill hi Zoram hnuk rahbi thar a nih zia hi, Pu Speaker, a lawmawm kati em mai a, ka sawi duh ve a.

Tichuan, a tawp ber atan chuan, he kan industry lo din tur zelte tan special economic zone lai hi han zir chiang sela, pawimawh tak a ni, a ser zinga a mei ang a ni, he thil hi. Chuvangin hengte kan neih theih nan leh helaia kan industry unit neitu zawng zawngte pawhin an hriat thiam vak loh te hi a chhawrnahawm em em zia hi Sorkar hian a hriatchhuah hunah chuan Sorkar pawh hian a tangkaipui khawpin ka ring a ni.

Chuvangin, vawiinah he kan bill 'The Mizoram Industrial Area Bill, 2008' pass hi ka phur em mai a, Pu Speaker, ka'n dinchhuahpui ve a. ka lawm e.

SPEAKER

: Tikhan kan duhtawk thei em ? Le kan sawihona kan duhtawk ang a, Bill neituin sawifiah ngaite sawifiahin pass pawh rawn dil nghal sela a tha ang e.

**PU B. LALTHLEGLIANA
MINISTER**

: Pu Speaker, vawiina ka bill rawn putluh Member zahawm tak takten thahnemngai taka sawi a ni hi lawmawm kati hle a, thurawn tha tak tak min pekna kha ka'n lo chhinchhiah zel a, nakinah Dante pass a nih

a, a rules-te kan siam hunah a taka chantir turin khang in sawi zawng zawngte kha a theihna lai apianga hman turin kan tichho turah ngai ila a thain ka ring a. Ramin hma a sawn a, economics stable taka kal tur chuan Industry hi a pawimawh a ni tih hi chu kan hre tlang vek mai a.

Amaherawhchu, Mizoramah hian Industry kan lo kalpui dante mumal lutuk lova a lokal rei tawh avangin leh tuna Member zahawm tak tak ten in sawi ang khan, a engemaw lai, Central Transport Subsidy hmuh duh leh pawisa a awm , a hmuh chin vel laia Industry din phur hi percent

sang takte kan la nih avang hian kan ram phutawk angin kan la kal ti dawn ila, kan sawisual maithei a, chutiang chu kan dinhmun ala nih rih avangin han luhchilh dawn pawhin a harsa mai awm mange, tihte pawh ngaihtuahnaah chuan a awm a. Amaherawhchu, ramin hma a sawn zel a, mihringte pawh kan ngaihtuahna a lo san chhoh zel leh eizawnate a lo harsat chhoh zel lai karah hian Industry-a tui mi, ngaihtuhtute pawh hian an phak ang tawkah ngaihtuahna tak tak hmangin an tichho tan nghal niin a lang a. Chungte han ngaihtuah chuan heng dante pass-a, Industry han enkawl te pawh a chakawm lehzualin ka hria a.

Pu Speaker, Member zahawm tak tak tena an sawi kha han react ka'n tum ang a. Member zahawm tak Pu Suama'n allotment a mal te tea peka anmahniina shed han sakte kha a tha lo mai awm mange tih a rawn sawi kha, keipawh Zuangtui Industrial Estate ka va tlawh tuma ka rilrua lolut chu kha kha a ni a. Tunah pawh hian Tanhril Industrial Growth Centre, bul kan han tan chhoh lai mekah pawh hian khalai kha ka rilrua lian em em mai a ni a. Lehlamah chuan sum indaihlohna vangin shed Industrial Unit neitute tan shed kan siam sak vek thei angem tih erawh kha chu ngaihtuahnaah a kal thui hle a. Theih chu ni sela Industry neitute power hmang tam chite, in lian deuh mamawh chite kha a plot kan siam rualkhan kawthler kha ngaihtuah tel sa vekin hlawm khatah dah theih niin a shed pawh sak sak ni thei sela chuan kan kal zel turah a tha zawk awm mange ka ti.

Zuangtuiah chuan hmunruak apiang kha Industry siam thar tur ten an va lai a, shed kacha-in emaw an sa a, unit an neih an lo tihawp hnuah pawh building an lo sak that viau phei chuan ta neihin an nei a. Estate pawh ang lovin khua ang maiin a awm chho tawh a ni a. Chungte han en chuan indaihlo chung pawha shed siamsak hi kan tihur a ni awm mange aw tih hi ka rilru a ni a. Electric line leh tui pekah pawh an unit neih ang zela thler khata kan dah chuan line pawh chungchangah te pawh awmze neiin a kal mek thei ang a.

Kawngpui siam chungchangah pawh kha kha a nih phung turah kan ngai a. Tanhril Industrial Centre, tuna bul kan han tan leh dawn mekah pawh Master Plan siam ila, kan kalphung min kaihrui tur atan keimahnin Master Plan siam kan thiam lo a nih pawhin consultancy firm atangin\ko ula, chu chuan siam se tiin, tunah hian kan kalpui mek a. Industry atanga an tharchhuah Truck-a phurh ngai hialte a nih dawn avangin kawngte khu a tet deuh leh a chhoh deuh avangin leh kawng paih mar deuh nise kan ti a ni. Khatianga an unit neih dan a zirin master plan-ah khan lang vek sela, chumi zulzui chuan khulai khu kalpui a ni ang a. Tin, allotment siam chungchangah pawh ngaihtuahna fel tak siamin kal nise, tia department-in hma kan lak lai mek a ni a. Engnge kan an zel dawn ka hre lova. Hetiang dante kan neih hnuah phei chuan department tan pawh hnathawh a tiawlsam zual sawtin ka ring a.

Tin, MLA zahawm tak Pu Hminga'n a rawn sawi, advisory body siam chungchangah khan heng Public Undertaking-te hi tel thei se, tih kha a rawn sawi a. A point pahnihaah khan stake holder tih section 3(2)-ah khan khatianga ang chi ZIDCO te, MIFCO leh thildang hetiang ang chi hi huam tir

vek a ni a. Chumi mai bakah department dang P.W.D., PHE te, P & E tihte pawh kha a khung fel vek theih turah kan ngai a.

Tin, Raw-material Depot tih chungchang kha a tha khawp mai a, kan tlin angemaw, khang pawh kha department lamin kan lo en turah ngai ila.

Tin, MLA zahawm tak Pu Liansailova'n Aizawl khawpui chhunga Industry siam tam lutukin Aizawl khawpui chhung pollution chungchangah a ni emaw, traffic chungchangah a ni emaw, engemaw thildang danga buaina thlen mek tute hi nakinah heng dante kan siama allotment siam hunah duhsak nise, tih kha kan tih ngei ngei turah kan ngai a.

Tin, Pu Andrew-an Management Committee-a Member turah hian NGO-te pawh telh ve nise, chuti a nih loh chuan hetiang ringawt hi chuan a him tawkin kan hre lo a ni, a rawn tih kha, keini ngaihdanah chuan cancellation chungchang chu section 7(2)-a cancellation chungchanga section 7(1)-a a sawi Industrial Unit-ten an bawhchhiat chauha cancel theih a ni a. Chuvangin arbitrarily-a cancel theih a ni chuang dawn lova, tin, section 1-ah khan provision tha tak a awm a, hlauthawn tur a ni awm love. Chuvangin section 7(1) han en khan a him tawkin kan hria. Amaherawhchu, Dante chu kan han kalpui zel ang a, a fello kan ti a nih chuan, regit a ni lova, flexible a nih avangin amendment-te pawh la tih theih zel turah ngai ta ila a thain ka ring.

Tin, hetiang a nih chuan a changtupa hian chhungte a ti leh teuh ang tih kha Pu Speaker, Industries lamah hian chhungkhat lam tui mi vak ka neih pawh ka hre lova, lo hlauthawng lo sela, kan dah lo turah ngai rawh se, tih ka sawilang duh a. Tin, Pu Duhoma khan d.ihthawh takin advise tha tak tak min rawn pe a, Lime State Factory kan din a, thawktu leh mawhphurtu awm lova dah ngawt mai hi enfel ran a tha mange tihte, tin, Pork & Poultry Unit chungchangte a rawn sawi a. Hemi chungchang hi enge ni an tih ka hre ta chiah lova. Chu chu tunah hian Central-ah kan dil meki a, reiloteah min rawn pek kan ring a, chumi hunah chuan hna kan tan thei dawn a. Chumi neilo chuan a lo tih ngawt theih lova, chu chu kan dinhmun a ni a.

PU R. LALZIRLIANA

:

Pu Speaker, Pork & Poultry Unit kha, Licence hi inti leh thin a, Licence ngailin kan ramah hian a talhna leh process-na kha chu eng eng emaw thil a pocket-a zuk siam

kha kan la tlin lo hrim hrim a, licence ngailoa tih theih kha a tam hle mai a, hetia Sorkar thuneihna hian tih mai a tha lawm ni.

**PU B. LALTHLENGLIANA
MINISTER**

A ni maithei, Amaherawhchu, tunlai khawvelah kan ram chhung chauha hralh tur emaw ei tur a ni lova, a pocket-a siam a, ram pawn lama miten iau hauh lova an lei duh dante ngaihtuahnaah a awm avangin certificate hi a pawimawh a ni.

Tin, Special Economics Zone tih kha Pu Duhoma leh Pu Sailothanga rawn sawi kha, hengte pawh hi kan ngaihtuahnaah a awm tel a, kan la en chho zel tur a ni a, keini pawhin kan ngaih pawimawh avangin hei hi rawn sawilang ka ni a.

Tin, Industrial Policy hi a hming chuan kan nei ve a, mahse, ramin hma a sawn a, Industry titute pawh tlema an lo san chhoh zel avangin tuna kan Industries policy hian min keng zo ta lo deuh a ni lawm ni tihte ngaihtuahna kan nei a, central India-in Industrial policy a duan dungzui hian kan Industrial policy-te pawh hi ennawn leh nise tiin ngaihtuahna kan lo siam chho mek a ni a. Budget Session-in min nan leh avangin khatiang lam kha kan enzui thei rih lova, Budget Session zawh lamah heng thil pawimawh hi chu kan lo bawhzui zel turah ngai ta ila. Pu Chhantea leh Pu Thlenga te pawhin an rawn sawi kha, duhsakna leh a tha lam hawi a ni a, khang kha kan lo ti zel turah ngai ta ila.

Tin, Pu Zira pawn a sawi leh a, Pu Suama rawn sawi bawh shed, mahnia siam a that loh zia kha an rawn sawi a, kei pawhin ka rilrua ka lo en mek a ni. Chutiang chuan kal kan han tum chhin ang a. Pu Rintea te pawhin Dan a tha a, pass ngei hi ka duh a ni, a rawn tih kha duhsakna a ni a. Pu Sailova pawhin a policy leh a market chungchang hi a pawimawh khawp mai a. Mizoram Sorkarin kan tihsak theih chin hi chu tihsak hram theih ni sela, puan leh furniture etc. te pawh locally produce leisak tih pawh hi kan duhthusam a ni a. Hei hi Department pakhat maiin kan tihhlawhtlin theih a ni loh avangin Sorkarin kan hotute nen kan lo sawiho tlan a, Secretariat thar luah turahte pawh kan tih ngeite pawh beisei ta ila. Entirnan, Handloom lama tui miten an tharchhuahte pheh hi chu hmang thei ngei ila tih hi kan duh dan a ni a. Amaherawhchu, hman tur kan han ti a a tir lamah kan han hmang a, reiloteah puan dang kan hmang leh thin hi enfel ngai lai a ni. Kan hotute pawhin hei hi chu an ngaipawimawhin ka ring a, kan lo enzui zel turah ngai ila.

Tin, Pu Sailova'n Industrial Growth Centre chungchang a sawi kha chu nichina ka sawiah khan a chiang tawhin ka ring a. Tin, a market pawh kan lo enzui zel ang a, tichuan. Pu Speaker, he dan, kan sawiho mek hi pass a nih chuan a Rules-te kan lo siam tawh kha a thalo laite ennawnin hemi zulzui hian kan lo thumtha leh ang a. Tichuan, a rang thei ang berin he Bill Act-a, Act hnuatia Rules siamin dan tha tak nen, kan tih turte department lamin kan lo tih ve zung zung theihna turin leh mumal taka Industry kan kalpui theih nante, tin, Growth Centre ang leh Estate ang leh thildang kan din belh zel tur atana effective taka kan hman theihna turin he dan hi pass phawt a ngaih avangin vawiiinah hian he

House zahawm tak hian he kan bill rawn putluh 'The Mizoram Industrial Area (Management, Regulation & Control) Bill, 2008' hi lungrual taka min pass sak turin ka han sawm che u a ni. Ka lawm e.

SPEAKER : Awle, tikhan Bill neitu Minister zahawm takin a bill pass a rawn dil a, kan buk ang a. He House hianin tunhma atangin tihdan kan nei a, Bill kan chai hian a dan ang thliptlep hian kan kal chiah lova. Mahse, kan inhrethiam thin a. A clause by clause hian chai tur a nih lai hian kan chai chiah lova. Mahse, tihdan phungah kan nei ve tawh deuh a ni a, kan tihdan pangngai hi. Amaherawhchu, kan buknaah chuan clause by clause-in kan la ang a.

Tunah clause 3 leh 4, Industrial Area Advisory Committee and Management Committee hi pass remti apiangin 'remti' tiru le, remti lo kan awm chuan 'remti lo' tiru le, hei hi Bill-a tel a ni. Clause 5, 'Selection & Declaration of Industrial Areas' hi pass remti apiangin 'remti' tiru le, remti lo kan awm chuan 'remti lo' tiru le, hei hi Bill-a tel a ni. Clause 6 – 8-na 'Regulation of Allotment in Industrial Area' hi pass remti apiangin 'remti' tiru le, remti lo kan awm chuan 'remti lo' tiru le, hei hi Bill-a tel a ni. Clause 9-na atanga 13-na, Miscellenous hi pass remti apiangin 'remti' tiru le, remti lo kan awm chuan 'remti lo' tiru le, hei hi Bill-a tel a ni.

Awle, tunah chuan Preamble and Acting Formula leh Clause 1 and 2, Short title and Definition-te hi pass remti apiangin 'remti' tiru le, remti lo kan awm chuan 'remti lo' ritu le. Awle, House-in 'Preamble and Acting Formula leh Clause 1 and 2 – Short Title and Definition' chu a passed ta a ni. Hei hi Bill-a tel a ni. Tikhan "The Mizoram Industrial Area Management (Regulation and Control) Bill, 2008 a pumpui hian pass remti zawngin 'remti' tiru le, remti lo kan awm chuan 'remti lo' tiru le. Awle, "The Mizoram Industrial Area Management (Regulation and Control) Bill, 2008" chu House-in lungrual takin a passed a ni.

Awle, Bill pakhat Amendment Bill kan nei a. ziak hi a tawi kherh kawrh a, mahse, House-ah hi chuan ziak tawi ringawt pawh hi sawi tur a tlem tihna a ni chuang lova. Tunah Minister zahawm tak Pu H. Rammawi, "The Mizoram Organic Farming Amendment Bill, 2008" House-ah a rawn introduced tawh kha ngaihtuah han dil sela a tha ang e.

**PU H. RAMMAWI
MINISTER** : Pu Speaker, "The Mizoram Organic Farming Amendment Bill, 2008" hi he House ngaihtuah phalna ka rawn dil e.

SPEAKER : Kan remti em ? Awle, kan remti a,

ngaihtuah turin han move sela a tha ang e.

PU H. RAMMAWI MINISTER : Pu Speaker, "The Mizoram Organic Farming Amendment Bill, 2008" hi he House zahawm tak ngaihtuah atan karawn move e.

SPEAKER : Aw, han sawifiah deuh hlek te a duh em ? Han sawifiah deuh hlek te a duh chuan han sawifiah deuh hlek sela, a Bill tlangpui awmdan, a tha ang e.

PU H. RAMMAWI MINISTER : Pu Speaker, ka lawm e, a tawi lutuk deuh a ni awm e. Pu Speaker, he House zahawm tak hian National Programme for Organic Production, Govt. of India Programme bawhzui nan The Mizoram Organic Farming

Act kha 2004-ah khan he House zahawm tak hian kan passed a. Lungrual takin hniakalhna engmah awm lovin, Mizoram future ngaihtuahin, Mizoram kuthnathawktute thawh rah ngaihtuahin, chu chuan Zo fate hriselna leh an tharchhauhte hlawk zawka an hralhna tur leh thlai hlutna a san zawk theihna turin provision a kengkawh a, chu chu lungrual takin he House-ah hian kan pass tawh a. Pu Speaker, India rama khawi state mahin an tih loh bul tantu kan ni a. A bik takin he programme hnuaiah hian a draft buaipui tur pawh kha kan inzawng viau a. Kan Law Secretary zahawm tak Pu Chakravarty hnenah, nang tlawmngai la, min draft sak teh kan ti a. A nin uluk takin min draft sak a, he House zahawm takah lungrual takin kan pass a. Hetia han en hi chuan Pu Speaker, a tluang viau mai a, Amendment kan rawn rawt lai tak pawh hi section 9-a committee tih kha hetia han en chuan a mam pal mai a. Amendment kan rawn rawt lai tak hi Section 9-a The State Govt. shall constitute all such committees as may be prescribe to undertake promote coordinate supervise and facilitate various aspect of organic farming in the state tih a ni a. Hetiang hian kei pawhin uluk takin ka en a, kalpui theih mai turah kan ngai a, kan kalpui ve mai bawh a. Mahse, India Sorkar a lo inhawng a, funding source-te an lo nei tha a, committee-ah hi chuan sum a rawn luh a rem si lova, department hrang hrangin chi hrang hranga an lo pawh theuh chuan coordinate a har dawn si a. Chuvang chuan, Board-a dah a ngai a, kan dan entawna dan mumal pawh nei lova kalpui ve te pawh Board-in a tinghal a ni. Khatiang khan kan kalpui a.

Pu Speaker, kan dan hi min rawn chah noh noh a, India ram state Agriculture Minister hrang hrang khan, kan thawn a, anni

pawhin hetiang zawng hian an kalpui ve tho chuan ka ring a, ka hrechiang chiah lova. A taka kan kalpui dawn khan committee tih leh Board tih kha a lo inang lo khawp mai a, Board kan tih loh chuan a funding source, pawisa lo luhna tur kha a kua a awm ta tlat lova. Tin, a coordinate leh dan tur kha a buaithlak ta a. Chuvang chuan state thankhatah hian Board tiin an lokal tawh a, anni kha an lo function tha a, entawn tlak pawh an ni a. Chuvang chuan, keinin committee kan tih hi kalpui hleih theih a ni tlat lova, a nih ang khan. Board kan tih chuan tuang takin a kal thei dawn a. Chumi ngaihtuahna nen chuan tunah pawh hian funding source a awm a, chu chu va tih dawnin a rawn luhna tur atan Board siam kha a ngai ta a. Chuvang chuan, committee tih hi Board tiin thlak ila, a purpose pawh a solve tha dawn a, tih rawtna a ni a Pu Speaker. Thildang warding dang pawh awmlo, khalai te kha a ni a. Tunah phei chuan a takin keimahniah expenditure sen belh ngai lovin, khatiang zawng khan kan kal tan deuh nghe nghe a. Hemi House-in min pawmpui beisei hian, chutiang chu kan dinhmun a ni a. Chuvang chuan, committee tih kha Board tiha thlak kan mamawh a, chu chu he House zahawm takin min pawmpui atan kan rawn chhawp chhuahna chhan a ni.

Pu Speaker, a bill pumpui kan ngaihtuah lai pawhin kan lungrual tlang a, a tum, a dan, spirit-ah khan chhui tlang a, kan hrechiang a, kan phur tlang a, a lawmawm kati a. A taka, a tha lehzuaw zawka kan kal theihna tur atan committee tih hi Board tia thlak ta mai kha kan rawn putluh a ni a. House zahawm takin min pawmpui a, min pass sak ka rawn dilin ka ngen a ni.

SPEAKER

: A chiang viauin a lang e a. Kan sawiho ang a, rei tak sawiho ngailo turah ka ngai deuh hlek a. Nichina kan tih ang deuh hlek khanin hun a hek loh nan a sawitu kha

group hrang hrang atang khanin limit leh deuh khan a tha mai em? Pu Andrew Lalherliana.

PU ANDREW LALHERLIANA :

Pu Speaker, ka lawm e. Sawi tur vak phei chu he Amendment Bill-ah hi chuan a awm lem lova, han object vak tur pawh a awm lova. Mahse, hun kan neih karah chuan,

statement of objection and reason-ah pawh a sawi banah hian Mizoram Organic Farming Bill, Act a ni tawh ang chu, tunah chuan kha kha enlet leh hian kan tifuh zau em aw? tih ka ngaihtuah a.

Mizoram, a pumpuia organic state, 100% organic state-a awm tura kan han pass ve a, 100% organic a nih chuan a lehlam organic lo kha chu zero tihna a ni a. Chuvang chuan a practical dawn em maw ni le?

kati a ni. A ropui a, health concious rilru takah chuan organic production hi chu a tha e, tih loh rual a ni lo. Mahse, tlin chi a ni em aw kati leh hnuhnawh a ni. A chhan chu ram changkang zawkahte pawh hian 100% em ema ram pumpuia organic area-a puan ang chi hi chu an ti ngai emaw ni chu le ?

Hmanni lawkah Australia-ah kan zuk kal khan Super Market-ah kan kal a, tah chuan, thlaite, khatiang Bazar-a kalin ka en a. A lo awm tuar mai a. Chutih lai section tereuh te maiah khuan a ni a, section tereuh teah khan organic product kha a awm ta bik a, kha kha chu a mi, tikher kher deuh, mihausa leh a tlin deuh health concious ho khan an lei a ni. Mahse, a pawngpui Super Market-ah te, a dawr pumpuia te khan organic product nilo vek kha a ni a. Chu chu an dawr changkangah pawh a ni tho a ni.

A awmzia takah chuan orgnic product hi mipui pumpui tan mass produce leh, khatiang zawnga kalpui tur hian a practical dawn lova, ram changkang pawhin an ti thei emaw ni chu tih hi ka ngaihtual, a ni. Chuvangin, organic farming tih dawn hian ka vision-a awmdanah chuan West Bengal ten an tih ang deuh hlek khan a pilot project-ah khawilai area emaw thlang ta sela, a practical leh practical loh hriat nan pilot project angin area te deuh khawilai khua pahnih khat emaw, ram zau 2/1 emaw bul tan nan han hmang ila. A lo hlawhtlin zel a, kha organic kha a lo hlawhtlin zel a, economically-a viable a nih pheih chuan tizau zel ta zawk ila. Kan Organic Farming Act-a parent Act kha a nihna ang taka hmang turin han ti dawn ta ila chu, organic lo awm theihna tur a ni tlat lo a nih chu. A awmzia chu, 100% organic-a kan declare tlat avang a ni. Chuvang chuan kan ngaihtuah let leh hian, hemi a puluttu kan Minister zahawm tak duhthawhna hi chu a tha, a ropui, Hriselna kawngah te pawh a duhthawh a, health conciousness pawh nei tha hlein ka hria.

Amaherawhchu, Mizoram mipui pumpui han chawm han chawm tur leh nakinah farming-te kan han commercialise theih hunah te kan la export theih hunte a lo la thleng thei turah ngai ta ila. Chutiang zawnga han develop tak tak tur chuan organic ringawta tih chi niin ka ring lo. Chu chu ram changkangahte pawh niin ka hre lo. Chuvangin kan sawi duh chu kha kan dan kan pass-a kha amendment rawn rawt thar leh zawk se ka duh a ni. Chutah chuan Mizoram pumpui organic area-a puang lovin khawilai area emaw deuh chauh pilot project-a kan tih tur ang chi hi declare leh zawk ila, khatianga kalpui leh tur hian ti zawk ta ila, a that ka ring deuh hlek zawk a. Chu chu vawiinah hian sawirik ka duh a. ka'n sawi a ni.

Amaherawhchu, amendment section ringawta kan ngaihtuah dawn erawh chuan vawiina kan amendment tur hi chu han object-na vak tur hi ka hre lova, a tha turah ngai ila. Chu chu tawi tein ka hun pawh hmang zo lovin ka'n sawi duh a ni. Pu Speaker, ka lawm e.

a, kan hriat angin. Tin, a principle bill, a act-a kha chu kan lo pass tawh a ni a, khalai chu kan lo tifuh lo tih kha chu a zir ngun tan chuan a awm ang a. Amaherawhchu, a taka kan hmanah harsatna a lo awm chho a nih chuan tuna rawtna kha rawtna fing tak a nih ka ring a. Tuna tan erawh chuan kei chuanin amendment bill kan sawi lai leh a kaihnawih thil tur thlir zauna tur tlem han sawi hlek ka duh a ni a. Amendment thua h hi chuan kan Minister zahawm takin a implement, tin, department atanga experience an neih leh a mahina central lamte a lo zuk dawr zauna atan hei hi a tul a ni, a rawn tih kha a awihawm khawpin ka hria a, a pawm awm a. Chuvang chuan an rawn chhawp chhuah hi tha kati a, pawmpui mai pawh ka rawn rawt nghal a.

Chutih rual erawh chuan hemi kan Mizoram Organic Farming Act leh a bill amendment tura kan sawi hrim hrim pawh hi tuna kan mamawh ngawih ngawih a nih ai mahin nakin zel atan tuna tana bultan a, nakin zel atan kan marketing awlsam zawk, hlawk zawk, national market mai pawh nilo, international market-ah pawh kan luh ve theihna tur remchang a ni e tih kha min thlirpuina leh min kaihruaina kha a ni a, a la pawmawm rengin ka ring a, ka hria a. Tin, he Look East policy-te kan ti a, tin, sawlamah international seaport outlet-te pawh kan nei dawn a. Chuvang chuan, kan ram agriculture produce hi a bulk-in ramdangah kan la hralh mup mup dawn a ni tih ngaihtuahna atanga kan thlir phei chuan hei hi a tha viauin ka ring a. Chuvang chuan a han pawmpui leh phurpui pawh hi a awm tak niin ka hria a.

Tin, hemi organic farming-in a tum hi chu tualchhunga kan hriselna chu a issue ai mahin a marketing atan hralh tla tur agriculture produce kan neih ang ang hi a hralh tlak leh zual nan tih kha kei ka rilruah a lo tla lian a. Chu lam hawi chuan ka lo thlir deuh a. Chuvang chuan, a organic certification chungchangah te pawh kan Minister hianin engemaw chen chu hmalak a nei niin ka hria a, henge pawh hi a lawmawm khawpin ka hria a. Chutihruah chuan, tuna kan Member senior-in a han sawi kha thil chhinchhiah tlak tur chu a nih ka pawm tho a. A certificate neilo chuan hetah kan ching e, ti mah ilangin, international market-ah emaw min dawrtute tanah khan international market-ah an luh dawnin kha kha thil pawimawh a nih avangin organic certification atana hmalakna remchan dan turte pawh ngaihtuah a pawimawh hlein ka ring a. Chumiah chuan instant case tuna kan problem tur hi han tarlan ka duh a, a relevant thovin ka hria a. thahnemngaih thil a nih avangin kan Minister leh House pawh. a min hrethiam turah ka ngai a.

Aieng hi organic farming-a kan kalpui chuan a market pawh a tha a, tin, damdawiah chi 27 laiah siam theihna tur awm a awm tihte pawh kan ngaithla a. Chutiang a nih chuan organic kha a pawimawh hrim hrim dawn a. Chutihruah chuan, kan tualchhunga kan chin, tuna a market tur hi kei kan ngaihtuah a, kuminah hianin leia phum, nikuma kan lei kha quintal nuaikhat chuang meuh a ni a, 60% tal kha lo ching ta ila, quintal singruk a ni a, quintal

singruk atang chuan a tlem tam deuhin quintal sawm thar tur ang zelin quintal khatah han hisap khanin quintal nuai ruk atanga nuai sawm chuang hi chu thar tur kan nei a ni. Chu chuan market a mamawh dawn ta a ni. Chutah chuan, organic farming chungchangah khanin state pum puan leh a crop wise-a puan khanin engtinge kan Minister hian hma min laksak ang ?

Tin, International market-ah leh national market-ah tunah hian kan han hriat theih Doordarshan-a marketing information kan hmuhah hianin Kg-ah a ro hian Rs. 27/- a ni tlat mai a, chu chu a hringa national market-a hralh leh tur chuan Kg tumin kan hralh le'i thei ang an tih kha ka ngaihtuah a. Chutiang a nih chuan tun atanga a market turah hian nakinah kan inpuhmawh leh ang tih ka hlau a, kan Minister hian market chungchangah pawh harsatna lutuk awmlo tur hian mipui hian beiseina an nei bawk si a, organic farming-a kan kal dan hian kan problem tur hi a su awng zo angem ? Quintal nuai 6 teh meuh mai kumkhata hralh tur an awm chuan kan hralh theih chuan Kg-a Rs. 6/- ngawt pawhin nuai 3,600 zet mai kha kan famer ten an tel dawn a ni a, chulai chu engemaw tin nakinah politics game-ah hian kan luh tir palh ang tih ka hlah avangin vawiinah hian ka'n duham deuh a ni. Tuna international market-ah enge ni ? Tin, a market research ti tura consultancy lo neih, lakte kan nei em ? Chung atang chuan forecast deuh hleka nakum engtinge ni kan thlirpui dan tihte ngaihtuah chung a Aieng chi inchintira, a mawh la chung a kan tih a ngaiin ka hria a. Tin, chumi rual chuan Agriculture-in a chin tir a, a marketing hi Trade & Commerce lamin an lo buaipui leh ang hian a kal a, tichuan, mahni chin tir loh leh mahni chin tir vei dan chu dang tak a nih avangin agriculture lam hianin heng thlai an chin tir pangngai ang chi hi chu mawh thui tak an lak ngaiin ka hria a. Chumi atan chuan agriculture, hmannah khan ka sawilang zawk tawh a, agriculture lamah pawh hian tunhmaa kan neih ang deuh khan a marketing cell emaw division emaw tal hi chu dah leh a tha awm mange tih ka ngaihtuah a.

Tin, a tawpna atan Pu Speaker, kan agriculture Minister-in chawhma lama a sawi zawk kha tarlan leh ka'n duh chu, thlai chi la ho kha lo chhinchhiah a, nakinah engemaw tia a lei leh naah pawh hriat bik tur ang deuhva register farmer ang neih kha a tha hlein ka hria a, thlai dangah pawh hian, vaimimah te, a bikin Soya bean-ah te chuan kan ran chaw siamna chawm tur khu kan mamawh ngawih ngawih a, khang kha chu a chi pek bik a tih kha lo chhinchhiah, register ni selangin, nakinah marginal money emaw a nih loh pawhin support price emaw pea, an dinchhuahna tur kan ngaihtuahpuia kan tan tlan chan a hlawk hlein ka ring a, khang kha duham thil deuhah ka'n sawi a, min hrethiam anga, kan thahnemngaihna.

Tichuan, kan Minister-in amendment a rawn putlul leh he Organic Farming Act kan lo neih tawh pawh hi a forward looking-ah kan ram mamawh zel tur thlirin harsatna sut tur tam tak awm chungin kan kalpui zel turah ngaiin, vawiina amendment-a rawn putlul pawh hi chumi atana pawimawh rawn hnawhkhahna tur a nih hriain rilru takin ka tuipui a, pass kei pawhin tha kati e. Ka lawm e.

SPEAKER : Rome ho vanglai khan an ropui khawp a, 'all road lead to Rome' tih kha a ni a. Organic tih kha chuan Aieng leh englo te pawh kha a hrut tel vek a. Mahse, khawngaih takin a Bill-ah hian in confine hram hram ang u. Pu Lalthlengliana.

PU LALTHLENGLIANA : Pu Speaker, ka lawm e. Hei, Organic lai, a Bill han sawi pah hian thildang sawi vak lova han sawi ka duh a. A hmasain sawi tam vak pawh a ngai lova, tihian, tlem tein sawi ila, a fiah khat viauin ka hria a. Kan hah khawp tawh a, rei pawh a rei tawh a, zan rei tak takte kan thleng a, vawiin chu, hahdam hma deuh ila. Chuvangin, kei pawhin tawite han sawi ka duh a.

Hei kan ram hi Pi leh Pu atangin Organic State kan ni hrim hrim mai a, tunhma zawng zawngin kan Pi leh Puten chemical fertilizer emaw an hmang ngai reng reng lova, tlai khawhnuah ram an thang chho deuh a, chemical fertilizer-te kan han hmang chho tan a, hei hian cancer-te a titam em em a ni tih hi chu nidanga kan sawi atang pawh khan a lang a. Mi ramin DDT-te kutkawr nen fimkhur takin hnar tuam chungin an khawih laiin, keini chuan kan ham bawrh bawrh a, pindan chhungte kan kap a, tin, Behlawiahte kan phul vak mai a. Khami kan han ei leh kha, cancer siamtu a nihna chu tur hi chhum hlum theih a nilo, zawi zawiin tikhan chhungril lamah hna a tahwk a ni. Chutiang a nih avang chuanin organic-a kan kal hi a pawimawh em em mai a, kan lo pass tlang tawh reng kha a ni a.

SPEAKER : Khawngaih takin a issue hi organic leh organic lo lam kha a ni lova, committee leh board tih mai kha a ni deuh a nia.

PU LALTHLENGLIANA : Aw, chu tak chu ka sawi zawm duh a ni. Khatiang kha a nih avangin tunah hian heti zawnga kan han thle leh dawn a nih chuan Mediteranian Climate, Tropic of Cancer-ina kan ram a rintlang thak, khawvela ruahtui thatna hmun leh thlai thatna hmun a nih avangin, heti zawnga kan han pass leh tur hi a tha a. Helaia amendment section No. 9-a a rawn tih pawh hi changtlung taka a din chhohna tur chuan committee mai maia kal chi a nilo tih pawh kha a rawn puluttuin a put ang khan a dik chiah mai a ni. Board a ngai ang a, amaherawhchu, a wind-up hunah rawn tilang deuh se ka duh chu, hetiang hian Chairman an nih chuan, Office hnan nei ten an kal ve dawn nge ?

Phuisui taka kal tir law law hi a tha lawm ni ? Khawimawh lai committe tiat lek kha Chairman indahte kha a fel dawn em ni ? tihte pawh thil tak tak kan kalpui dawn chuan ngaiin ka hria a. Chulai mai te chu Chairman tia thlak hi a that em em rualin. khatiang tak khan kalpui tumna kan nei em ? tih kha ka'n zawt duh bawk a ni.

Chuvangin a Bill pumpuiin a tum hi a that rualin a hlawhtlin tak tak theihna tura pen hi thil harsa pawh a ni lova, kan ram leilung thlir hian 'organic state' tih hi thil harsa niin a lang dawn lovin ka hria a. Chuvangin, vawiinah hian hemi amendment an rawn dilna hi chu pass a tha mai lawm ni tih kha ka'n rawt duh a ni.

PU LALHMINGTHANGA

: Pu Speaker, a hmalama sawitu zawng zawng khan helaia a Board tih lai piahlam ha an sawi teuh mai a, hun hi a awm deuh bawk a, chuvang chuanin min ngaithiam

turin kan dil lawk duh che a. Hemi a amendment hrim hrim pawh hi chiang deuha zuk en chuanin han sawi tur chu a awm tlat mai a. Hemi 'statement of object reasons' tihah khan (lease the Govt. of India-ah Mizoram initiating) steps to convert Mizoram into 100% organic state. It is felt necessary to have an autonomous body to handle are the activities of organic farming programme from a single window' a ti ta a.

Chumi 'single window' target chuan tuna amendment hi a rawn kal a ni tih a zuk hriat theih a. Chuan, kan chhiar zawm zel chuan, 'with participation from all the state holders department like agriculture, 2-naah Horticulture, 3-na Soil and Water Conservation, 4-naah Sericulture, 5-naah Fisheries a ti a. Heng ho stake holders department chung a funding-ah leh thildang zawnga thuneitu tur kha committee-te a dah a kha, Board-in kan thlak dawn tia amendment hi rawn propose a ni ta a. Chumi Board chuanin a tih tura chu khami vaious window-a fund handling leh khatiang awm lova 'single window' atangin hengah hian a fund kha a handle dawn tih a kaw k a ni. Hei hi a tha ber ang nge tha ber lo ang tih kha Uttaranchal-ten an tih vang ngawt hian a rin viau theih em aw tih khan a ngaihtuah theih a.

Tin, hemi state holder department zingah hian Sericulture tel hi engnge ni, a Cocoon pangang khanin a organic lo kha a hua ange kan ti dawn nge ni a, a lehlamah chuanin a relevant lo khawp hian ka hre mai a. A theihmu hnah kha kan lo bai thin nge ni ka hrelo, organic kan duhna chhan hi a bulpui berah chuanin hriselna atan a ni a, a chiang a, lha kha pakhatna atan.

Tin, chumi hriselna atan vek chuan marketability-ah tunlai khawvelah cancer problem-te hi chemical-in a siam nia an hriat avangin thil committee inang rau rauah a marketability a lo sang a, tin, a cost a lo

sang bawk a, chumi atanga organic farming hi lo chhuak a ni a. Chuvang chuan Sericulture Department hi chuanin state whole the department-a dah theih chin a ni dawn em ni le? A silk kha kan ei chi pawh a ni tawh chuang mang si lova, va sin a, thildanga hriselna tichhe thei chi pawh a ni chuang lova. A pangang kha kan lo ei thin nge ni a, sawi thiam a har viau tawh a, question theih deuh niin ka hria a. Aw, pangang hriselna atan em ni dawn? tih kha. Chuan kan dah dawn rau rau a nih si chuan. kan amendment hi a lo famkim lo deuh emaw ni dawn ka ti a. Khami amendment of section 9 tihah khan a substitute-na tur khan constitution of Board ti khan a dah mai a. 'The state Govt. shall constitute all such Boards as may be prescribe to undertake promote, coordinate, superior and facilitate various aspect of organic farming in the state' a tihah khan helaia a rawn sawi hi chuanin single window atanga an zuk handle lai tur a kha chu Mizoram organic community board a ti ta a. Commodity zawk kha a nih loh chuanin a fel hmel si lova, statement of object-a a sawi ang hian.

Chuanin, kan amendment hi a tawi tek tawk hle naa, a la famkim lo leh zawk em ni le? tih kha ka'n zawt chiang duh a. Hetah hian kan substitute dawn a, committee kha kan substitute dawn rau rau a nih kha chuan constitution of board tih ai khanin heta statement of objects and reasons-in a zuk sawi a bold letter-a han dah tak kha state of Mizoram to organic state and it is require to set up Mizoram organic community board (abbriviation MOCB) tih a ni ta a. Chuvang chuanin kan amendment hi amendment leh chhawn a nih siloh chuan single window atanga han handle tur kha a commodity chin a nih loh hi chuan a buaithlak hle ang a tih kha a rin theih tlat a. Chuvang chuan, a defective em? kan proposed amendment hi tih kha ka'n zawt duh a ni. Khalaiah khan rinhlelhna kan nei deuh a, amendment hi ka hreh reng reng lo, amaherawhchu, khalai tak kha tihchian a ngaiin ka hria a. Amend leh ngai tur em ni ang? Hetah hian a Board awmdan tur kha chu Mizoram Organic Board tih mai ni lovin, Committee tih ni lovin, Commodity, Organic Commodity ho kha single window atanga handle-na tur atan kan mamawh hi a nih hmel si a. Chuti ni lova, a state holder, department activity zawng zawngte kha zuk tih vek he Board hian a tum mai a nih chuan Super Director kan siam a ni ringawt mai dawn a, a fel dawn em ni? tih lai kha ka rilruah a awm a ni.

Tin, sawi loh theih loh thil pakhat chu, kan organic state leh production siam tum danah hian a chi atanga kan tan loh chuan a area certify ringawt khan min chhandam dawnin a lang miah lo mai a. Sawi chu in phallo viau naa, Aieng kha han sawi leh ta ila. Kan Aieng chi lei kha Meghalaya a mite kan lei ta a, Tribal Welfare Agency through khan. Mahse, khata a chi an zu lei kha organic seed a ni em? A nih siloh chuan kha khan chemical content fertilizer chu a nei ngei mai dawn a. A thlah leh pawh khan a nei zel dawn tihna a ni a.

Tin, kan Sawhthing te pawh chutiang bawkin, tin, Aieng chauh lo pawh kha a ram pumpui hi organic state-a kan siam dawn chuan kan seed procurement atangin Bawrh Saiabe a ni emaw, French Bean a ni emaw, engpawh lo nise, a chi lam zawk atanga Free of chemical manure leh free of chemical substance ti mai ang, DDT emaw, insecticide emaw a nih loh leh pesticides emaw kha. Khami lam atanga kan tan loh chuan a area kha certify ngawtin miin kan area an rawn test dawn lova, kan product kha anmahni Laboratory-ah an test leh dawn a ni si a. Chuvang chuan, dawt sawi hmang state-ah hian min chhuah palh ang tih a hlauhawm viau mai a ni. Hmanah khumi Authority for

Agricultural Product Export an tih mai. Ansal chamber amite khu kan zu dawr a, chuta an lo sawi chu, anni kha chuan a area certification aia pawimawh an tih daih kha chu. kan Sawhthing emaw kan Hmarcha emaw kha a area bakah amah tak tak kha certification a ngai ta thin a, khami kha a tel ngei ngei tur a ni a, khami tello kha chuanin organic materials angin a zawrh theih loh a, market-ah a sing-board pawh a tar theih loh tih min hrilh a, chutiang chu a ni dawn a. Chuvang chuanin hemi hianin a thawh dan tur kalhmang a pawh hi kan act-ah khan Khawzawl bialtu zahawm takin a sawi ang khan, tlema a act pumpui kha review leh a, chutiang zawnga kan ti dawn a nih chuanin mumal taka kan tih kha a thain a rinawm a.

Tunah chuan seed procurement-te chawhma lam khan kan ngaithla a, quintal engemaw zat thil chi hrang hrang kha kan procure leh tawh a ni, alu leh thildang. Mizoram pumpui hi organic-ah kan siam e pawh ti ta ila. khalam atanga kan tih free chuang loh chuanin kan leitha hman kha chu changpat atanga han siam emaw hnahte decomposition atanga kan siam dan emawah khanin a engloah kha chuan proprietary item ang pawn han produce pawh ni ila kan organic manure kha a la felfai dawn tak tak si lova. Hei aia thuk zawk deuha kal dan tur kha a la tul mai awm mange tihte min ngaihtuah tir a ni. Engpawh nise, kan amendment proposal hi a famkim em ? a inanglo tlat lai hian ngaih a tithalo a, constitution of the board etc. han tih ngawt hian commodity kawc daih zawk si kha Mizoram organic commodity tak kha zuk kawc si kha, a la zuk chhun fuh dawn em ni tih kha ngaihtuahaah a awm a. Kha kha chiang deuhin a wind-up pahin min hrilhfiah se langin, pass hi tuman kan hnial ka ring lova, khalai kha ka sawi duh a ni. Pu Speaker, ka lawm e.

PU LALHMINGTHANGA : A tha zawk mai thei a. Mahse, khatah khan tlemin kan hlauhthawn chu entirna, 'to have an autonomous body, to handle all the activities of organic farming programme from a single window with the participation from all skate-hold the department.' An ti ta a. Heta a single window guardian tur hi chu Mizoram Organic Committee Board (MOCB) para 2-na atanga rawn lang kha a zuk ni ta a. Chuvang chuan khalai tak kha kan hlauhthawn chu hemi skate-holder department ho zawng zawng chung a hetiang taka autonomous body siam kha a healthy ber dawn em ni ? tih lai kha a ni a. Chiang zawk zelin min han hrilh se a tha ang e.

PU LAL THANHAWLA : Pu Speaker, ka lawm e. Sawi ka tum lova, amaherawhchu, ka sawi duh ka sawi chuan Member zahawm tak tak ten khapna lam emaw an ti ang tih ka hlau a, mahse, ka sawi lo thei lo dawn a. Tukinah khan Sazu mei atangin alu chiah, Serthlum tamah, information technology-ah kan kal a, chutiang deuh hlek chuan kan kal leh a.

Pu Speaker, a subject-ah hian kan in fonfine loh chuan a dang dang kha kan zuk chuk leh chuan a kual khan tawp a nei dawn lova, tuna a issue ber hi chu amendment a rawn propose hi kan remtih leh tih loh a ni maiin a lang a. tin, heta a rawn zia kah hi chuan committee kan tih khan a dawn thleng a diklo a, Central lam atanga financial assistance lokal turte kha a dawng hleitheh lova. Chuvangin Board-ah thlak ila tih hi a ni deuh maiin ka hria a, committee tih kha Board-a thlak remtih leh tih loh kha a ni mai a. Aieng chi leh Sawhthing lampang kha chu a zuk khawih chia h lova, a main Act pawh a zuk khawih lova, kha kha chu la sawi tlan a, kan committee neih atang pawhin main Act pawh kha amendment a tul a nih chuan Sorkar pawhin an hnial ka ring lova. Chuvangin keini lam atang hi chuan hemiah hianin confine ila, he Amendment Bill a rawn putluh hi tawite mai a ni a, ka lo hriatthiam dan chuan, hemi Mizoram organic committee kan tih chuan, state level kha committee kan tih chuan a dawnthleng a dik lova, Board kan tih a ngai a, tih hi a ni mai a, chu chu kan remtih leh tih loh kha ni berin a lang a, keini lam atang hi chuan kan remti e, kan thlawp e, tih kha a ni.

PU R. KHAWPUITHANGA : Pu Speaker, pass kan chak tawh viau mai a, keipawh ka chak tawh a, kan han ngaihtlak dan khanin committee tih leh Board tih thlak mai a ni a, khalaiah kha chuan a tir atang khan kan Chiang sa theuhin ka ring a, amaherawhchu. Bill a lo nih ve takah chuan a kaihnawih thilte hi kan sawi hian tangkaina a awm thin a, chuvangin kan sawi nual tawh a, bengvar thlak pawhin ka hria a, khalai kha sawilan ka duh ve vang a ni a. Organic-in kan kal a, kan Minister zahawm tak hian All India Level-a committee an neihnaah te ram hrang hrang atangte pawhin uluk takin a ngaihvenin a zir bawk a, ka han sawi tur tak hi i ti ang u, tih chia h pawh ni chuang lo, nichina Khawzawl bialtu zahawm takin a sawi ang deuh khan organic-in state kan kai tawh a, 100% turin tunah convert turin kan ti a ni leh a. Engpawh nise, Board leh Committee thlak ringawt Amendment hi chu thil thui tak a khawih pawhin ka ring chuang lova, effective tura thil kal tur a ni mai dawn avangin.

Kan ngaihtuahna awm atana ka'n duh ve mai mai chu. November thla a Israel-a kan zuk kal khan Agriculture leh Water Technology lam thil kha a ni a, khang kha han sawi ve deuh te pawh a tha a. Israel khu kan hriat angin export lamah hian an sang em em mai a, khalai kha chu ngaihtuah ngun leh deuh ila a tha lawm ni tih ka ngaihtuah a. A him chinah a awm ve a, anni chuan chemical fertilizer an hmang a, a safe chinah kan kal mai a ni, an ti a. Kan zawt uluk hle a, tuna kan kaldan pangngai hi chu anni chuan tha an ti lemlo a ni. tih thu kha ngaihtuah zui atan kati mai a ni. Ram thanglai kan nih avangin khatiang kha ka sawi mai a ni e. Ka lawm e.

PU LALDUHOMA : Pu Speaker, fiamthu nge tak tak ka hre lova. Japan pa leh Pu Laloo Yadav an

inkawm a. Japan pain "Bihar-ah hian kum 10 Chief Minister chu ni ila. Japan ram ang hian ka chhuah thei ang" a ti a. Pu Laloo-a chuan, "Kei pawh Japan ramah khian kum 10 Prime Minister ni ila, Japan ram khi Bihar angin ka chhuah thei ang" a ti ve bawk e, an ti a. Mihring hi a pawimawh ber chu kan ni reng a ni. Committee Member-a kan hmante tho kha Board Member chu an nih duh hmelin ka hria a, committee lo ula, Board angin thukhawm rawh u, kan ti dawn niin ka hria a. Kha khan awmzia a neih dawn chuan a tha a, Tabithi hming awmzia chu Dorki a ni e, tih ang deuh pawh a ni theiin ka hria a. Khutah Utaranchal State-ah hetiang Board hi an nei a, hman a hmain i ti ve ang u, i siamtha ang, kan ti ta chu a ni a. Kan hotuten an ring a nih chuan a tha ka tihpui mai a.

Hei hi khulam atang khuan Jathropa-te pawh kan chawchhuak a, an thatpui leh pui loh te chu kan la hre chhawm ang a, kan Sorkar ber pawh hi kan organic lova, Delhi drip khaia nung kan ni a. Chuvangin, Aieng lam kha Pu Speaker, i remti lo bawk a, sawi ka tum lova, mahse, cancer damdawi tha tak a nih thu eng mangazine nge, eng chanchinbu nge tih pawh hriat loh kha kan dawng nawlh mai a, India Today turah kan ngai thla ngawt a. Chuvangin Committee tih kha Board tia kan han thlak a, awmzia nei dawna kan ring a nih chuan, a tha khawp a lawm tih kha ka'n dinpui a ni a, ka lawm e.

SPEAKER : A tlangpuiin kan rilru put hmang chu a langin ka hria a, he Bill chungchangah hian kan Minister zahawm tak kha han wind-up turin sawm ila. Hemi Bill leh a content kha ti sela, a side issue kha chu a tel loh theih hrm chuan a lawmawm khawp ang.

PU H. RAMMAWI MINISTER : Pu Speaker, ka lawm e. A hmasa berin kan Member zahawm tak Pu Andrew Lalherliana sawi kha, kan dan a kha a main Acts-ah khan food notes State Policy & Organic Farming tih Section 3(2)(a)-ah khan kan dan hian Mizoram pumpui kha a kaw k lo reng reng a, kan dan hian. To notified areas for organic farming and to under take such farming in such areas tih a ni a, a area-a va notified a, Mizoram pumpui ni lovin, target erawhchu thu hran ni rawh se, Pu Speaker, a main Acts-ah khan a area kha a notified zel a, a pocket- te tea tih tur a ni a. Tunah pawh kan ti tan a, a area kan notified a, farmer-te an zirtir a, a area wise-in kan kal tan a. Mahse, hemi kan ziahna chhan zawk erawhchu Pu Speaker, Sikkim-ah hian chemical fertilizer an lalut tawh lo a ni, an state hian an lalut tawh lo reng reng, keini chu kan la lalut zel a, a dan nei zawk zawk engatinge in lakluh min ti a, mi chuan tumna hian tak state lian tak, India ram state-ah hian an nei a. Khatiang ang kha tumnate chu han nei ve hrim hrim ila, kan hlawhtlin leh tlin loh, IAS exam-te pawh an tam a ni lawm ni, tling leh tling lote chu thuhran ni sela, tih kha a hmasain ka'n sawi duh a.

A area-a zawi te tea khatia tih chhoh tur kha a main Act-ah hian a ni tih kha ka'n sawi duh a. Tin, Pu Speaker, Pu Liansailova, Member zahawm tak sawi kha hei hian a rawn kengkawh chho zel dawn a. Grower Card kan tih chhoh ang chiah khan tuna organic certification kan tihnaah hi chuan farmer tin khan record an nei a, record an maintain vek zel ta a. Kha kha internal control system-in an tih tir ta a, chu chu certification hi an strict ve khawp mai a. Certifying Agency hian Auditor khan an audit leh ta a, khami hnuah khan certification kha kal chauh tur kha a ni a. Khatiang fimkhur thu, kan Member zahawm tak Pu Liansailova'n a rawn sawi leh a appreciate kha lawmawm kati a, kha kha kan kal dan tur pawh a ni a. Thildang, a value kha chu nidangah a rawn chhuak leh tho ang a, question-ah kan sawi turah ngai ta ila, a value chu.

Pu Speaker, kan Member zahawm tak Pu Lalhmingthanga rawn sawi, khami single window atanga enkawl hi a tha zawk dawn em ni ? tih lai kha single window atanga enkawl a nih loh chuan tute nge kha fund kha la ? khawiah nge an tih ? inhre tawn lo khan thil a kal thei tlat mai a. Chuvang chuan, organic certification area, organic area kha chu single window atanga kan tih chuan, a hmun atang khan kan hre vek dawn ta a. Chu chu Ministry duh dan pawh hi a ni a. Tin, tuna kan dan amend chhoh dan pawh hi Ministry lamin heti zawng hian ti ula, a dawhthlengah hian kan rawn chlung lut ang a, an tih kha a ni a. Chuvang chuan, single window hi a convenience zawk a, administration atan pawh a tha zawk a.

PU LALHMINGTHANGA : A tha zawk maithei a. Mahse, khatah khan tlemin kan hlauhthawn chu entirnan, 'to have an autonomous body, to handle all the activities of organic farming programme from a single window with the participation from all state-hold the department' an ti ta a. Heta a single window guardian tur hi chu Mizoram Organic Committee Board (MOCB) para 2-na atanga rawn lang kha a zuk ni ta a. Chuvang chuan, khalai tak kha kan hlauhthawn chu, hemi state-holder department ho zawng zawng chung a hetiang taka autonomous body siam kha a healthy ber dawn em ni ? tih lai kha a ni a. Chiang zawk zelin min han hrilh se a tha ang e.

PU H. RAMMAWI MINISTER : Pu Speaker, khalaia kha khang department zawng zawng, Head of Department a kha a Board-ah khan an tel vek dawn a ni. An mahni kha a reltu an ni vek dawn a ni, a Board kan duan danah khan. Chuvang chuanin, engmah ven tur a awm lova. an mahni kha an participate vek dawn a, an mahni kha an tel vek dawn a ni. Chubakah pawh chuan, pawn lam mi pawh kha an tel leh dawn a ni. Entirnan, heta kan han sawi Vety Department-te, Sericulture an ni

emaw Department dang Soil an ni emaw, kha kha an tel vek dawn a ni. Chuvang chuan, single window ni tho si khan an mahni kha an awm vek ang a, kan inhre tawn vek dawn a ni, chu chu a kal dan tur a ni a.

Tin, Sericulture hi kan ti a, thil hi pawm dan har deuh mai a awm a, tun vawiin ni stage-ah hi chuan, amaherawhchu, tunlai khawvel kalphung hi a mak khawp a, kan thawmhnaw hak pawh hi organic a nih leh nih loh hian thil manah kawngro a su viau tawh a ni Europe ramah khuan. Europe ramah khuan, vawiinah hi chuan sawi hi awih har tak a ni a, mahse, a tak chuan a ni tlat tawh a ni. Cotton an chin dan kha organic a nih leh nih loh miin an chhui tlat tawh a, chu chuan value thui tak a nei tawh tih kha Pu Speaker, ka chhanna ni sela.

Tin, thlai chi leh tih lam kha chu certifying agency ho reng reng hianin keini a Grower-te ai hianin hlauh an neih chu, an certify-a kha detect leh engemaw a awm chuan an mahni kha penalised tur an ni ta a, an in penalise ta a, tichuan, an hlau em em a, Auditor ho hian strict mangkhengin an ti a, an Auditor ho tih dan te chu a hmunah kal mai a nilo, inquiry an la a, CID ang hrimin an che a, an zawt kual vak vak a ni. Khatiang khan an ti tan a, Mizoramah ian Pu Speaker, tun atanga rei vak loah hian engah emaw chuan certification engemawah chuan kan nei dawn tih kha kan Aiengah ngei pawh hianin khawi pocket emaw hi chu certification neih hnai theih kan in beisei tawh a ni a, a last phase kan thleng tawh a. Chuan, a value kha chu nidangah kan sawi turah dah ta ila, chuvang chuan, tuna hemi committee tih Board tiha kan han thlak.....

PU ZODINTLUANGA : Pu Speaker, min han clarify sak lawk turin certification laiah khian individual farmer-ah nge engah nge tunge certificate kha an hlanna tur lai kha, khami organic certificate lai kha min hrilhfiah thei em aw ?

PU H. RAMMAWI MINISTER : Pu Speaker, a area-ah khan a ni dawn a. Tin, ICS hian documentation engkim a awm ta vek a, a documentation zawng zawng kha auditor khan an audit-a, auditor audit report hnuah khan certifying agency khan certificate an pe dawn a ni. Chu chu a kalphung tur a ni a.

Tin, helaiyah hian kan tarlan statement-a kan ziahlan na chhan hi chu, thildang a ni lova, Pu Speaker, a hming tur kha a la awm dawn a, a hming tur i duang lawk ang kan ti a, Board a nih khan Board hming tur put ve a ngai dawn a, Pu Speaker, thil dang kawh hran a nei lova, a tum hi

committee ang hian a dawthleng hi a zim a, Board a nih hian pawisa rawn luhna a rem a, Ministry lam khuan Board-in ti ula, chutah chuan pawisa kan rawn chhung ang a, chuta tang chuan single window-in, in enkawl ang a, supervision leh administration engkim a kaltluang tawh ang. Tuna in tih ang hi chuan a rem tlat lo an ti a. min rawn fin chhuah a, chuta tanga hei hi Pu Speaker, rawn duang kan ni a, he House zahawm tak hian tuna ka Amendment Bill rawn putluh "The Mizoram Organic Farming (Amendment) Bill, 2008 hi lungrual taka min pass-pui atan ka rawn ngen a ni.

SPEAKER

: Awle, Bill neitu Minister zahawm tak Pu H. Rammawia'n a Bill, "The Mizoram Organic Farming (Amendment) Bill, 2008" pass a rawn dil a, kan buk ang a, pass remti a piangin 'remti' ti rawh ule, remti lo kan awm em ? kan awm chuan 'remti lo' ti rawh ule. Awle, remti lo kan awm lova, "The Mizoram Organic Farming (Amendment) Bill, 2008 chu House-in lungrual takin a passed a ni. Tikhan, vawiin atana rorel tur chhawp chhuah sa chu kan lo zo leh ta rih a, kan chawl ang a. naktur Zirtawpni 28.3.2008 10:30 AM ah kan thukhawm leh dawn nia.

Sitting is adjourned at 4:00 PM